

JOHANNIS STEARNE,

M. & J. U. D. *He. 24. 26*

APHORISMI

D E

Fœlicitate.

Ὁ δὲ πᾶντας ἀνθρώπους ἐπὶ τὸ εὐδαιμονεῖν, ἰσὶ τὸ εὐεχαλεῖν
ἐποιεῖ. *Epiſt. apud Arrian. L. 3. C. 24.*

אם לא יהיה מה שתדע רצה מה שיהיה



DUBLINII, ,

Typis Johannis Crooke, Typo-
graphi Regii, & proſtant venales

apud Sam. Dancer, 1664.

24



Honoratissimo, Illustrissimoque

DOMINO,

JACOBO

Duci Ormoniae, &c.

HIBERNIAE Proregi, & Academiae
Dubliniensis Cancellario.

Bonitate & Beneficentiâ
Magnetica quædam vis
inest, sed quàm in magnete
contractior & efficacior. Hic fer-
rum, illa hominem ad se allicit, ani-
mal, si læseris, fugax, sequax, si
benefeceris. Tutela enim, (ut cre-
dibile est) non timor, primos in or-
bem Deos, Reges scilicet & Sa-
trapas

Dedicatio.

trapas induxit. At cum hi, ut maximè velint, omnibus simul adesse nequeant, immediata & præsentior necessitas Clientibus Patronos superinduxit, nè ullibi imbecillitas non haberet Asylum. Libri, post homines, multis jam retrò sæculis eandem cum hominibus rationem inierunt, & Momis, Zoilisque obnoxii, potentiorum se tutelæ permiserunt. Quod & libris è re fuit, & Diis illis Tutelaribus non inhonorificum. Quid igitur hìc non ex more accidit, si nostri quoque de Beatitate Aphorismi, è tenebris in lucem properantes, ad C. T. ad-
eant,

Dedicatio.

*eant, in sinum devolent, in Te, si vè
fortune, si vè animi bona respiciant,
Patronum in utrisque summum in-
venturi? Avos siquidem, atavosq;
tuos quoties memoriâ repeto, cum
Nilo ab origine magnos, cum
Planetarum medio, maximo, Re-
gibus, Reipublicæ, omnibus, salu-
taria illuxisse sidera comperio. Ter-
geminum ORMONIÆ Titulum
quod superet, in nullâ (quod sciam)
Britanniæ familiâ hætenus repe-
ritur. Sed Tituli, ut plurimum
splendidi, ab avis benè merentibus
in nepotes minùs meritos derivan-
tur. At Tu, Justitiâ, Constantiâ,
Tem-*

Dedicatio.

*Temperantiâ, Fortitudine, alijsq;
Heroicis virtutibus, Heroas non
modò veteres anteis, sed & ipsis
Majoribus tuis, Ormonix &
Wiltonix Comitibus, Heroum
longè maximis, præluces. Quæ
commemorate virtutes, utut in
sereno illo pectore tuo altissimas e-
gerint radices, à nobis tamen par-
ticipantur per emanationem, &
caloris influentiam; Quam qui non
sentiunt, stipites esse oportet; se
sentiant, & non fateantur, ingra-
tos. Pro operâ fortiter & fideliter
præstitâ, CAROLUS fœlicis me-
morix, Primus, gratias (quod ve-
num*

Dedicatio.

num potuit) Tibi habuit, Secundus retulit. Hibernia per Te Tuosque ornata olim & aucta, Tuâ unius præsentia, prudentia & providentiâ, paucorum nuperrimè vindicatur sanguine, & conservatur; idque cum jam malè feriatarum hominum conjuratio in nervum propè erupisset. Hæc ut sint ad gloriam satis, quia maxima, quia Tua, ad ejus tamen cumulum nostra quoque recognitio pertinet. Quam pro virili meâ parte literario hoc quali quali monumento testatam & consignatam, C. T. quâ par est humilitate offero, consecro.

b

Alterum

Dedicatio

Alterum hunc Minerva nostrae
fœtum, ut priorem, Tanti Mecæ-
natis præsidium cohonestare digne-
tur, reddatq; quod è temperamento
suo sperare non audet, vitalem.
Eam interea, quam apportat, felicità-
tatem Tibi, Familiæque Tuae, ut
Et natis natorum, & qui nascantur ab illis,
Ut illibata, & perpetua sit,
D.O.M. ex animo veneror, &
voveo Excellentie Tuae multo
minibus obstrictissimus

JOHANNES STEARNE.



Lectori Salutem.

Philosophiam, ante natas sectas, populariter ^{de}viserunt veteres *Græci*, in *Barbaricam*, *Italicam* & *Græcanicam*.

Non quòd eam cum *Cerbero* tricipitem putarent, (fuerunt enim illis æquè ac nobis, unum, verum, & bonum convertibilia) sed quia videbant triplex hominum genus, triplici temporum tractu, apud tres præcipuè nationes, eam docuisse. Quam dixerunt *Barbaricam*, *Protoplastæ*, imò Deo ipsi debet originem, & per *Shethi* posteros, usquè ad *Hebræos* propagata est. Cæterum, si è coelo, ut quid audit *Barbara*? Scilicet quia non item è *Græciâ*. *Barbaricam* excepit *Italica*, quæ utiquè brevis ævi fuit. Ex *Indis* enim & *Ægypto* cum *Pythagorâ* in *Latium* navigavit, cùmque *Sextio* *Pythagorico* (quoad *Sectam*) exiit. *Græcanicam* excoluerunt primùm *Poëtæ*, *Musæus*, *Linus*, *Orphens* & *Homerus*, eamque poëticis figmentis involutam sibi ad tempus solam habuerunt.

Ad Lectorem.

Pherecydes Græcorum primus solutâ oratione de Philosophiâ differuit. Post *Pherecydem* in duas capitales familias, *Ionicam* nempè, & *Eleaticam* abiit. Ab *Eleaticâ Stoici*. Coloniam (ut ita dixerim) deduxit *Zeno*. Ampliârunt *Cleanthes*, *Chrysippus*, *Diogenes Babylonius*, *Panætius*, & alii *Stoicorum Patriarchæ*, Philosophi haud ~~reg~~nobiles. Qui è *Syriâ*, aliisque regionibus *Palestinae* ut plurimum conterminis oriundi, *Hebræis*, & in his, præ aliis, *Pharisæis*, sapientiam, sed jam senescentem ferebant acceptam : Quin & posteris eo numero habiti sunt, ut una *Epi-Acti* lucernula, (quæ tamen illi domesticum omne instrumentum fuit) mille drachimis, peregrini baculus longè pluris vænierit. Tanti etiam Ethnicis reliquæ fuerunt ! At meherculè *Stoicorum* natio dogmate quàm stemmate clarior extitit ; nisi secundum naturam minùs depravatam vivere, corruptam vincere, nisi sola bona pulchra, mala turpia, nullâque nisi animi bona agnoscere ; nisi sapientem sibi satis esse, virtutemque ad beatam vitam sufficere ; & nisi Majestatem & Providentiam præ philosophis omnibus Deo asserere, sit qui in præclaris esse non existumet. *Hieronymus* certè horum intuitu,

Ad Lectorem.

tuitu, nostro [*Christiano*] illos dogmati in
plerisque concordare pronunciat. *Tantum*
interesse inter Stoicos, & ceteros sapientiam
professos, quantum inter viros & fœminas, Sc-
neca nullus dubitat. Metuo (inquit *Orator*)
licet insectemur, soli nè philosophentur Stoici.
Ab *Augustino* ducentæ octoginta & octo
Philosophorum de summo bono opiniones,
sed summatim, commemorantur : De tot,
sive *Augustino* creditur, sive non, in confesso
est, huic tanto symbolo *Stoicos* monadem
tantum adjecisse. Quæ circa & nobis de
eâdem fœlicitate commentantibus, tantum
non soli occurrunt, quorum vestigiis fiden-
tius inhæreamus. Quamvis & aliorum præ-
stantissimorum *Authorum* lucubrationes &
controverfias hâc de re & numero plures
& pondere gravissimas relegimus, consului-
mus. Quos, ut non causemur, in multis
tamen non sequimur : nè vel actum agere,
vel litibus (quibus nonnulli, cum scurrili
isto apud scurram, *Socrate*, *ἡ σοφία*) *Lectorem*
onerare videremur. Quid igitur in novo
hoc opere novi? Nec nihil, nec nimium.
Collatis & pensatis omnium placitis, quæ
præsertim à *Stoicis*, quibus inter se convenit,
& quorum scita (quod antea monui) à no-
stris

Ad Lectorem.

ſtris non admodum abludant, de Beatitate exarantur & poſteris mandantur, ad certos *Aphoriſmos* redeſimus, nonnullis (ubi opus fuit) lucem intulimus, omnia in ordinem digeſſimus. Quod ab initio hujus opellæ & mens fuit, & inſtitutum. *Epiſtetum*, *Senecam*, *M. Antoninum* & alios virilis hujus Philoſophiæ Antifites ut ſuſpiciamus, ut eorum opera veneremur : in illis tamen, eadem, verbis licet non iſdem, ſæpius reiterantur (quod repetitis occaſionibus, & eadem diſſerendi opportunitatibus aſcribendum eſt) imò & Theorematum, quibus tota ſœlicitatis ratio comprehenditur, nec apud illos definitur numerus, nec obſervatur ordo. Quam tamen illi ſœlicitatem docuerunt, & nobis reliquerunt, & nos alibi fuſius enarravimus, haud mutamus, ſed contractam magis, & in Axiomata, nec multa, nec vel evidentiâ, vel methodo deſtituta, redactam, cordato & benevolo *Lectori*, quaſi in Tabulâ exhibemus. Beatitudinem, & quæcunque ad eam vel adipiſcendam vel juvandam ſunt neceſſaria paucis complectimur, quod nemini vel ingratum fore ſperamus, vel inutile. Tu, *Lector*, hoc noſtro conatu fruire, & Vale.

Ad Doctissimum Authorem,
de bonis Literis indefessum &
optime meritum.

Nulla est, Sterne, tuis par Musa polygraphæ scriptis:
quippe tuis, superas carmina nostra, Libris.
Nec bene sentiri vehement, & sensile forte:
Nec bene laudari non mediocere, potest.
Cuncta licet fingam; non si me rupero cantu,
Quod summum est majus, reddideròve minus.
Otia fac Prælo, vel tu tibi quære camænam,
Cujus inexhausto pectus ab igne calet.
Scribe tamen, nemo, licet ambulet ante, Poeta
Nata recens, & quæ, Fama loquatur, anus,
quamvis non video, quid jam Fœlicibus addas,
At nihil est quod non, tæque laborque dabis.
Pondus & ingenii, facit, irrequietis acumen,
Cum cælo ut motus, sit tibi, STERNE, quies.

R O B. Kilmorensis.

In Clarissimum, acutissimūque
Virum, D. JOH. STEARNE,
U. J. & M. D. & ejus de Fœ-
licitate Aphorismos *ARGVXON.*

QUærimus ut *benè* sit, sed non *benè* ;
fallimur ergo,
Et rata per multis vota fuisse, nocet.
Scilicet *electu* rerum peccatur, & *usu*,
Principiis, mediis, finibus error inest.
Sternius occurrit morbo, quaque arte *beatis*
Esse licet, methodo sed brevior docet.
Hoc duce, *supremum*, vel reclamante *Solone*
Fœlix ante diem, *funus* & esse potes.
Marcus, Epictetus, Zeno quibus excidit, audet,
Victurisque premit *Sternius*, illa, schedis.

Job. Maxwell.

INDEX

APHORISMORUM.

SECTIO Prima.

Aphorismus Primus.

Homo naturaliter appetit fœlicitatem.

Aphorismus 2. *Homo naturaliter abhorret à miseriâ.*

Aphor. 3. *Est in hominis potestate fœlicitatem adipisci & miseriam devitare.*

Aphor. 4. *Ut potestas fœlicitatem consequendi & miseriam devitandi, ad actum perducatur, satis est certò, cum ea quæ volumus consequi & retinere, consequi & retinere; cum in ea, in quæ nolumus incidere, non incidere.*

Aphor. 5. *Certò adipiscimur & retinemus, quæ adipisci & retinere volumus, certòque in ea non incidimus, in quæ incidere nolumus, si adipisci & retinere velimus, quæ adipisci & retinere certò penes nos est, &*

Index.

in ea incidere nolimus, quæ devitare, certò itidem penes nos est.

Aphor. 6. *Quæ certò adipisci & retinere possumus, adipisci & retinere velle, atque in ea, quæ devitare certò possumus, incidere nolle debemus.*

Aphor. 7. *Quæ consequi & retinere certò possumus, ea sunt multa, magna, præclara; quæque devitare certò penes nos est, turpia sunt, inhonestà, verèque mala.*

Aphor. 8. *Quæ in explicatione præcedentis Aphorismi commendantur, amplexando; & quæ ibidem improbantur, aversando, sumus boni.*

Aphor. 9. *Boni sunt fælices.*

Aphor. 10. *Omnes homines debent esse beati.*

Aphor. 11. *Potestas beatitudinem consequendi & miseriam devitandi, sine suo frustratur necessario, volendo consequi & retinere, quæ consequi & retinere nequimus, & nolendo in illud incidere, quod devitare non possumus.*

Aphor. 12. *Debemus nec velle consequi & retinere, quæ consequi & retinere non possumus, nec nolle incidere in ea, quæ devitare nequimus.*

Aphor. 13. *Mali sumus volendo consequi & retinere, quæ consequi & retinere non possumus,*

Index.

sumus, & nolendo incidere in ea, quæ devitare nequimus.

Aphor. 14. *Miseri sumus volendo consequi & retinere, quæ consequi & retinere non possumus, & nolendo incidere in ea, quæ devitare nequimus.*

Aphor. 15. *Actus voluntatis, quibus aut volumus ea consequi & retinere, quæ an consequi & retinere possimus, incertum est; aut nolumus in ea incidere, quæ an devitare valeamus, incertum est, laborant periculo frustrationis.*

Aphor. 16. *Ubi frustrationis periculum, ibi metus.*

Aphor. 17. *Ubi metus, ibi non est felicitas.*

Aphor. 18. *Debemus nec ea velle consequi & retinere, quæ an consequi & retinere valeamus, incertum est; nec in ea incidere nolle, quæ an devitare possimus, incertum est.*

Aphor. 19. *Ea quæ an consequi & retinere possimus, incertum est, sunt terrena, caduca & vana; quæ vulgò bona corporis & fortune nuncupantur; & quæ an devitare valeamus, incertum est, sunt iis contraria.*

Aphor. 20. *Volendo & nolendo inserta; quæ scilicet bona corporis & fortune appellantur, iisque sunt contraria, sumus mali.*

Aphor.

Index.

Aphor. 21. *Mali sunt miseri.*

Aphor. 22. *Debemus esse non-miseri.*

SECTIO Secunda.

Aphor. 1. *Valetudo prospera, cateraque corporis bona, opes & honores suam habent*
aliam & contraria aliam.

Aphor. 2. *Habenda est ratio valetudinis, voluptatum corporearum, vestitus & domus.*

Aphor. 3. *Opes non sunt negligenda.*

Aphor. 4. *Opum mediocritas optima.*

Aphor. 5. *Sua cuique debet esse vocatio, ei que sedulo inserviendum est.*

Aphor. 6. *Bona aliorum de nobis opinio non est negligenda.*

Aphor. 7. *Privata vita publicâ potior.*

Aphor. 8. *Pauca sunt agenda.*

Aphor. 9. *Arcana non sunt revelanda.*

Aphor. 10. *De nemine mala dicenda.*

Aphor. 11. *Injuria nemini inferenda.*

Aphor. 12. *Ingratitudo fugienda.*

Aphor. 13. *Omni bus benefaciendum.*

Aphor. 14. *Cui pecuniam mutuemus, cavendum.*

Aphor. 15. *Sua cuique dogmata permittenda.*

Aphor.

Index.

- Aphor. 16. *Quod ipse præstare potes, id ab alio fieri nè desideres.*
Aphor. 17. *Consilium ex seipso capiendum.*
Aphor. 18. *Ab illorum consortio, qui nobis sunt superiores, cavendum.*
Apho. 19. *Ab inimico reconciliato cavendum.*
Apho. 20. *Insaniâ alienâ fruendum.*
Aphor. 21. *Multitudini cedendum.*
Aphor. 22. *Tempori serviendum.*
Aphor. 23. *De adversitate, ut futurâ, sapius cogitandum.*

SECTIO Tertia.

- Aphor. 1. *Ad acquiescendum in statu suo, vel ad eum ægrè ferendum, suâ ipsius opinione movetur homo.*
Aphor. 2. *Hominem opinari statum suum bonum esse vel malum, liberum est.*
Aphor. 3. *Hominis opinio de statu suo, ut bono, vera est.*
Aphor. 4. *Hominis opinio de statu suo, ut bono, utilis est ad felicitatem adipiscendam.*
Aphor. 5. *Cùm homo de statu suo cogitat, illius opinio de eo, ut bono, est ad felicitatem adipiscendam necessaria.*
Aphor.

Index.

- Aphor. 6. *Hominis opinio de statu suo, ut bono, quantum ex parte intellectus requiritur, cum de ipso cogitat, ad felicitatem adipiscendam satis est.*
- Aphor. 7. *Hominis opinio de statu suo, ut malo, falsa est.*
- Aphor. 8. *Hominis opinio de statu suo, ut malo, perniciosa est.*
- Aphor. 9. *Homo statum suum bonum esse, non malum, opinari debet.*

SECTIO Quarta.

- Aphor. 1. *Aliquando malis minoribus magis, majoribus minus commoventur homines.*
- Aphor. 2. *Malis minoribus saepius, majoribus rarius commoventur homines.*
- Aphor. 3. *Malis majoribus assuetus, minoribus baud facile movetur.*
- Aphor. 4. *Malis majoribus assuevisse, utile est.*
- Aphor. 5. *Hoc ipso, quod assuevimus malis majoribus, letari debemus.*
- Aphor. 6. *Hoc ipsa, quod patimur mala majora, letari debemus.*

Aphor.

Index.

- Aphor. 7. *Cùm mala sunt minora, gaudere debemus.*
Aphor. 8. *Cùm eveniunt malis opposita, gaudere debemus.*
Aphor. 9. *Quæcunque nobis eveniunt, lætamente sunt excipienda.*
Aphor. 10. *Torqueri malis minoribus, non est signum fælicitatis.*
-

Ad Lectorem Admonitio.

SECT. I. Aphorif. 21. *Malos esse miseros dicimus; quod, nisi de rerum, quas depereunt, incertitudine omninò non cogitent, vel illas esse certas falsò existiment, (cujus incogitantia aut erroris frequentiam & diuturnitatem vetat evidentissima fortunæ inconstantia) semper verum esse putamus; & Aphorismi veritatem haud aliter asserimus, quod Te latere noluimus.*

- Aphor. 7. Cum male sunt minores, gaudere debemus.
 Aphor. 8. Cum eveniunt male opposita, gaudere debemus.
 Aphor. 9. Quicunque nobis eveniunt, laetari debemus sunt expetenda.
 Aphor. 10. Torquenti malis minoribus non est signum felicitatis.

Ad Lectorem Aduertitio.

SECT. I. Aphor. 21. Malis esse milites dicimus: quod, nil de rebus, quas debent, incertitudine omnino non cogitent, vel illas esse certas falso existimant, (cujus incogitantis aut erroris frequentiam & diuturnitatem vetat evidentissima fortis inconstans) semper verum esse putamus; & Aphorismi veritatem haud aliter ostendimus, quod Te latere volumus.



JOHANNIS STEARNE,
M. & J. U. D.

APHORISMI
DE
Fœlicitate.

SECT. I.

Aphorismus primus.

Homo Naturaliter appetit Fœlicitatem.

Cogitationes Humanæ, ^ἡveluti
^{αἰσθητικὰ καὶ γνῶστικὰ,} [Jacob. c. 1. v. 23.]
varie sunt ac dissimiles. ^ἡἡμεῖς αἰσθητικὰ περὶ σὶ ποῖς, ἡτοι εἰδὲ αἱ διάνοιαι
^ἡκαὶ ἀνθρώπων, Proverb. c. 27. v. 19.

Nec faciem alteri undiquaquè similem, nec
A conceptus

conceptus plùs minùs haud discrepantes, reperire est : Imò, sua cuique facies constans est & certa, cogitationes verò permultæ, admodùm incertæ, & sibi mutuò non infrequenter adversæ ; quod in seipso, omni procul dubio experitur quisquis motus animi sui sedulò observare dignatur.

Ut autem cogitationum, ita & appetituum, ingens pugna, varietas magna. Intellectus quippè est *τὸ ἀσφάλειον*, quod voluntas refert & imitatur. *Pueri* (inquit *Epictetus*, *Enchirid. c. 35.*) *nunc pugiles ludunt, nunc tibicines, nunc gladiatores, jam tubâ canunt, jam tragœdias representant. Tu quoque sic, nunc pugil, mox gladiator, postea orator, demùm philosophus, toto autem animo nihil : sed ut simius, quicquid spectaveris, imitabere, atque aliud ex alio adamabis.* Apueris, ætate, non appetitus inconstantia, annis, non levitate desideriorum, discrepant grandævi. Adulti quidem multò majora ludunt & pupis longè grandioribus, sed illis & pueris amoris in fastidium mutabilitas est eadem ; neutris diù placet idem institutum ; nemo sibi constat.

——— *Si quis Deus, en ego, dicat,
Jam faciam quod vultis. Eris tu, qui modo miles,
Mercator : Tu, consultus modo, rusticus. Hinc*
(vos,

*Vos hinc mutatis discedite partibus. Eia
Quid statis? nolint. Horat. Serm. l. i. Satyr. i.*

Vota nostra numero coarctari recusant ;
ut *Euripus*, fluunt & refluunt ; ut *Proteus*,
mutantur. Adeò frequenter rescindimus
desideria, ut abrogatio videri queat unicus
ipsorum scopus, & nos tam ad immutanda
desideria, quàm ad desiderandum, nasci, haud
immeritò suspicari possit non nemo. Ad
hanc votorum inconstantiam adstruendam
quisque sibi fatis est. Quòd si quis minùs sit
diligens & curiosus observator sui, (ut ferè
fit) consulat *Theodor. Zuingeri Theatr. Hu-*
man. vitæ volum. 2 l. 4. p. 3570. ubi exem-
pla inconstantiae maximè insignia non desi-
derantur. *Varietas cupiditatum rationalium*
(inquit *Theophilus Raynaudus*, *Moral. Disci-*
plin. Distinct. 3. q. 2. Art. 3. n. 180.) *immensa*
est & infinita. Neque enim certam aliquam desi-
deriorum multitudinem profundit humanus
appetitus, Sed examina & populos cupidita-
tum, & tantâ quidem multitudine, ut subduci
nequeat numerus. Rursus, illud præterea in-

signiter circa hanc cupiditatis humanæ multiplicatam & inexplebilitatem à Platone traditum est initio Libri sexti de Repub. Estq; etiam à S. Augustino observatum, L. de bono viduit. c. 21. unâ cupiditate avulsâ, non deficere alteram : sed vel subpullulare & subnasci novam, vel quæ alioquin jacuisset, auferere, quasi corripatis ad eam amplificandam viribus appetitus, ad aliam cupiditatem non impensis. Sed, nummos, pecora & hujusmodi haud incuriosè supputamus, hanc autem voluntatis superfoetationem planè stupendam, quasi nostrâ nihil referat, quot & qualia sint desideria, omninò negligimus, & in immensum crescere permittimus.

*Quod si, spectatâ desideriorum instabilitate, vicissitudine & contrarietate, homo sibi sit diversus, quemlibet à quovis alio differre quid mirum? Trahit sua quemque voluptas. Quod vitæ genus sectatur aliquis non est, quod ab alio non vel prorsus rejicitur vel ex parte condemnatur. Ea est voluntatis hominis cujusque quasi *ἰδιότροπος*, ut quod ipsi quadrat accuratè, alterius voluntati haud respondeat ad amissim. Est enim cujusq; singularis hominis voluntas veluti sera, quam clavis quæ referat, aliam*

aliam nullam referare potis est. Ut Angelus ab Angelo, ex sententiâ *Aquinatis*, 1.q.50. Artic.4. ita integrum cuiusq; voluntatis institutum, ab integro quovis alterius voluntatis instituto, *specie* differre videtur.

*Velle suum cuiq; est, nec voto vivitur uno.
Mercibus hic Italis mutat, sub sole recenti,
Rugosum piper, & pollentis grana cumini :
Hic Satur irriguo mavult turgescere somno :
Hic campo indulget, hunc alea decoquit : ille
In venerem est putris.*

Inter appetitus autem, qui ad *fælicitatem* terminatur, potissimam considerationem facile meretur, quoniam fœlicitas est hominis *finis ultimus*, τέλειον τέλος, (ut loquitur *Aristoteles*) *summum bonum* seu *Perfectio*, ἡ τελειότης ὡς ἀγαθόν, appetendorum *extremum*. Præterea à fœlicitatis desiderio cætera omnia profluunt desideria. Quicquid enim præter *fælicitatem* desideramus, illud, ut eam consequamur, desideramus, quia ab *ultimi finis* appetitu proficiscitur appetitus reliquorum ; quo sensu πάντες εἰς ἓν σκοπεῖσιν ὡς εἰς ἓν, ut docet *Marcus Antoninus*, L.6. *Quicquid aliud* (ait *Augustinus*, l.13. de Trinit.) *quisque latenter velit, ab hâc voluntate*

tate [quâ foelicitas ſcilicet expetitur] quæ omnibus ſatis nota eſt, non recedit. Omnis mortalium cura (inquit Boëtius, Conſol. Philoſoph. l. 3.) quam multiplicium ſtudiorum labor exercet, diverſo quidem calle procedit, ſed ad unum tamen beatitudinis finem nititur pervenire. Denique, foelicitatis appetitus Græcis & Barbaris, Chriſtianis & Ethnicis, Nobilibus & ignobilibus, Principibus & Subditis, opulentiſ & egenis, probis & improbis, & ut verbo dicam, omnibus communis eſt. Omnium certa ſententia eſt (Auguſtino obſervante, L. X. de Civitate, c. I.) qui ratione quoquo modo uti poſſunt, beatos eſſe omnes homines velle. Quemadmodum, etſi varia ſint & ſibi repugnantia hominum iudicia, inter ipſos tamen de Principiis convenit : ita, quamvis deſideria ſint multa, & ſibi contraria, quibus homines ultrò citròque jaſtantur, in appetitu tamen finis ultimi, qui in re morali Principium eſt, ſummus eſt conſenſus ſummæque concordia. Deſideria ſunt tanquam lineæ, quibus animus ad ſua exporrigitur objecta, (eſt enim ὁρεξις, ut eam definit *Simplicius*, ἡ ἀρετὴ τῆς ψυχῆς ἐπὶ τὸ ὁρεχτόν) & ut lineæ ratione punctorum circumferentia, ad quæ terminantur, diſſitæ, in centro con-

conveniunt : ita desideria respectu objectorum, ad quæ feruntur, dissidentia, in *fælicitatis* appetitu veluti *centro* coeunt & uniuntur. Ab eodem ejusdem *metæ* desiderio inchoantur desideria & valdè diversa & prorsùs adversa : ut à *Viatoribus*, qui eundem sibi præfigunt *terminum* & ab eo moti iter capeffunt, deliguntur *femitæ* & *variæ* & *contrariæ*.

Hic *fælicitatis* appetitus est homini naturalis. Nam primùm, inter appetitus, ille naturalis censerì debet, qui primus est, eò quòd ab ascititio abest quàm longissimè ; sed primas obtinet *fælicitatis* appetitus, ab eo quippè profluunt reliqui omnes, eorùmq; institutum est ac scopus, illi inservire. *Aquinas*, 1. p. q. 63. Art. 5. *Cajetanus*, aliq; *Thomistæ*, *Durandus* & *Hervæus*, Angelum in primo creationis instanti peccare non potuisse docent ; quod *Cajetanus* probat in hunc modum : priùs debuit voluntas angeli operari ut natura quædam, atq; adèò necessariò, saltem quoad specificationem actus, cum prior in voluntate sit ratio naturæ, quàm ratio voluntatis libera. Actu autem necessario non potest committi peccatum. Quòd si actus primus ordine durationis sit naturalis, multò ma-

gis naturalis est, qui primus est ordine & durationis & naturæ. Atqui talis actus est *beatitudinis* desiderium, quoniam quicquid id est, quod præter *beatitudinem* expetimus, idcirco expetimus, ut, quam deperimus, *beatitudinem* assequamur; atq; hunc ordinem postulat ipsa natura, quia lege naturæ, appetitus *finis ultimi*, appetitui *mediorum omnium*, è quorum numero sunt & omnes *fines subordinati*, prævius est. *Ab initio fuit sic*, [quod repudii libello haudquaquam competeat, Matth.c.19.v.8.] est, & erit in sæcula sæculorum. Secundò, quòd *fælicitatis* appetitus sit naturalis, ipsius universalitas longè amplissima facile demonstrat. Nam, à quo rei universalitas, ab eo & res ipsa proficiscitur: Hujus autem appetitus universalitatem à naturâ profluere quis inficiabitur? Aut enim à consuetudine & educatione, aut à vitio, aut à virtute, aut deniquè à naturâ suam trahit originem. Consuetudini verò & educationi hanc generalitatem non debemus, quoniam unus & idem fœlicitatis appetitus viget apud omnes, quorum tamen non una consuetudo, & educatio non est eadem; nec vitio, quia beatitudinem depereunt vel optimi; nec virtuti, eandem

eandem quippè desiderant & nequissimi. Ut igitur à naturâ promanet, necesse est. Quòd si quis omnes homines peccare, peccatum tamen homini haud esse naturale, dicat ; ac propterea *fælicitatis* appetitum, quamvis omnibus sit communis, hoc nomine tamen homini non esse naturalem contendat : Omnes quidem homines peccare non diffitemur, sed peccatis alii aliis sunt addicti ; alii in hæc vitia, alii in diversa, alii in contraria prolabantur. Appetitus autem *fælicitatis* est unius atq; ejusdem rationis apud omnes, etsi objecta, in quibus homines suam collocant *fælicitatem* & à quibus ipsam derivare sperant & conantur, sint longè diversissima. Quocircà, cùm alia sit peccati universalitas, appetitus *fælicitatis* alia ; quamvis ex illâ peccatum esse naturale non rectè concludatur, ex hâc tamen *fælicitatis* appetitum esse naturalem, quidni demonstramus ? Nam, si omnes homines peccarent unum atq; idem *specie* peccatum, istud homini esse naturale foret manifestum ; quamobrèm, *fælicitatis* appetitum esse naturalem liquidò constat, quoniam *specie* unus est & idem apud omnes, qualescunque sint, & undecunque *fælicitatem* studeant elicere Tertiò, ^{vi} *esse*, est *fælicitate*

licitate minùs amabile, quoniam non aliter
 desiderabile est, quàm quatenùs *fælicitatis*
 quoquo modo capax est. De entis bonitate
 rixentur *Metaphysici*, eámq; *beatitudinis*
impossibilitati & *certitudini miseriae* con-
 junctam eò usq; prædicent *Calvinistæ*, ut ip-
 sam *non-entitati* præferant; sobrius tamen
 esse non vult, nisi ut sibi *benè sit*, seu ut sit
beatus; & prudens \approx esse omni possibilitate *fæ-*
licitatis nudatum, amore suo non dignatur;
 & *transcendentalis bonitas inevitabiliter mi-*
sera dementi tantùm, si cuiquam, placet &
 arridet. Verùm, desiderare \approx esse, est
 naturale, ac proindè & *fælicitatem* deside-
 rare naturale est. Si enim quod minùs est
 amabile, desiderare, sit naturale, & natu-
 rale est desiderare illud magis amabile, à
 quo minùs amabile suam omnem mutuatur
 amabilitatem. Quartò, quod citra delibe-
 rationem & peccatum desideratur, natura-
 liter desideratur. Absq; deliberatione quid-
 piam appetere, cùm ad istud appetendum à
 naturâ non impellimur, temeritatis est; aliàs
 quid opus est rationem ad consilium vocare?
 cùm autem naturæ impetu ad aliquid desi-
 derandum incitamus, nec illud desiderando
 peccamus, nec ut deliberationem desiderio
 præ-

præmittamus, necessarium est, quoniam quid sit appetendum jam determinavit ipsa natura, ita ut, si ratio deliberando id ipsum determinaret, actum ageret. Deliberatio, naturâ silente, necessaria, jubente, superflua est. Jam verò *fælicitatem* desiderant ad unum omnes, & nemini vitio vertitur hic appetitus; de eâ tamen appetendâ nunquam instituitur deliberatio.

Imò, voluntati adeò naturalis est hic appetitus, ut nihil suprà. Ut *principiis* adsentire, intellectui: ita finem ultimum deperire, voluntati summè naturale est. Virtutibus valedicere, vitia derelinquere, opes profundere, honores contemnere, valetudinem pessundare, & vitam ipsam prodigere possumus: sed *fælicitatis* appetitus naturæ adeò firmiter adhæret, ut eum, nisi & naturam excutiamus, excutere nequeamus. *Fælicitas est* (inquit *Justus Lipsius*, *Manuduct. ad Stoic. Philosoph. l. 2. c. 13.*) *quòd vota nostra eunt, parentum ducunt: omnes homines, omnis sexus,*

— *navibus atque*
Quadrigis petimus benè vivere. Horat.

Bonum

Bonum est (ait Boëtius, lib. suprâ citat.) *quod tam diversis studiis homines petunt: in quod quanta sit naturæ vis, facile monstratur, cum licet variæ dissidentesq; sententiæ, tamen in deligendo boni fine consentiunt.*

Appetimus autem *foelicitatem*, τὸ καλὸν, ἡσυχίαν (ut loquitur *Simplicius* in *Enchi. Epi&. c. 72.*) appetitu cum *non-elcito*, tum *elcito*, ille capacitas est, & propensio ad foelicitatem; gravitati, quâ lapis deorsum inclinatur, respondet; & non tantum *naturalis* est, verum etiam *necessarius* & *summus*. *Elicitus*, motui, quo lapis fertur ad locum inferiorem, haud absimilis est; *necessarius* est quoad *specificationem*, non *exercitium*; & *summus*, ut plurimum *intensivè*, semper *appretiativè*.

APHORISMUS secundus.

Homo naturaliter abhorret à miseriâ.

IN miseriâ nihil est amabile, nihil non dignum odio longè maximo: ipsam cuncti detestantur, idq; naturaliter; quod, argumenta, primum, secundum & quartum, quibus appetitum foelicitatis esse naturalem paulò

paulò antea demonstravimus, probare pos-
 sunt. Nam odium miseriæ, odio quovis alio
 prius est. Quicquid enim præter miseriam
 detestamur, istud ideò detestamur, quia ad
 reddendos nos miseros facit aliquatenus ;
 omnesq; tam improbi quàm probi, qualif-
 cunq; fuerit educatio, miseriam abominan-
 tur ; illamq; & citra deliberationem & absq;
 peccato, gravissimo prosequuntur odio.
 Deniq; ut hunc Aphorismum paucis absol-
 vamus, cùm motus ad terminum *ad quem*
 naturalis est, & motus à termino *à quo*, illi
 opposito, naturalis est : verùm beatitudinis
 appetitus, est motus ad eam, ut terminum
ad quem, & odium miseriæ, motus ab eâ, ut
 termino *à quo* ; ac proindè, ut ille natura-
 lis est, ita & hoc quoque naturale. Et qui-
 dem odium est amoris propago. Idcirco
 quippè abhorremus à miseriâ, quoniam fœ-
 licitatem deperimus : quemadmodùm cor-
 pora gravia impetu naturæ à loco superiori
 recedunt, quia ejusdem impetu accedunt
 ad inferiorem : aut quemadmodùm aqua à
 calore naturaliter abhorret, quoniam frigus
 appetit naturaliter.

APHORISMUS tertius.

Est in hominis potestate felicitatem adipisci & miseriam devitare.

QUORSUM hic beatitudinis appetitus, hoc miseriæ odium, si natura non sit viribus instructa, quibus id consequatur, ad quod propendet, & effugiat, quod averfatur? Frustrà est appetitus ad impossibilia terminatus, & planè supervacaneum desiderium, quod rebus impenditur, quæ potestati nostræ haud magis sunt obnoxia, quàm vel ex arenânectere funiculum, vel *Æthiopem* dealbare. Ut natura nihil agit frustra: ita nec frustra appetit nec frustra averfatur. Quod si aliter de naturâ sentiamus, ejus *Authorem* quoq; causemur necesse est. Cùm enim ab *Authore* naturæ profisciscantur naturalis appetitus & odium, si hæc viribus sint majora, aut naturæ vel potentiam augere vel appetitum & odium imminuere non posse, aut inæqualitatem ignorare, aut deniq; hanc inæqualitatem consultò & de industriâ velle, statuendum est: quorum primum Divinæ potentia, secundum scientiæ, tertium bonitati repugnat.

Quam

*Quàm malè inæquales veniunt ad aratra
juvenci ?*

Conjunctio appetitus & odii cum impoten-
tiâ adipiscendi quod appetimus, & effugi-
endi quod averſamur, nulli infervit uſui,
niſi ut homo ſit naturaliter miſer, quoniam
miſeri ſunt qui non conſequuntur quod vo-
lunt, & incidunt in id quod nolunt, aut
omninò nulla eſt miſeria, ut poſteà declara-
bitur. Deum verò talem hominem condere,
qualis naturaliter non niſi miſer eſſe poteſt,
cogitare, infinito amori, quo univerſum ge-
nus humanum proſequitur, quémq; alibi
fuſius demonſtravimus, è diametro adverſa-
tur. Prætereà, quæ naturaliter appetimus,
eorum appetitionem probat ratio, & ut ea
conſequi conemur, jubet. τὸ λογικὸν ζῷον (inquit
M. Antoninus, l. 7. n. X.) ἡ αὐτὴ πρᾶξις καὶ φύσιν ἐστὶ,
& τὸ πάθος, hoc eſt, *Ratione prædito animali ea-
dem actio & ſecundùm naturam eſt, & ſe-
cundùm rationem*: verùm, impoſſibile
deſiderium prohibet ratio, eaq; iudice,
iſtorum adeptionem moliri eſt pura putā
veſania. Deniq; ſecundùm naturam viven-
dum eſt, κατὰ φύσιν πράττειν (ut præcipit *M. An-
toninus*

toninus, l. 12.) ἢ τὸ ὅς μὲν ἢ τὸ εὖσις ἄγει, ποιεῖν, πᾶσι,
 δὲ ὅς ἢ ποιεῖν εὖσις οἶσι, hoc est, *nihil animo mag-*
num concipe nisi hoc tantum, ut quic-
quid ages, ductu naturæ agas; & feras quæ-
cunq; fert communis natura. Verum, hoc
 alibi ostendemus. Si itaq; natura appetitu
 suo feratur ad impossibilia, talibus omnia
 nostra desideria impendere licet; hoc enim
 est naturam imitari: atq; ita, tota nostra
 vita, quamvis è lege naturæ instituta, est
 frustratio constans & perpetua. Fames, quâ
 plura appetuntur alimenta, quàm quibus
 edomandis & in chylum convertendis, ven-
 triculus satis est, non naturalis est, sed
 morbosa. Quod nos edocet, à naturâ alie-
 num esse, appetere quæ sunt impossibilia.
 Ista quippe superare nescit, ex iisq; benignum
 fruitionis succum, quo nutriatur anima,
 elicere non potest. Ἀρκίταις πάντα εὖσις ἐκὺν ἢ εὐδὲσθαι,
 hoc est, *unaquæque natura, si rectâ viâ in-*
grediatur, sibi ipsi sufficit, ut docet *Marcus*
Antoninus, l. 8. Neque enim (inquit *Augusti-*
nus, l. 4. contra Julianum, c. 3.) omnes homi-
nes naturali instinctu immortales & beati esse
vellemus, nisi esse possemus. Ut *Silicernii &*
juvenculæ: ita appetitus & impotentia com-
 parandi id quod appetitur, conjugium est in-

infæcundum & sterile. Nec adolescentulæ senex capularis, nec appetitui convenit impotentia. Nuptias tam infructuosas, infœlices & à ratione alienas, laudet mente captus; eas certè non homo prudens, multò minùs ipse Deus celebrare dignabitur. Quamobrem cum homo naturaliter & fœlicitatem desideret & abhorreat à miseriâ; & illam adipisci & hanc evitare potis est: quemadmodum & ceteræ res omnes eò pervenire queunt, quò naturaliter propendent & inclinantur.

Beatitudine quidem vix quidpiam rarius, & miseriâ nihil frequentius; verùm temerè vel Deum causamur, vel naturam inculamus. Quisq; sibi suum debet infortunium. Miseri sumus non quia non possumus esse beati, sed quia pravè aut volendo aut nolendo, nobis, ut *ἐκκατάθηται ἡ φύσις*, aut *ἐκκατάθηται ἡ φύσις*, calamitatem accersimus, ut in *Animi Medelâ* fusiussculè demonstratum est. Tò *ἐκκατάθηται*, (inquit ipse Epicurus, referente *Salustio Philos*, c.9.) *ἐκκατάθηται ἡ φύσις*, hoc est, *numen nequè sibi, nequè aliis molestia est*. Quocircà nec ærumnas sibi creat natura; est enim, teste *Senecâ*, de *Benefic*, *divina ratio toti mundo partibusq; ejus*

ejus inserta, vel, ut loquitur Hugo, *quædam vis & potentia divinitus rebus insita*. Homines interdum appetunt *abstracta*, natura nunquam ; sed virium limitibus suos omnes circumscribit appetitus ; odiûmq; suum intra cancellos potestatis coërcet.

Ut autem appetitus & odium frustra sunt, si adipiscendi & effugiendi potestate destituantur : Ita & frustra est hæc ipsa potestas, nisi ad actum perducatur. Quod quomodo fiat, nos proximus edocebit Aphorismus.

APHORISMUS quartus.

Ut potestas felicitatem consequendi & miseriam devitandi, ad actum perducatur, satis est certò, cum ea, quæ volumus consequi & retinere, consequi & retinere ; cum in ea, in quæ nolumus incidere, non incidere.

IN quo posita sit formalis ratio beatitudinis non anxie disputamus : extiterunt atque etiamnum extant hæc de re complures controversiæ, quas nunc temporis missas facimus.

nis
que
on-
ci-
us.

Politianus : Nè velis quæ fiunt, fieri ut vis : sed velis quæ fiunt, ut fiunt, & prosper eris. Concinit his *Origenes* contra *Celsum* : Homi-
nis ^{παύσις} (inquit) est ^{ἐν ᾧ οὐδὲν ἐπιθυμῶν} ^{καὶ οὐδὲν βιάσας}. Quicquid expetis, habes ; quic-
quid averfariis, devitas ; & cum certitudine
& habes & devitas ; quod igitur inſuper
velis, reliquum non eſt. Beatum itaq; te præ-
dico, aut omnibus in æternum de beatitu-
dine planè deſperandum eſt. Ad foelicitatem
nihil attinet vel habere plura, quàm
quæ deſideramus, vel plura devitare, quàm
quæ devitare ſtudemus ; ſed certò & ha-
bendo quæcunque volumus, & devitando
quæcunq; nolumus, ad altum & ſublime
beatitudinis ſolium provehimur, in eoque
collocamur ; ubi luſtus, timoris & cætera-
rum perturbationum expertes, gaudio ſin-
cero, ſtabili, perenni, coronamur, perfun-
dimur, replemur. Replemur (inquam) &
ad ebrietatem perpetuam, qualis à Platone,
2. de Republ. præmium juſtitiae conſtitui-
tur, quali nos inebriare debent ubera mu-
lieris adoleſcentiæ noſtræ. Prov.c. 5. v. 19.
qualem ubertas domus Dei inducit. Ine-
briabuntur ab ubertate domus tuæ : & tor-
rente voluptatis tuæ potabis eos, *Pſalm.* 35.v.9.
Hanc

Hanc autem particulam, *certo*, non citra necessitatem Aphorismo inseruimus, quoniam incertitudo sive adipiscendi & retinendi, quod adipisci & retinere desideramus, sive devitandi quod devitare volumus; sive continuandi devitationem, cujus continuationem expetimus, metum secum adferat necesse est. Securitate verò gaudet *fælicitas*: illi metus adversatur. *Quid est beata vita?* (quærit *Seneca*, Epist. 92. & respondet ipse) *Securitas & perpetua tranquillitas*. Deniq; illam particulam adjiciendo, definitiones & *Augustini* & *Isidori* complectimur. Nam, secundum *Augustinum* de Spirit. & Liter. *ille beatus est, qui omnia quæ vult, habet, nec aliquid vult, quod non decet; & juxta Isidorum: Beatus dicitur, quasi bene habitus, scilicet ab habendo quod vellet, & nihil patiendo quod nollet. Ille enim verè beatus, qui habet omnia quæ vult, & nihil vult malè. Has* (inquam) *Beati* definitiones, addendo particulam, *certo*, complectimur, quia solus ille *certo* adipiscitur & retinet, quod adipisci & retinere desiderat, *certoq;* devitat, quod devitare conatur, & *certo* devitationis continuationem, quam exoptat, assequitur, qui nihil malè vult, seu qui nihil vult,

B 3

quod

quod non decet, ut infrà demonstrabitur.

APHORISMUS quintus.

Certò adipiscimur & retinemus, quæ adipisci & retinere volumus, certòq; in ea non incidimus, in quæ incidere nolumus, si adipisci & retinere velimus, quæ adipisci & retinere certò penes nos est, & in ea incidere nolumus, quæ devitare, certò itidem penes nos est.

Quod enim quis adipisci & retinere & vult & certò potest, id ipsum certò adipiscitur & retinet; & quod devitare & vult & certò potest, id certò devitat. Impotentiâ solâ voluntas sine suo frustratur. Virium & voluntatis coitus haud sterilis est; eum eventus optatus nunquam non sequitur.

APHORISMUS sextus.

Quæ certò adipisci & retinere possumus, adipisci & retinere velle, atq; in ea, quæ devitare certò possumus, incidere nolle debemus.

CUM instinctu planè naturali foelicitatem depereamus, ut infallibiliter ad ipsam perveniamus summoperè adnitendum est; ac propterea, eligenda est via, quâ ad eam certò perducamur. Hæc autem via est, quæ certò adipisci & retinere possumus, adipisci & retinere velle, & ea nolle, quæ certò devitare possumus; quoniam illa volendo & hæc nolendo, omni procul dubio & quod volumus, consequimur & retinemus, & in id, quod nolumus, non incidimus, seu quod eodè recidit, beati sumus.

Μέμνησθαι (inquit Epictetus, Enchirid. c. 6.) ὅτι ὁρῶντες μὴ ἐπιθυμῶμεν ἐπὶ τὴν ἐπιθυμίαν ὅτι οὐκ ἔστιν ἐκκλησίᾳ, ἢ ἐπιθυμία τὸ μὴ περιεσθῆναι, ὃ ἐκκλησίαι, hoc est, *Appetitionis enim finem esse memento, ut id quod appetis, consequare: aversationis, nè in id incidas, quod aversaris.* Quamobrèm, ut ad fines ὁρῶντες & ἐκκλησίᾳ certò perveniamus

appetitioni & averfationi, confideratio potentiaè confequendi & devitandi, præmittenda eft, ut noftræ potentiaè limitibus appetitio & averfatio circumfcribantur & definiantur; aliàs vel frustratione, cum fcilicèt impoffibilia, vel frustrationis metu, cum fcilicet aut appetimus aut averfamur incerta, plectimur, affligimur, torquemur, ut poftèa offendemus.

Hæc ad fœlicitatem methodus non tantum certa eft & unica, (ut modò dictum eft) verum etiam facilis & brevis. Facilis, quid enim facilius eft quàm ea, quæ confequi & retinere possumus, confequi & retinere velle? quàm ea, quæ nos confequi & retinere non poffe aut certum eft aut dubium, confequi & retinere non velle? quàm deniquè non velle effugere, quæ nos effugere poffe vel impoffibile eft vel incertum? Non eft quòd de difficultatè vel minimâ conqueramur, cum libera fit voluntas & actionum fuarum Domina. Brevis eft & hæc methodus, quoniam ipfi foli adhærendo, innumerabilia penè defideria, quæ vulgò ad objecta aut manifèftò impoffibilia aut ad fummu incerta, extendi folent, amputantur ut inutilia, ut periculofa, ut noxia;

noxia ; eaque pervenimus ad *ad dixerunt de deo*
quod Marcus Antoninus ab Apollonio,
 l. i. n. 8. se didicisse, & Claudius Salmasius,
 in suâ ad Thomam Gatakerum Epistolâ, in eo
 esse, qui nihil aggreditur, nisi cujus certus
 futurus est eventus, restantur.

APHORISMUS septimus.

Quæ consequi & retinere certò possu-
mus, ea sunt multa, magna, præclara;
quæque devitare certò penes nos
est, turpia sunt, inhonesta verèque
mala.

Quamvis voluntas ad ea tantum, quæ
 consequi & retinere certò potest ho-
 mo, appetendum, & ad ea solum aversan-
 dum, quæ certò devitare potis est, lege
 cum naturæ cum rationis obligetur ; ad ea
 tamen, quæ nec pauca sunt, nec exigua, nec
 vilia, restringitur. Voluntati intra potesta-
 tis terminos sese continenti, varia sunt il-
 lustria & magnifica, quibus admodum ge-
 nerose seipsam occupare licet. *Dens, si vim*
species,

species, valentissimus: si decorem, formosissi-
mus: si vitam, immortalis: denique si vir-
tutem, præstantissimus est, ut docet Princeps
Philosophorum, Lib. de Mundo. c.6. Est
ens optimum, maximum, ejusq; tanta est
excellencia, quantam finitus noster intel-
lectus nescit comprehendere, quanta, etiamsi
nec ulla largiretur bona, nec ulla infligeret
mala, nec res humanas omninò curaret,
cultum tamen meretur & ad sui reverenti-
am, vel Epicuro judice, homines obligat.
Eum existere, cunctaque sapientissimè &
justissimè administrare, possumus agnoscere.
Numen cæleste rerum humanarum curam gerit;
nec universi tantummodò, sed hominum etiam
singulorum; rebus humanis præstò est. Vide
Epicetum apud Arrian. l. 1. c. 12, 14, 16. An-
toninum, l. 2. & 6. Hæc probant illi & alii,
& passim inculcant. Qui secus de Philosophis
melioris notæ sentit, illos adeat, illorum
hæc de re scripta consulat, & mentem cor-
rigat. Quòd si Ethnici lumine naturæ soli-
us Deum agnoverint, eum esse & optimum
& maximum crediderint, omniâq; & singula
rectissimè ac prudentissimè moderari existi-
mârint; quid vetat quò minùs eadem præ-
stemus & ipsi? Quapropter Deo, amore
maximo

maximo adhærere possumus. Deus est per
 omnia cogitandus. Oporret, *Εκ παλαιῶς ἐπὶ παλαιῶν*
μαλαβαίνον συν νύμφη Θεῷ, Antonin. l. 6. In omnibus
 agnoscendus. *Ἔτι γὰρ ἀνθρώποις πᾶσι καὶ ἐπὶ τῇ θείᾳ συν-*
αγαθότητι τοῦ πατρὸς, ἔτι ἱμνωτοί, Idem L. 3. Ad omnia
 invocandus. *Ἐρ' ἄπεισι δὲ Θεῷ ὁπλίσαι*, L. 6. *Καὶ πᾶς*
καὶ τὸ μικρότατον ἔτι ποιεῖν, L. 3. Ante omnia colen-
 dus, *τί ἀρχεῖ ἄλλο, ἢ Θεὸς μὲν Σεβέν καὶ εὐσημεῖν, ἀθρόοι*
δ' εὐποιοῖν, L. 5. Ipsa lex gratitudinis amorem
 postulat. Deus enim generi humano, non ad
 bona verè sic dicta duntaxat, sed & ad hu-
 jus vitæ commoda & adminicula suppetias
 fert, ut *Antoninus*, L. 1. & 9. jamdudum
 observavit. *Nemo unquam vir magnus sine*
aliquo afflatu divino fuit, Cicero, l. 2. de
 Naturâ Deorum. *Insita sunt* (inquit *Seneca*,
Epist. 92.) *omnium artium nobis semina, ma-*
gisterq; ex occulto Deus producit ingenia.
Quis dubitare potest, Mi Lucili, quin Deo-
rum immortalium munus sit, quòd vivimus.
 Idem ad *Lucil.* Rursus, *Epistol.* modo cita-
 tâ, *Deus quidem munera universo humano ge-*
neri dedit, à quibus nemo excluditur. Aut
 ingratitude naturalis est, aut viribus natu-
 ræ Deum, à quo omnia mutuumur, amare
 possumus. Et quidem, ut quod nobis vi-
 detur bonum, amare, ita quod nobis vide-
 tur

tur optimum, super omnia amare penes nos est. *Omne illud* (inquit *Robertus Holkot* in 1. Sentent. q. 4.) quod intellectus humanus ex suis naturalibus potest credere esse summè diligendum, potest ex suis naturalibus summè diligere, quia irrationale omnino videtur quod homo crederet aliquid esse ab eo diligendum, & tamen quod non posset illud summè diligere: cum nihil sit magis in potestate hominis, quam ipsa voluntas, ut habetur de liber. Arbitr. c. 3. sed Deus est huiusmodi: quia intellectus humanus potest eum credere sive veraciter sive erroneè esse summè diligendum & hoc ex solis naturalibus, id est, sine quocunq; habitu supernaturali. Ergo & cat. Majorem probo, nam possibile est quod aliquis assentiat alicui narranti de Deo quia ipse est creator omnium & conservator continuus & optimus & per consequens summè diligendus. Possibile est ergo istum Deum summè diligere, nec oportet quod aliquem habitum sibi Deus infundat. Ergo potest eum diligere super omnia sine habitu. Quod si Deum super omnia amemus, quæcunq; ab ipso vetantur, qualia sunt opera omnia prava, inhonesta & turpia, devitamus; & quæ ab eo mandantur, ut sunt omnes actiones

ones bonæ, honestæ & pulchræ, præstamus,
 & inter alias, quæcunq; à Deo fiunt, ap-
 probamus, hoc est, volumus ut res sint, ut
 sunt. Objectura longè præstantissimum no-
 bis intellectu unitur, & nos illi voluntate
 jungimur. Duplex hæc connexio, vitio-
 rum fugam & extirpationem requirit & fa-
 cit; ac integritatem vitæ desiderat & præ-
 stat. Summatim, Deum agnoscendo, &
 sincero cordis affectu, super omnia diligen-
 do, sumus *ἀγαπῶμεν τὸν πατέρα, presentibus con-*
tenti, [Hebr. c. 13. v. 5.] non de futuris so-
 liciti; imò, vitiis quibuscunq; valedicentes
 & quodvis opus bonum amplexantes, Deum
 & rationem sequimur; quod omnia vitæ
 officia complectitur, & jubet *Marcus Anto-*
ninus L. 12. aliiq; Philosophi insigniores,
 nobis ut finem hominis commendant. De-
 um verò & rationem sequi, idem est. *ταύτῃ ἵστ*
οῦμεν ὅτι καὶ τὸ ἀγαπᾶν τὸν θεόν, ut docet Plutarchus
 de Audiend.

Ex actionibus verò bonis duæ sunt,
 nempe pro bonis actionibus præstitis &
 malis devitatis, gratiarum actio, & inimi-
 corum dilectio, quas observatione singu-
 lari dignas arbitramur. Illa quippe acti-
 ones bonas præstare & malas devitare, in
 potestate

potestate nostrâ haud situm esse, probare videtur ; quoniam si in nobis situm sit benè agere & peccatum effugere, cur pro alterutro Deo gratias ageremus, cùm ei tantùm gratias debeamus, cujus liberalitate & potentiâ, quod non meremur, bonum accipimus? Hæc autem, dilectio scilicet inimicorum, adeò dura & difficilis, carni & sanguini adeò adversa videtur, ut ad eam eliciendam naturæ vires haud quaquàm sufficere existiment plerique.

Quod ad priorem spectat, *Epicetum* apud *Arrianum*, L.4.c.4. consulamus. ἴσται (inquit)

καὶ ἡμεῖς ἡμαρτανον, νῦν δ' ἐκίππ. χάρις τοῦ Θεοῦ. *Tunc & ego peccabam : nunc verò non item, gratia sit Deo.*

Rursus : σήμερον ὁ μὲν ἐχρησάμην ὡς παραγινώσκαι ὑπὸ τοῦ φιλοσόφου, ὁρῶν δ' ἐχρησάμην, ἐκκλίσει πρὸς μόνον τὰ προκείμενα· ἐκάλωκα δὲ τὸ δεῖναι, ὃ καὶ ἐδυσωπήθην ὑπὸ τοῦ δεῖναι· τὸ ἀνεκτικὸν ἐδύνασαι, τὸ ἀφελικόν, τὸ συνεργητικόν· καὶ ὅπως ἐν ἡμετέροις τοῦ Θεοῦ ἐπ' οἷς δεῖ εὐχαρισεῖν, id est, *hodiè sic usus sum* appetitione ut à philosophis præcipitur : *appetitu non usus sum in rebus alieni juris. declinatione in iis solis, quæ nostri arbitrii sunt : non extimui illum, ab illo non illectus sum : tolerantiam exercui, abstinentiam, beneficentiam. Sic ob ea gratias agemus Deo, ob quæ gratiæ illi sunt agenda.*

Voces audisti dignas satis *Christiano* vel
 pientissimo. Idcirco verò propter actio-
 nes bonas & peccati devitationem, etiam si
 in nostrâ potestate sint, Deo gratias agere
 debemus, quia primùm illam ipsam pote-
 statem à Deo accepimus; quo nomine
 cum propter ipsam tum propter omne bo-
 num, quod indè profluit, Deo gratiæ
 sunt agenda. Secundò, quoniam Deus no-
 bis varia suppeditat auxilia, quibus bonas
 actiones edamus & malas effugiamus.
 Unde duplex exurgit munus: alterum
 orandi Deum ut auxilia concedat vel
 concessa præservet & augeat: alterum
 gratias agendi & propter auxilia & pro-
 pter fructus saluberrimos inde proma-
 nantes. Qui à Deo petit auxilia qui-
 bus bonas edat actiones & malas de-
 vitet, & vi auxiliorum impetratorum &
 illas edit & has devitat; cum propter
 illas præstas tum propter harum fu-
 gam, Deo, gratias quàm humillimas
 reddere tenetur. Nonne ergo inquit
 Marcus Antoninus) præstat te iis quæ in
 potestate tuâ sunt, uti liberè, quàm de
 iis quæ non sunt in manu tuâ posita, so-
 licitum esse, animo servili & abjecto?

Quis

Quis autem tibi dixit, Deos non in his etiam, quæ penès nos sunt, auxilium adferre? incipe ergò precari de his, & videbis. Pregatur alius, ut cum aliquà cubet; Tu pete nè ejus rei appetitus tibi oriatur: alius petit, ut certâ re levetur; Tu, nè eâ levari tibi opus sit: alius, nè amittat filium; Tu, nè id ipsum metuas. Monita prorsus Divina! Orandus est Deus, ut nostra desideria tollere, non illis satisfacere, dignetur. Sed, ad dilectionem inimicorum festinamus.

Qui vulgò censentur inimici, sunt qui bonis fortunæ & corporis nos aut orbant aut orbare conantur. Hos amare facile est, si corporis & fortunæ bona haud depereamus. Quid autem vetat quò minùs ista caduca amore nostro dignari recusemus? Quidni illum diligamus, quem nobis, non nisi quæ flocci facimus, furripuisse putamus? sed inimicos comminiscamur, quibus, ut evadamus improbi, in votis est; & illos quoquè diligere difficile non est, si illorum pravitatem nos minimè lædere, seu nos pravyos non efficere, paulò attentius consideremus. Toleratur periculum lædendi, & omnis amandi difficultas protinùs evanescit. Καὶ γὰρ τὸ (inquit Epictetus apud Arrian. L. 3. c. 22.)

λίαν κομψὸν τῷ κυνικῷ παρατίπλεοναι, δαίρειται δὲ αὐτὸν, ὡς ἔστιν
καὶ δαιρέσιμον εἰλεῖν αὐτὸς τὰς δαιμονίας, ὡς πείρει πάντας ὡς
ἀδελφόν. *Nam & hoc perquam festivè Cynico*

adjunctum est, ut instar asini vapulet: & dum
vapulat, eos, à quibus verberatur, diligit,
tanquam pater omnium, tanquam frater. Ὡς
πολλὸν ἄξιον, τὸ καὶ ἀληθείας καὶ δικαιοσύνης ἐμφῆ τὰς ψεύσεως καὶ
ἀδίκους διαλεῖν. *Unum hoc summi est pretii, ve-*
ritate & justitiâ servatâ, mendacibus & in-
juriis hominibus placidum [benevolum, ami-
cum] vivere. Ita docet Antoninus Impera-
tor & Philosophus nunquam satis laudatus.

Vides, lector, bonitatis fontem, immen-
sum perfectionis & excellentiæ oceanum,
Deum, quem depereas ; complura, quæ ad-
modùm generoso prosequaris odio, vitia,
nè facultas averfandi de otio conquerere-
tur ; permultos actus, nobiles, sublimes,
heroicos, quibus temet ipsum potes exer-
cere, ornare, oblectare ; campum longè
amplissimum, in quo citra vel minimum fru-
strationis periculum liberè expatiari queas.

Omnis autem certitudo consequendi, reti-
nendi & devitandi, & vitam, & mentem il-
lâsam præsupponit ; quocircâ cùm dubia
sit vita, & à capitis vulneribus, phrenitide,
apoplexiâ, lethargo, melancholiâ, morbisq;

aliis, quibus animus tentatur, incerta sit immunitas, incerta est etiam potestas consequendi, retinendi & devitandi: Verum, hæc incertitudo foelicitati non obest, quoniam vel vitæ, vel immunitatis à morbis, quibus impeditur ratio, certitudinem, eò quòd impossibilis est, sapiens haudquaquam desiderat. Ipsi satis est, quòd, quamdiù vivit, & ratio est integra, certò assequitur, retinet, devitat, quicquid vult assequi, retinere, devitare. Ad alterum sæculum vitæ functos, ad medicos verò, eos, quibus morborum sævitie usus rationis interdicitur, ab legamus.

APHORISMUS OCTAVUS.

*Quæ in explicatione præcedentis Aphorismi commendantur, amplexando; & quæ ibidem improbantur, aver-
sando, sumus boni.*

Quifquis enim intellectu suo Deum, eum, ejusq; providentiam omnia rectissimè prudentissimèq; moderantem agnoscendo, voluntate, ipsum super omnia amando, colit
ac

ac veneratur ; quæcunque illius eveniunt arbitratu, probat, in iisq; plenè acquiescit ; quicquid deniquè ab ipso præcipitur, observat, & quod vetatur, effugit ; verè bonus est, probus & pius : ut ille reverà malus, improbus ac impius, qui Deum aut inficiatur, aut amore suo non prosequitur ; vel qui, ea quæ ab ipso fiunt, ægrè fert, (quod, *M. Antonino* iudice, ἀποκρίσις ἐστὶ τὸ πόνος, L. 2.) vel qui legem ab ipso latam negligit & contemnit. Sed, res adeò manifesta est, ut nec egeat argumento, nec explicationem desideret.

APHORISMUS nonus.

Boni sunt felices.

Cùm enim boni, ea, quæ consequi & retinere certò possunt, consequi & retinere velint, & quæ devitare certò valent, devitare studeant, certò consequuntur & retinent, quæ consequi & retinere volunt, & certò devitant, quod effugere cupiunt, hoc est, sunt felices. Inter bonos & beatos hoc tantùm discriminis interest, quòd boni

ita nominantur, quatenus juxta normam rectæ rationis suas omnes instituunt appetitiones & averſationes; beati verò quatenus appetitiones & averſationes ita instituendo, certò & aſſequuntur & retinent, quod aſſequi & retinere ſtudent, & certò non incidunt in id quod devitare conantur; ſed bonum eſſe, & beatum, reiſſa unum eſt & idem. *Omne beatum* (inquit *Cicero*, *Tuſculan.* 5.) *eſt, cui nihil deeſt: & quod in ſuo genere expletum & cumulatum eſt: idque virtutis eſt proprium.* Pios omnes, quacunque forte ſunt, ſemper beatos eſſe probat *Salvianus*, *L. I. de provid.* *Quia hoc ſunt quod volunt. Beati immaculati in viâ: tanquam diceret* (inquit *Auguſtinus* in *Pſalm.* 118.) *Scio quid velis, quæris beatitudinem. Si ergò vis eſſe beatus, eſto immaculatus.* Fœlicitas eſt maximus ille *παροχὴς ἀγαθῶν καὶ καλῶν ἔργων*, *provocatio charitatis & bonorum operum*, [juxta vulg.] *quod maximè acuit ad charitatem & bona opera*, *Hebr.* c. 10. v. 24. Ad probitatem amplexandam quod efficacius incitamentum excogitari poteſt, quàm quòd unâ eadémq; operâ & boni ſumus, & fœlices? Hæc itur ad ἀνδρείαν virilem, ἀταξίαν tyrannidi fortunæ non obnoxiam, εὐμαρέαν, ſuavem,

εὐαγίαν

^{ευφροσύνη} amabilem , ^{εὐσταθία} desiderium cun-
 ctarum gentium , Agg. c. 2. v. 8. Hæc ad
 non ininùs securam quàm placidam mentis
^{γαλήνη} perducimur. Hæc ad mundi statum
 super lunam provehimur. *Pars mundi su-
 perior* (inquit Seneca, Epist. 59.) & *ordina-
 tior, nec in nubem cogitur, nec in tempestatem
 impellitur, nec versatur in turbinem; omni
 tumultu caret. Eodem modo sublimis animus,
 quietus semper, & in statione tranquillâ col-
 locatus, modestus, venerabilis, & compositus.*
 Et conversus Deus, ut aspiceret opera, quæ
 fecerunt manus suæ, vidit quòd omnia essent
 bona nimis: Tum sequitur Sabbatum, ut ob-
 servat longè doctissimus simul & acutissimus
 Verulamius, undecimo Sermonum Fidelium :
*Monstro quod ipse tibi possis dare. Semita certè
 Tranquillæ per virtutem patet unica vitæ, Juve.*

APHORISMUS decimus.

Omnes homines debent esse beati.

NAm, cùm omnes homines naturaliter &
 fœlicitatem appetant & illam adipisci
 possint, ad beatè vivendum obligantur : &
 cùm boni sint fœlices, omnesq; debeant esse
 boni, debent & esse fœlices. Fœlicitas est tam

C 3
hominis

hominis officium quàm præmium. Beatitudo est benè vivendi merces satis ampla, & beatè vivere, est benè vivere, quod homini munus nunquam non incumbit. Quod si dicas in *Sacra Scripturâ* frequentem fieri de fœlicitate mentionem, eamq; sæpius promitti; inibi tamen nullum extare præceptum, quo ad fœlicitatem amplexandam obligamur. Respondemus primùm quòd natura jubet ut quæ illius impetu desideramus (in quibus citra controversiam fœlicitas collocanda est) ad ea perveniamus, aut nihil omninò jubet : Lex autem naturæ, & Dei Lex est; quod illa, & Deus, illius præcipit ministerio. Secundò, quamvis *Sacra Literæ*, in terminis terminantibus (ut loquuntur) fœlicitatem haud præcipiant; mandant tamen & inculcant quæ sunt prorsus *ισοδυναμεία*. Etenim, de virtute colendâ & vitio fugiendo præcepta, quæ in *Sacra Paginâ* occurrunt quàm sæpissimè, re ipsâ idem planè valent, quòd *Estote fœlices*. *Ὅτι οὕτως ἐστὶν* (inquit *Marcus Antoninus*, L. 5. n. 28,) *καταληγὴς τῷ ὅθι θανάτῳ* scilicet) *ἐννοεῖται ἄνθρωπον*. τὸ ὅθι ἐννοεῖται μοῖραι σεαυτοῦ ἀπογέρας· ἀγαθαὶ ὁ μοῖραι, ἀγαθαὶ τεσσαὶ ψυχῆς, ἀγαθαὶ ὄρατοι, ἀγαθαὶ πράξεις. Hoc est, (ut vertit *Mericus Casaubonus*) *Qualibet horâ mors intercipiat, licet esse fortunatum.*

um. Fortunatum voco, quicumque sibi bonam fortunam fabricatur. Bona autem fortuna, boni sunt motus animi, bonæ appetitiones, bonæ actiones. Idem, quod ut officium expressè mandatur, ut præmium, seu felicitas, itidem expressè promittitur. Atque ita Deus præcipiendo pollicetur, & pollicendo præcipit. Fœlix est bonitas, & bona fœlicitas. Esse beati, naturaliter volumus, possumus, & debemus.

APHORISMUS undecimus.

Potestas beatitudinem consequendi & miseriam devitandi, sine suo frustratur necessariò, volendo consequi & retinere, quæ consequi & retinere nequimus, & nolendo in illud incidere, quod devitare non possumus.

Naturalis appetitus fœlicitatis & odii miserix, & potestatis illam consequendi & hanc devitandi, finis est idem; eò quòd idcirco potestas illa conceditur, ut appetitui & odio famuletur & inserviat: Appetitus

titus verò fœlicitatis & odii miseriæ finis est ut evadamus non-miseri, & beati, quod haud quaquàm fieri potest, si ea consequi & retinere velimus, quæ consequi & retinere non possumus, & in ea incidere nolimus, quæ nos effugere impossibile est. Ac proindè, tam potestas, quàm appetitus & odium, talia volendo & nolendo, suo fine frustratur necessariò. Quod erat demonstrandum.

APHORISMUS duodecimus.

Debemus nec velle consequi & retinere, quæ consequi & retinere non possumus, nec nolle incidere in ea, quæ evitare nequimus.

ETenim, tales actus fœlicitati, quam naturaliter desideramus, ac consequi & possumus & debemus, è diametro repugnant: eosq; ut prorsùs frustraneos ratio disertè prohibet. Homo (inquit Epict. apud Arri. l. 2. c. 23.) institutum tuum est, ita te parare, ut visis quæ obijciuntur, ex præscripto naturæ utaris: in appetitu, nè frustreris: in aversatione, in id quod nolis ut nè incidas: nè unquàm voti impos

*impos fias : nè unquàm adversà fortunà utarís :
ut liber sis : ut à nemine prohiberi, à nemine
cogi possis : ut cum Jovis administratione
congruas, huic obtemperes, neminem accu-
ses, & versus istos ex animo dicere queas :
O Jupiter fatigue vis, me ducito. Impossi-
bilia verò, sive naturâ suâ, sive causarum
& circumstantiarum concursu qualicunque
talìa sint, perindè est. Frustratio est eadem,
undecunquè proveniat impossibilitas.*

APHORISMUS decimustertius.

*Mali sumus volendo consequi & retine-
re, quæ consequi & retinere non pos-
sumus, & nolendo incidere in ea, quæ
devitare nequimus.*

EA quippè velle, quæ consequi & retinere
non possumus, & nolle, quæ devitare ne-
quimus, sunt actus, quos elicere non debemus.
Ac proindè mali sunt, & ipsos edendo su-
mus mali. Verùm, observandum est, quæ na-
turâ suâ sunt impossibilia rarò admodum aut
nunquam desiderari ; ita ut, quamvis ista
velle

velle sit malum, & malus sit quisquis talia appetit, vix unus tamen reperiatur, qui talia appetendo malus est ; sed, impossibilia, quorum amore peccant mortales, sunt res mundanæ, quandò earum incertitudo, causarum & circumstantiarum concursu, in impossibilitatem desinit. Illarum quidem amor multas ob causas meritò vitiosus habetur ; (ut alibi demonstravimus) consideratur tamen ut vitiosus, in hoc Aphorismo, quatenùs terminatur ad res mundanas, cùm deviatu & comparatu evadunt impossibiles ; & in vigesimo, quatenùs ad illas terminatur, quandò sunt incertæ ; licèt in ejus explicatione, primo argumento, quod incertitudine nititur, adjecta sint & alia duo, quibus malitia porrò demonstratur.

APHORISMUS decimus quartus.

Miseri sumus volendo consequi & retinere, quæ consequi & retinere non possumus, & nolendo incidere in ea, quæ devitare nequimus.

UT enim beatus est qui certò, cùm ea, quæ consequi & retinere vult, consequitur & retinet, cùm in ea non incidit, in quæ non vult incidere : ita miser est, qui-
cunque nec assequitur nec retinet, quod assequi & retinere desiderat, nec devitat, quod devitare studet ; qualis est omnis, qui consequi & retinere vult, quæ consequi & retinere non potest, quiq; devitare studet, quæ devitare nequit. Et ratio est, quoniam frustrationis comes est dolor, qui ex nostrâ sententiâ (ut alibi ostendimus) est miseria ; saltem, ut arbitrantur omnes, citra miseriam subsistit nunquam. Miseriam lætam vel non-tristem, ut foelicitatem tristem vel non-lætam, comminisci frivolum est & absurdum.

APHORIS.

APHORISMUS decimus quintus.

Actus voluntatis, quibus aut volumus ea consequi & retinere, quæ an consequi & retinere possimus, incertum est; aut nolumus in ea incidere, quæ an evitare valeamus, incertum est; laborant periculo frustrationis.

Incertitudinem consequendi, retinendi, devitandi ea, quæ consequi, retinere, devitare studemus, periculum frustrationis nunquam non comitatur; & cùm consequendi, retinendi, devitandi potestas incerta est, incerta sunt & ista omnia, quæ ab illâ dependent, qualia sunt, consecutio, retentio, devitatio.

APHORISMUS decimus sextus.

Ubi frustrationis periculum, ibi metus.

Cum bonum, quod adipisci & retinere volumus, adipisci & retinere; & malum

lum, quod devitare volumus, devitare certò possumus; non est quòd metuamus, nè vel illud non consequamur & retineamus, vel in hoc incidamus. Nam, certa sunt omnia, omnia sunt in tuto, quia vires ad superandum quicquid frustrationem molitur, abundè sufficiunt. Quando verò vires sunt minores, quàm quæ omnia, quæ periculum frustrationis minitantur, ita edomare possunt, ut eorum, quæ assequi, retinere, vel devitare volumus, certam affecutionem, retentionem, aut devitationem polliceri queant, metuamus necesse est. *Defectus* (inquit *Aquinas*, 1. 2. q. 43. Art. 2.) *per se loquendo, est causa timoris: Ex aliquo enim defectu virtutis contingit quòd non possit aliquis de facili repellere imminens malum.* Quid multis opus? Quisquis seipsum sedulò scrutatur & observat, Aphorismi veritatem agnoscit.

APHORIS.

APHORISMUS decimus septimus.

Ubi metus, ibi non est felicitas.

MEtum & felicitatem, si inter se conferantur, coëxistere non posse facile constabit. Etenim, ubi felicitas, ibi mentis gaudium, tranquillitas, serenitas, pax & securitas; metus verò est animi, propter impendentis mali opinionem, ^{ταραχή} seu perturbatio, ut docet *Aristoteles*, 2 *Rhet.c.x.* Dolor est, sed immaturus, præcox & ante tempus; est animi foetus abortivus, anticipat mali existentiam, mœstitiæ prolepsis est, ut *Anim. Medel. 1, 3. c. 13.* fusiussculè ostendimus. Est vehemens animi tumultuatio, agitatio & consternatio. Dolor autem gaudium non patitur, nec perturbatio tranquillitatem, nec tumultuatio serenitatem, nec agitatio pacem, nec consternatio securitatem. Breviter, *Sunt timores* (inquit *Nierembergius de Arte volunt. 1. 2. c. 5.*) *dentes acutiores miseriæ, quibus morsus intolerabiles sentimus.* Undè felicitatem & timorem, non eandem simul sedem occupare, manifestum est.

APHORISMUS decimus octavus.

Debemus nec ea velle consequi & retinere, quæ an consequi & retinere valeamus, incertum est; nec in ea incidere nolle, quæ an devitare possimus, incertum est.

ETenim, cum foelicitatem naturaliter expetamus, eamq; consequi & possimus & debeamus, cumq; sit summum nostrum bonum, perfectio, & finis ultimus, quod omnes nostros actus referri oporteat, illiciti sunt actus quicunq; foelicitati adversantur, quales sunt, velle consequi & retinere, quæ an consequi & retinere valeamus, incertum est, & nolle incidere in ea, quæ an devitare possimus, incertum est, quoniam laborant periculo frustrationis, cui metus, qui beatitudini repugnat, adhæret necessario. Voluntas inter animæ facultates primas obtinet, maximam itaque sui curam meretur & exposcit, nè scilicet actus ejus vel perdantur vel periculo perditionis exponantur. Tantæ facultatis prodigus est, eaque planè indignus, qui

qui illam tam parvo æstimat, ut actuum illius
 jacturam facere non vereatur, aut ipsos jactu-
 ræ periculo permittere non erubescat. Per-
 duntur autem actus voluntatis cùm finem
 suum haud assequuntur ; & periclitantur,
 cùm an illum consecuturi sint, necne, incer-
 tum est ac dubium ; quod evenit quoties-
 cunque volumus consequi & retinere, quæ
 an consequi & retinere possimus, non constat,
 & nolumus in ea prolabi, quæ an devitare
 queamus, non liquet. Talia volendo &
 nolendo, *currimus in incertum* (quod suo ip-
 sius exemplo vetat Apostolus, 1 Corinth.c.9.
 v.26.) & *amamus periculum*, quod teste *Si-
 racide*, c. 3. v. 27. ruinâ mulctatur. *Qui
 amat periculum, peribit in illo*, vel dolore
 vel metu : *Dolore*, non assequendo & non
 retinendo, quod assequi & retinere volu-
 mus, ac incidendo in id, quod effugere de-
 sideramus ;

————— *Nemo se tutò diù*

Periculis offerre tam crebris potest,

Quem sæpè transit casus, aliquandò invenit.

Metu, quodocunque dubia vel ample-
 xari vel devitare, in votis est ; quorum
 ille,

ille, poena temeritatis est quàm sapissimè;
hic semper, quoniam non-consecutio, non
retentio, aut non-devitatio nunquam non
formidatur.

APHORISMUS decimus nonus

*Ea, quæ an consequi & retinere possi-
mus, incertum est, sunt terrena, caduca
& vana, quæ vulgò bona corporis
& fortunæ nuncupantur; & quæ an
devitare valeamus, incertum est,
sunt iis contraria.*

Quanta sit bonorum corporis & fortunæ
incertitudo, paucis explicabimus. Di-
vitibus hujus sæculi præcipe non sublime sa-
pere, nequè sperare in incerto, [vulg.] ^{αδολόγη}
divitiarum, 1 Timoth. c. i. v. 7. Nè erigas ocu-
los tuos ad opes quas non potes habere; quia
facient sibi pennas quasi aquilæ, & volabunt
in cælum, Proverb. c. 25. v. 5. vel, ut ver-
tit Mercerus: Num conjicies oculos tuos in
eas, quum nullæ sint? quoniam faciendo fa-
ciunt sibi alas similes aquilæ, & evolant in
cælum.

cælum. Quasi dicat : (inquit vir clarissimus) In easne oculos conicies, quum subito evanescant ? sunt enim & occurrunt quotidie sexcentæ rationes perdendi vel momento divitias, in quibus te diù fatigâris, & vires omnes ac studia corporis & animi contuleris. Onkelos, (eodem referente) habet עֵינַי, q. d. vix complicaveris oculos (ut palpebræ inter intuendum complicari solent) ad intuendum divitias, id est, vix ictum oculi in eas conjeceris, jam abierint. Verti me ad aliud, & vidi sub sole, nec velocium esse cursum, nec fortium bellum, nec sapientium panem, nec doctorum divitias, nec artificum gratiam; sed tempus casumque in omnibus, Ecclesiast. C. 9. V. 11. Vidi servos in equis, & Principes ambulantes super terram quasi servos, Ibidem, C. 10. V. 7. Ipsa nostra vita, est vita instabilitatis, Ibidem, V. 9. πάντα τὰ μὲν τῷ σώματι ποταμός, Omnia quæ ad corpus pertinent, fluvii naturam habent, ut docet ὁ ἐν βασιλεῦσι φιλοσοφῶν τις, Marcus Antoninus, L. 3. Rursus : πάντα ταῦτα ὅσα ὁρᾷ, ὅσον ἄδρω μεταβάλλει, ἢ ἐν ἑπὶ ἔσει. ἢ ὅσον ἡδὴ μεταβολαῖς αὐτὸς παρὰ τὸ ἄλλως, συνεχῶς διατοῖ. ὁ λόγος ἀλλοίωσις, id est, Omnia hæc quæ cernis, statim mutabuntur, nequæ erunt amplius : perpetuòque cogita, quot jam eorum mutationibus ipse interfueris. Mundus quidem

quidem rerum in varias subindè formas mutatio est. Sumus omnes בני חלוף [Proverb. C. 31. V. 8.] Hoc est, (ut exponit David Kimbi) מלך Mundi vel sæculi : sic dicti quòd transeat, nec quicquam in eo sit stabile. Rerum terrenarum acquisitio à tot causis dependet, & à totidem rebus impediri potest, ut, si desideriorum & eventuum numeros inter se conferamus, ex mille rebus terrenis, quæ passim expetuntur, una vix eveniat : & illa ipsa res acquisita, ad sui conservationem tot causas exigit, & res sunt totidem quæ ipsam abrumpere possunt, ut illas omnes ad conservationem conspirare, & harum nullam, ipsam prohibere, sit penè miraculosum. Et, si res, quam exoptamus, eventura sit, vel jam evenerit, à metu vel non-eveniendi vel amittendi, nihil est (modò non-appetitionem excipias) quod nos liberet, quia, ut modò dictum est, rei terrenæ acquisitio & conservatio multas causas postulant, quarum una si non concurrat, (quod tam usitatum est, quàm omnes simul coire & quasi ex pacto, ut res acquiratur & conservetur, consentire, inusitatum) de acquisitione & conservatione actum est ; & res sunt permultæ, quibus acquisitio & conservatio

vatio impediri queunt. Eodem ratiocinio, devitationis & continuationis devitationis eorum, quæ an devitare possimus, dubium est, qualia sunt bonis corporis & fortunæ contraria, incertitudo comprobatur. Nam, ex plurimis rebus ad devitationem & devitationis continuationem requisitis, si vel una deficiat, quod fieri potest & solet, devitatio vel nulla est, vel eâ, quàm quæ vulgò desideratur, brevior. Hæc de re si quis dubitet, stultorum Magistrum, Experimentiam consulat.

APHORISMUS Vigessimus.

Volendo & nolendo incerta, quæ scilicet bona corporis & fortuna appellantur, iisque sunt contraria, sumus mali.

Cùm enim nec ista velle nec hæc nolle debeamus, quia sunt incerta, (ut supra probavimus) ista volendo & hæc nolendo, sumus mali; cùmque ista sint amore nostro indigna, atque hæc odium haudquaquam mereantur, (ut alibi demonstravimus) ista sectando,

sectando, hæc averfando, amorem & odium malè collocamus ; cùm deniquè iniquitas omnis fit vel rerum mundanarum amor, (quem odium comitatur) vel ab eo, cœu fonte proficiscatur, (ut *Anim. Medel. & Manuduct. ad vitam probam*, freti *S. Scripturâ*, ratione & experienciâ, ostendimus) aut pravi sumus volendo bona fortunæ & corporis, quæ sunt res mundanæ, atque iis adversa nolendo, aut nulla est omninò pravitas. Sed, quæ alibi hâc de re differuimus, repetere non libet ; tantùm cum *Bernardo* dicimus : *Mundus est, ubi malitiæ plurimum, ubi sapientiæ modicum.*

APHORISMUS Vigessimus primus.

Mali sunt Miseri.

BEatus omnis liber est, seu vivit ut vult ; quòd autem mali non sunt liberi, egregiè probat *Epictetus* apud *Arrianum*, L. 4. C. 1. *Liber est, (inquit) qui vivit ut vult : qui nec cogi, nec prohiberi, nec vim pati potest : cujus appetitiones non impediuntur, desideria*

non frustrantur : averſationes non ſunt irritæ. Quis igitur vivere vult delinquens ? Nemo. Quis vivere deceptus, temerarius, injurius, petulaus, querulus, humilis, abjectus ? Nemo. Nemo igitur improbus vivit ut vult, eoque nec liber eſt. Quis verò vivere vult ſolicitus, meticuloſus, invidus, miſericors, cupidus & impoſ voti ? Quis ut in ea quæ fugit incidat ? Nemo. Habemus ergò improbum aliquem, expertem doloris, timoris, calamitatum, voto-rumque omnium compotem ? Neminem. Ergò nè liberum quidem. Undè patet malos eſſe non tantum non-beatos, verum etiam miſe-ros ; quod porrò demonſtratur in hunc modum :

Ut boni ſunt fœlices : ita mali infœlices. Omnis enim pravitas eſt bonorum corporis & fortunæ amor, & adverſorum odium, aut indè derivatur. Qui verò iſta depereunt, vel non aſſequuntur, vel aſſequuti non reti-nent, vel metuunt nè non aſſequantur aut non retineant, quoniam res, quas diligunt, alienæ poteſtati ſunt obnoxix ; quamobrèm nunquam non affliguntur, nunquam non ſunt miſeri. Ad eundem modum, qui iſtis ad-verſa effugere conantur, vel non effugiunt, vel abrumpitur devitatio, vel timent nè non effugiant

effugiant aut non perseveret devitatio, quia devitatio incerta est, ejúsque continuatio dubia. Ac proindè perpetuò torquentur vel dolore vel metu. *παρὰ νομίαι, ἀνδρᾶ ἀγρευεῖν,*

Κρητὶς δ' ἢ ἥδ' ἐκ τούτῳ ἀμαρτυρεῖν ἔχουσιν *Περὶ τῆς* Proverb.

C. 5. V. 22. *Per quæ peccat quis, per hæc & torquetur*, Sapient. C. 11. V. 17. *ἀδύνατον* (inquit *Aristoteles*) *τῷ μὴ τὰ κατὰ πρόποσιν, καλῶς ποιεῖν.*

Οὐδὲν δειδὸν (ait *Maximus Tyrius*, Differt. 2.)

τὸ αὐτὸν καὶ δεξιῶν ὁμῶς τῇ ἀδικίας καὶ παθητικῶν.

*Rarò antecedentem scelestum
Deservit pede pœna claudò.*

Deum relinquere, quod est malè agere, est & malum & amarum, Isai. C. 2. V. 20.

Μεγάλη ἐλάχεια τῷ ἀδικεῖν ἐστίν, αὐτὰ ἢ ἀδικία. Epicteto apud *Arrianum* iudice; imò, si fidem *Senecæ*

adhibeamus, prima & maxima peccantium pœna est peccâsse, Epist. 16. *Ποῦ καὶ ποῦ* Per-

verse agendo laborant, Jerem. C. 9. V. 5. Nullum maleficiū! (ut docet *Tertullianus*

contra *Marc.* L. 2. 17.) sine formidine est quia nec sine conscriptiâ sui. Ac propterea,

ὅτι ἐστὶ κατὰ τὸν νόμον ἀδικεῖν, Isai. C. 37. V. 21. LXX. *Lassati sumus in viâ iniquitatis & perditionis.*

& ambulavimus vias difficiles, viam autem

Domini ignoravimus, Sapient. C. 5. V. 7. Impius exercet difficultas, molestat lassitudo, obruit perditio. Appetitum quidem fœlicitatis haud eliminat, sed certissimè frustratur iniquitas. Homines ad fœlicitatem, quam ardentissimè depereunt, perducere, prærogativa virtutis est. • ὁ θεὸς ἀπειθήσει; ἐν ἐμοί, ut quærit & respondet *Epietetus* modò citatus, apud *Arrian*. L. 1. C. 4.

APHORISMUS Vigessimus secundus.

Debemus esse non-miseri.

A Miseriâ naturaliter abhorremus, eamque devitare possumus, ac propterea & ipsam devitare debemus. Porro, cum mali sint miseri, ut non-mali, ita & non-miseri esse debemus. (Misericordia est hominis tam peccatum quàm pœna.) Ut autem Deus & lege naturæ & bonos actus præcipiendo, fœlicitatem præcipit : (ut suprà declaravimus) ita eadem naturæ lege & actus malos vetando, vetat & miseriam, quamvis ipsam *expresse* non nisi tanquam *pœnam* minuetur.

nitetur.
misericordia.

Iniquitas misera est, & iniqua

Epilogus.

A Desideriis rectè vel secùs institutis
& collocatis pendet omnis nostra vel
foelicitas vel miseria; eorum tamen,
quasi ad illam consequendam & hanc devi-
tandam, nullius essent momenti, voluntas
est prodiga & admodùm temerè profusa. Im-
possibilia haud infrequenter in votis sunt,
atque hinc mœstitia exurgit necessariò;
passim appetuntur incerta, undè si non fru-
stratio, ut sæpè fit, certus tamen metus ex-
oritur. Quàm pauca sunt vota quæ rebus
aliis nuncupamus? Deus bone! quot per-
dimus desideria? certa ferè negligimus, &
ἀσύνετα vel dubia sectamur ærumnosi. Si vo-
luntas quidem à potestate consequendi &
devitandi suas omnes inchoaret appetitiones
& averfationes, nobis nec frustratio, nec pe-
riculum frustrationis, ullam crearet miseriam:
securitatem præstat *ἡ ἀποδείξις ἀπορίας.* Sed
ordinem invertimus. Nam à voluntate in-
cipimus,

cipimus, hoc est, primùm appetimus & averſamur ; dein, num quod appetimus, adipiſci, & quod averſamur, devitare valeamus, experimur ; quo pacto in miſeriam prolabimur. Deſideriis ſatisfacere, conatu quidem magno, ſed irritò, laboramus, ipſa verò emendare nolumus : ut qui boulimiâ infeſtatur, non appetitum caninum eradica-
re, ſed cibos undiquè, quos devoret, conquirere ſatagit ; aut, ut qui ſiti morboſâ vexatus, potum expoſcit copioſum, qui ipſam extinguat, intemperiem verò ventriculi corrigere non ſtudet. Fœlicitas verò, haud aliter quàm libertas, non

ἐμπροσθεν οὐκ ἐπιθυμῶν
παραυλάσσεται, ἀλλὰ ἀνασκευὴν ἔχει ἐπιθυμίας. *Explendis deſideriis comparatur, ſed refutandâ cupiditate, ut obſervavit Epictetus apud Arrianum, L. 4. C. 1. μέτρον, modus pecuniæ (inquit Idem, Enchirid. C. 6.) corpus eſt unicuique, ut calcei pes. Si igitur in eo inſtiteris, modum ſervabis : ſi præterieris, jam veluti per præcepte ferri neceſſe erit, ut & in calceis : ſi ultra pedem progreſſus fueris, fit auratus calcens, deindè purpureus, deindè interpunctus. Ejus enim quod ſemel tranſierit modum, nullas eſt terminus. Appetendi verò & averſandi* *μὲν*
eſt poteſtas adipiſcendi quod volumus, & devi-

devitandi quod nolumus; quam regulam
 seu mensuram si non observemus, voluntas,
 ut *Cain*, vagabitur in terrenis, & ut columba
 ex arcâ emissa, non inveniet ubi requiescat.
 Voluntati intra limites illius potestatis sese
 non continenti, ut *sanguisuga*, *duæ sunt filiae*,
dicentes, Affer, affer, Proverb. C. 30. V. 15.
 ejusque desideria nullibi consistunt, sed,
 tanquam erroneæ, palantur in infinitum.
Cum ex me queris (inquit *Epiçtetus* apud
Arrian. L. 2. C. 23.) *quid omnium rerum o-*
ptimum sit, quid dicam? Eloquentiam non
 possum, sed voluntatem rectam. Hæc enim est
 quæ illâ etiam utatur, cæterisque omnibus tam
 parvis quam magnis facultatibus. Nam hæc
 si rectè se habuerit, homo non bonus, fit bonus.
 Sin secus, homo evadit malus. Hæc est, quæ
 res adversas & prosperas efficiat. Hæc alii
 alios reprehendimus & approbamus. Deniquè
 ea est, quæ neglecta infelicitatis, probè curata
 felicitatis auctor existat. Nam sapiens qui-
 dem (ut docet *Plautus*) pot ipse fingit for-
 tunam sibi Quod etiam in *Paradox. 5.*
 à *Cicerone* traditur: Nec est ulla res (in-
 quit) quæ plus apud Sapientem polleat, quàm
 ipsius voluntas atque judicium, cui quidem
 etiam, quæ vim habere maximam dicitur,
 fortuna

fortuna ipsa cedit, sicut sapiens Poëta dixit ;

Suis ea cuique fingitur moribus.

Non quasi cuncta voluntatis humanæ jussu atque imperio administrarentur, quod Deo, summo rerum moderatori peculiare est ; sed quia fortunam cuique à Deo designatam, quisque volendo & nolendo, sibi facit aut bonam aut malam. Et quidem nostrâ parum interest, undecunque oriatur fortuna, in ipsâ modò voluntas acquiescat. Nam quemadmodum si partes suas alternatim vel cœlum terræ vel terra cœlo accommodet : ita si res sint, ut volumus, si velimus ut res sint, ut sunt, perindè est,

SECT.



SECT. II.

Præfatio.

HActenus & quæ ad beatitudinis
essentiam pertinere judicavi-
mus, & methodum cum brevem
cum facilem, quâ diligenter ob-
servatâ, in maximis angoribus
corporis, extremâ pauperie, ignominiâ sum-
mâ, locum habet fœlicitas, ἀμετρίως est homo
& ἀμέτρητος, ἐπιπλήρης, ἐνοδότης, enarravimus; ita ut
de beatitudine plura dicere planè non-necessa-
rium videri queat : verùm, homines sumus,
[אֲנָשִׁים à radice, quâ denotatur infirmitas]
non angeli confirmati ; & tales, quales, cum
stamus, nè cadamus, cavere oportet : [1.
Corinth. C. 10. V. 12.] & nostræ volunta-
tis, instituta non sunt *leges Regis Medorum &
Persarum, quæ non mutantur*, Dan. C. 6. V. 12.
Ac propterea, ut miseriæ occasiones præci-
dantur,

dantur, & quæcunque vel minimum periculum minitantur, sedulò devitentur, operam damus, quò fragilitati humanæ succurratur. Ea verò, quibus periclitatur mentis tranquillitas, sunt adversa corporis valetudo, egestas & ignominia, ; aut ad hæc, ut præcipua, quàm facillimè reducuntur. Animum quidem, illam auræ Divinæ particulam, vel corporis doloribus, vel inopiâ, vel infamiâ perturbari necesse non est ; perturbari tamen videmus, idque quotidie, cùm vel sæviunt corporis dolores, vel premit inopia, vel urget infamia. Valdè rara est indoles illa, quæ inconcussa, & veluti rupes immota, horum impetum sustinet fortiter & generosè. Admodum pauci sunt, qui cum Apostolo Paulo *ἡδονίζοντες*, sibi placent (vel ut alii vertunt, *oblectantur*) *in infirmitatibus, in contumeliis, in necessitatibus, in persecutionibus, in angustiis*, [2. Corinth. C. 12. V. 10.] & , *gloriantur in tribulationibus*, Roman. C. 5. V. 3. Ut itaque corpus, fortuna, aliorum de nobis opiniones, cæteraque externa, nullum vel quàm minimum creent periculum, sed tranquillitatem potiùs, quoad fieri potest, juvent & promoveant, nostras quoque de rebus illis & illarum usu,

quatenus

quatenus serenitati mentis inservire possunt, meditationes, quales quales sunt, in *Aphorismos* digessimus, eosque & rationis & auctoritatis pondere munivimus.

APHORISMUS PRIMUS.

Valetudo prospera, ceteraque corporis bona, opes & honores suam habent ἀξίαν, & contraria ἀναξίαν.

QUAMVIS nec illa sint moraliter bona & amore, nec hæc moraliter mala & odio digna, prout *Anim. Medel. L. 1.* fusiuseculè demonstravimus; inter utraque tamen permultum interest. Illa æstimationem habent, dignitatem & pretium, & vocantur *προσηµία*, producta, promota, præposita seu præcipua, *ωφένη*, commoda; hæc appellantur *ἀποπροσηµία*, rejecta seu rejectanea, *δυσήνη*, incommoda, deæstimabilia. *Indifferentium* (inquit *Cicero*, 3. de finibus) alia æstimabilia esse, alia contra, alia neutrum. *Quæ æstimanda, eorum in aliis satis esse causæ quam-obrem quibusdam anteponerentur: ut in valetudine*

*tudine, integritate sensuum, vacuitate doloris, divitiis, gloriâ, alia autem non esse ejusmodi. Itémque eorum, quæ nullâ æstimatione digna essent, partim satis habere causæ quamobrem rejicerentur : ut dolorem, morbum, sensuum amissionem : partim non. Atque hinc exortum esse illud quod Zeno *προηγμένον*, contrâque quod *ὀποπαιγμένον* nominavit. Inter hæc discrimen nemo non videt, & alia aliis esse potiora nemo non agnoscit. Quis enim, nisi mentis planè inops, electione datâ, valetudinem prosperam adversæ; corporis voluptatem, ejus dolori; divitias, egestati; gloriam, ignominia non lubenter anteponeret? *Beatus* (inquit *Seneca*, C. 25. de vitâ beat.) *totum* fortunæ regnum despiciet, sed ex illo *tamen*, si dabitur electio, molliora sumet. Sed, quid est hæc *αἵσις*? *Res* (inquit *Cicero*, 4. de finib.) *quas nos* (Academici) *bonas* dicimus, *Zeno concessit, ut haberentur aptæ, habiles, & ad naturam accommodatæ : faterique* cœpit, *sapienti commodius esse, si eas quoque habeat.* *Diogenes Laërtius docet,* *αἵσις ἡ μέγιστη διαφέρει ἐν καλῇ, συμπαρομένης πρὸς τὴν εὐδαιμονίαν* Cicer. h. e. *Æstimationem esse mediam quandam facultatem & usum, conferentem aut convenientem ad vitam secundum naturam.* *Ratio* verò*

verò generalis, ob quam, quæ vulgò b
 externa nuncupantur, adversa dignitate præ-
 stant, seu quæ conferunt ad vivendum se-
 cundum naturam, quaque sapienti commo-
 dius est illis frui quàm destitui, est, quo-
 niam hominem liberant à periculo pertur-
 bationum, ad quas illis orbatu, admodum
 proclivis est, ut experientia cunctorum sæ-
 culorum luculentissimè testatur; & quo-
 niam ritè ac prudenter tractata, ad animi
 tranquillitatem cum procreandam tum con-
 servandam, suo modo haud parum condu-
 cunt. Quod, ut & quare singula singulis
 oppositis præferri debeant, postea declarare
 conabimur.

APHORISMUS Secundus.

*Habenda est ratio valetudinis, volu-
 ptatum corporearum, vestitus &
 domus.*

Prospera corporis valetudo, ut & ejus
 pulchritudo; habitus ad animum respec-
 tus, externa bona nuncupantur: inter ea

verò omnia, quæ vulgò ita nominantur, illa
 facile primas obtinet. *τὸν ὕψιστον, ἡδυστάτην ἀνθρώπων*
ὃν καὶ ἀποκαλεῖται, sanitatem, maximè divinum lon-
gèque blandissimum esse condimentum, docet
Plutarchus. Sed, quid animo cum corpore,
 spiritui cum materiâ, immortalī cum caduco?
 Si quidem animus à consortio corporis liber
 & immunis, illius auxilio & ministerio non
 indigeret, non esset, quod curâ suâ ipsum
 dignaretur : verùm, cùm animus conjun-
 ctione suâ cum corpore non sit vetustior,
 ejusque postulet obsequium, ab ipso corpus
 haudquaquàm negligendum est ; quin po-
 tiùs unio, antiqua consuetudo, & varius u-
 sus, quem illi præbet corpus, curam prome-
 rentur. Corpus aut hominis pars est, aut
 animi vel domicilium vel organum ; jam
 verò nec natura alteram sui partem, nec
 prudens aut incola domicilium, aut artifex
 suum negligit instrumentum. Toti benè
 non est, cùm pars malè se habet ; habitacu-
 lum squalidum & incommodum, incolæ
 displicet ut plurimùm ; &, instrumento vi-
 tiato, qualia sunt artificis opera ? Corpus
 autem idèò curandum est, ut animo inser-
 viat. *Quidnam igitur Philosophus ; ad*
quid intentus volet corpus dirigere ? cujus
instru-

instrumentum potius quàm philosophia, atque operum ipse, studebit efficere? (quærit Hierocles in Carm. Pythag. & respondet :) *quâ ratione igitur prudentia instrumentum corpus potest evadere, sic ipsum modis omnibus educabit, atque instituet; animi inprimis curam habens, corporis autem propter istum.* καὶ καὶ τῇ ψυχῇ (inquit Gregor. Nyssen.) τὸ ὀπισθεῖον τῆ
σώματος , *ὥστε κατεστήσῃ αὐτὸ ὄργανον ὀπισθεῖον ἐαυτῇ.*
 Si corpus verò sit habitaculum animæ, eo nomine curandum esse docet *Tertullianus* de Anim. C. 38. Certè, (inquit) *domus animæ caro est, & inquilinus carnis anima: desiderabit itaque inquilinus ex causâ & necessitate hujus nominis profutura domui, toto inquinatus sui tempore: non ut ipse substruendus, nec ut ipse loricandus, nec ut ipse tibicinandus, sed tantummodo continendus: quia non aliter contineri possit quàm domo fultâ.* Quàm optinè verò corpus sanum inservit animo. Nam, præterquàm quòd sanum, pars est, alterius partis, animi consortio digna, saltem aut domicilium ipsi accommodatum, aut instrumentum, cujus tantum & talem artificem nec pudeat nec pigeat; ad obsequendum animo, & ad ejus mandata executioni mandanda aptum est & idoneum; &, quod

maximi momenti est, ad gaudium disponit, inclinât & movet, idque adeò efficaciter, ut ipsa quoque insomnia suavia reddat & jucunda. Ex adverso, corpus ægrum menti tantùm tristitia suggerit, ipsamque ad lugendum sollicitat. Corpore morbis afflicto & doloribus lancinato, in ægritudinem prolabitur & animus; ut contrâ, mœrores animi desinunt in corporis perniciem. Mens quidem potest & debet esse hilaris, alacris & vegeta, etiamsi vires corporis langueant, corpusque maximis torqueatur angoribus; potest, inquam, & debet, sed tanta inter animum & corpus intercedit sympathia, quanta plerumque eousquè prævalet, ut irritam reddat illam potentiam & officii inducat oblivionem. Langueat corpus, languet animus; doleat, comdolet, & ut ad quamvis aliam actionem obeundam planè ineptus, mœstitiæ totus incumbit. ο ψυχῇ: μόνη: (inquit Hierocles modò citatus) ἐπιμελίας ποιούμενος, πρὸς τὸ μακάριον ἀμείνων, ὃ τὸν ὅλον ἄνθρωπον καθαίρει, h.e. *Qui animi solùm curam gerit, corpus autem negligit, non hominem purgat integrum.*

Unde patet quàm magna sit bonæ valetudinis ἀξία, ob quam, optione datâ, ægritudinipræferenda est, & nobis quanto conatu,

natu, ut corpore rectè valeamus, adniten-
dum. *Melior est pauper sanus, & fortis vi-
ribus, quàm dives imbecillis & flagellatus ma-
litiâ. Salus animæ in sanctitate justitiæ, me-
lior est omni auro & argento, & corpus valè-
dum quàm census immensus. Non est census
super censum salutis corporis.* Sirach. C. 30.
V. 14, 15, 16. Hoc sanitati peculiare est,
quòd animo proximè famulatur, cùm cætera
externa non nisi ipsâ interveniente menti
ancillentur, & ad ejus tranquillitatem con-
ducant. Quamobrèm, sanitatis *αἰτία* est re-
gula, quâ, de reliquorum externorum digni-
tate judicandum est, hoc est, pluris vel mi-
noris æstimanda sunt, prout ad sanitatem
plùs minùs conferunt; nam haud aliter ani-
mi serenitatem procurant aut juvant, quàm
sanitatem quoquo modo aut procreando
aut conservando. *ὁπρὸς τὴν ὑγίαν τὸ σῶμα* (in-

quit *Clemens* Stromat. 4. ex *Plat. Polit. 3.*)
ψυχῆς ἐννεύει ἀγωνίας, δι' ἧς ἐκ τῆς ἐντὶ ἐστὶ, καὶ ὑποδῶς ἐκ τῆς. Et mox
de aliis externis: *τὰς τῶν ἑν' ἀνθρώποις, ἧς δι' αὐτὰ, ἀλλὰ διὰ
τὸ σῶμα. ἢ ὅτι τὸ σῶμα τὸ ὁπρὸς τὴν ὑγίαν διὰ τὴν ψυχὴν γίνεται, ὅτι ἡ
ὑγίαν ἀποροῖ.*

Valetudo verò prospera sive sit conser-
vanda, sive recuperanda, *Medici* sunt con-
sulendi; & quod ad ejus conservationem

attinet, probum regimen in sex rebus non-naturalibus inprimis observandum est. Illud quidem in nostrâ *Dissertatione de Morte* non ita pridem tradidimus, ut & alii passim; nihilominus de epulis, quoniam unicus ipsarum scopus videtur esse lætitia, nonnihil hic loci differere, ab instituto præsentî haud erit alienum.

Quanti momenti sunt epulæ ad gaudium mentis excitandum & promovendum, docet *Sirachides C. 30. V. 27. Splendidum cor & bonum in epulis est : epulæ enim ipsius diligenter fiunt.* H. e. ut explicat *Cornelius à Lapide*, Cogitatu & curæ, quæ vitam adducit senectam, quasi remedium & antidotum opponit cor splendidum exhilarans se epulis, itaque curas discutiens & vitam prolongans. Mentem verò exhilarant epulæ, spiritus renovando, erigendo, & corporis statum ad gradum ulterioris perfectionis & puritatis elevando. Atque hæc præstant, non intempestivæ, sed tempestivæ. Quando verò sunt intempestivæ, quando secus, inter omnes haud convenit. Vulgus epulas instituit & frequentat, cum mens est hilarior, & corpus ad hilaritatem promovendam magis aptum est & dispositum. Verum, cum benè se habent

bent & animus & corpus, quid epulis opus est? Victus plenior & lautior, ut medicina, tantum urgente necessitate adhibendus est: Alias bonum corporis statum periculo exponimus, & epulis assuescendo, cum iis non indigemus, indigentibus aut non omnino aut minus profunt. Sapientes autem observant illud *Salomonis* præceptum: *Dale ficeram mærentibus, & vinum his qui amaro sunt animo: bibant & obliviscantur egestatis suæ, & doloris sui non recordentur amplius*, Proverb. C. 31. V. 6. Mærentibus, seu iis qui amaro sunt animo, epulis, tanquam remedio, tempestivè occurritur: imò, & cum animus ad languorem, & corpus ad torporem tantum vergit, epulæ sunt peropportunum pharmacum, quo morbi utriusq; in principiis suis, profligantur, & nè ulterius grassentur & sæviant, prohibetur. Luxus est, non medicina, epulari, quando status nec animi nec corporis illud efflagitat. Quod si tunc solum epulemur, cum vires animi & corporis deficiunt, aut deficere incipiunt, emolumentum majus est, eò quod utraque pars vegeta, epulis non fuit assueta. Medicamentum familiaritate suas amittit vires, atque ideo, ipso qui utitur, cum opus non

est, illum juvat parùm aut nihil, cùm opus est. Quocircà, cùm omnia rectè se habent, epulis abstinenceamus, ut, necessitate ipsas postulante, cum fructu epulemur.

Quà ratione verò prospera corporis valetudo adversæ præferenda est, eadem, voluptates corporeæ, quatenus ipsam comitantur, sovent aut augent; vestitus, quatenus illam tuetur; & domus ejusque suppellex, quatenus eandem protegent, contrariis suis sunt potiora, illisque, quando cunque licuerit, anteponenda.

Quod ad pulchritudinem attinet, & vestimenta ac domum, quatenus aliis, quibuscum vivimus, placere possunt, ea ad *Aphorismum* de aliorum opinione, differimus.

APHORISMUS Tertius.

Opes non sunt negligendæ.

Quanquam spectatâ frequenti divitum improbitate, opes sint vitii potius quàm virtutis ministræ, malæ tamen non sunt. Iphis quidem abutuntur mali; verùm, malos

malos haud faciunt, sed ostendunt. *Redemptio animæ viri, divitiæ suæ, Proverb. C. 13. V. 8. Felix cui opes & mens suppetunt, inquit Democrates, & Democrate major : Utilior est sapientia cum divitiis, & magis prodest videntibus solem : sicut enim protegit sapientia, sic protegit pecunia, Eccles. C. 7. V. 12, & 13. Quasi dicat, (inquit Doctissimus Mercerus) plus multo emolumentum iis qui sub sole sunt, evenit ex sapientiâ, si ad eam accesserint facultates. Rursus : Tam hoc quàm illud hominem protegit & defendit ; ut sapientia adminiculo est homini, sic sæpe opes. Et paulò post : Multi divitiarum ope vitam sibi servârunt, & multa effugerunt discrimina. Divitiæ reddunt alios nobis benevolos, honorem conciliant, sũntque instrumenta, quibus aliis beneficiamus, & benefaciendo, nobis ipsos arctè devinciamus, & quibus alia Reipublicæ utilia edamus opera. Sunt sanè divitiæ (inquit modò citatus Mercerus, in C. 7. V. 12. Eccles.) instrumentum multarum rerum agendarum, quæ sine illis quantumvis sapientiâ valeas, effici nequeunt : sicut & in Salomone utrumque conjunctum fuit, & utroque simul juncto maxima & plurima egregia opera edidit, ac mortalibus profuit*

fuit Rex potentissimus simul & sapientissimus.
 Contrà verò,

Magnum pauperies opprobrium, Horat.

Od. 24. L. 3.

*Nil habet infelix paupertas durius in se,
 Quàm quòd ridiculos homines facit.*—

Instrumentis, quibus à periculis liberemur, alii aliis prosumus, illósque nobis obligemus, & opera præstemus, quæ juvent Reipublicam, destituitur. Sed, quod opum usus genuinus est, & scopo nostro propriè inservit, victus, vestitus, domus, medicamenta, seu, ut breviter dicam, quæcunque ad valetudinem vel conservandam vel restaurandam sunt necessaria, ab ipsis suppeditantur. Pecuniæ obediunt omnia, vel ad verbum Textus Hebræi, *Argentum respondet omnibus*, Eccles. C. 10. V. 19. Generalis (inquit Mercerus) meo judicio sententia de dominio & auctoritate pecuniæ, sine quâ nihil inter mortales fiat, ut quidam nostrorum eam reginam appellavit. Et paucis interjectis: Elegans est *ex audit, annuit, respondet: quasi omnes res postulent ut interveniat argentum, & non sese offerant, ubi adsit argentum.* Ex adverso,

adverso, egestas, quæ ad probæ valetudinis conservationem vel restitutionem exiguntur, aut omninò negat, aut ægrè suppeditat. Multorum saluti nocuerunt incommoda vestimenta & habitacula: nonnulli fame, plures insalubri victu & morbis, Medicorum, Chirurgorum & Sepiasiariorum opem nequicquam implorantibus, perierunt, quia defuit ipsis nummus, quo vestes & domicilia emendarent, cibos coëmerent, victum corrigerent, Medicos & Chirurgos conducerent, & Sepiasariis pretium pharmacorum persolverent. Egestas deniquè, mentem maximâ ex parte deprimit, ad viles cogitationes tentat, & ad actiones sordidas atque homine indignas sollicitat admodum vehementer.

Ex quibus constat, qualis sit tum dignitas opum, tum paupertatis ἀνάξια, & quamobrem inopiæ præferenda sit opulencia. *Et omninò indigens & mendicus non erit inter vos: ut benedicat* [alii vertunt, *quia benedicet*] *tibi Dominus Deus tuus &c. Deuteron. C. 15. V. 4.* καὶ ἔσται ἐν σοὶ εὐλογία, ὅτι εὐλογῇ εὐλογησὶς καὶ κέρδιον. Rursus, V. 6. *Fœnerabis (hoc est, mutuabis) gentibus multis, & ipse à nullo accipies mutuum.* Sed, si rectè moneat *Vernaculus,*

fuit Rex potentissimus simul & sapientissimus.
Contra verò,

Magnum pauperies opprobrium, Horat.

Od. 24. L. 3.

*Nil habet infelix paupertas durius in se,
 Quàm quòd ridiculos homines facit.*—

Instrumentis, quibus à periculis liberemur, alii aliis prosumus, illòsque nobis obligemus, & opera præstemus, quæ juvent Reipublicam, destituitur. Sed, quod opum usus genuinus est, & scopo nostro propriè inservit, victus, vestitus, domus, medicamenta, seu, ut breviter dicam, quæcunque ad valetudinem vel conservandam vel restaurandam sunt necessaria, ab ipsis suppeditantur. Pecuniæ obediunt omnia, vel ad verbum Textus Hebræi, *Argentum respondet omnibus*, Eccles. C. 10. V. 19. Generalis (inquit Mercerus) meo iudicio sententia de dominio & auctoritate pecuniæ, sine quâ nihil inter mortales fiat, ut quidam nostrorum eam reginam appellavit. Et paucis interjectis: *Elegans est* *non exaudit, annuit, respondet: quasi omnes res postulent ut interveniat argentum, & non sese offerant, ubi adsit argentum.* Ex adverso,

adverso, egestas, quæ ad probæ valetudinis conservationem vel restitutionem exiguntur, aut omnino negat, aut ægrè suppeditat. Multorum saluti nocuerunt incommoda vestimenta & habitacula: nonnulli fame, plures insalubri victu & morbis, Medicorum, Chirurgorum & Sepiasiariorum opem nequicquam implorantibus, perierunt, quia defuit ipsis nummus, quo vestes & domicilia emendarent, cibos coëmerent, victum corrigerent, Medicos & Chirurgos conducere-
rent, & Sepiasariis pretium pharmacorum persolverent. Egestas deniquè, mentem maximâ ex parte deprimit, ad viles cogitationes tentat, & ad actiones sordidas atque homine indignas sollicitat admodum vehementer.

Ex quibus constat, qualis sit tum dignitas opum, tum paupertatis ἀνάξια, & quamobrem inopiæ præferenda sit opulentia. *Et omnino indigens & mendicus non erit inter vos: ut benedicat* [alii vertunt, *quia benedicet*] *tibi Dominus Deus tuus &c. Deuteron. C. 15. V. 4.* καὶ ἵσται ἐν σοὶ ἐσθλὴ, ὅτι εὐλογεῖν εὐλογεῖς αὐτόν. Rursus, V. 6. *Fenerabis (hoc est, mutuabis) gentibus multis, & ipse à nullo accipies mutuum.* Sed, si rectè moneat *Vern-*
lanius,

lanius, cum Serm. fidel. 34. dicit : Fidem illis nimiam nè adhibeas, qui præ se ferunt contemptum divitiarum. Etenim opes despicunt, qui desperant; nequè invenies usquam tenaciores, ubi incipient ditescere; quorsum hæc? Solitudinem quidem in opibus undiquè corradendis, retinendis aut amplificandis occupatam, & artes ditescendi sordidas ac nefarias, vehementer improbamus: Opes autem, eò quòd multis ac præclaris inserviunt usibus, haud esse negligendas opinamur. De sui verò neglectu non est quòd conquerantur, si curam moderatam, quæ, inter alia, nè sumptus sint redditibus majores, cavemus, & laborem honestum & ingenuum nulli detrectemus.

A P H O R I S M U S Q u a r t u s .

Opum mediocritas optima.

Quod satis est, nesciunt mortales, eo saltem non sunt contenti. Opum desiderio nec modus est nec terminus.

Crescit

*Crescit amor nummi quantum ipsa
pecunia crescit.*

Perniciosa est illa fames, quæ edendo ; sitis, quæ bibendo, major est. Verùm, tandem aliquandò ad se redeant homines, & perpendant *verba congregantis filii vomentis* : *Mendicitatem, & divitias nè dederis mihi : tribue tantùm victui meo necessaria : nè fortè satiatu illicitar ad negandum, & dicam : Quis est Dominus ? aut egestate compulsus furer, & perjurem nomen Dei mei, Proverb. C. 30. V. 8, 9. Hoc est, ut explicat Mercerus, Tribue mihi mediocrem fortunam. Quæ hâc minor est, ad furtum, perjurium, aliâque flagitia, quibus relevetur inopia, tentat, invitat, sollicitat ; contemptui nos reddit obnoxios & injuriis exponit quàm plurimis : quæ major verò, adducit ad securitatem, quâ in Dei oblivionem venit, uti in locum modò citatum observavit Mercerus, cui etiam suffragatur experientia : Et saginatus est Jesus & calcitravit, Deuteron. C. 32. V. 15. In eâ facilè superbimus, invidiæ & insidiis prædonum objicimur : quæ media, à periculis utriusque extremæ liberior est & magis*

gis immunis. *Fortunam velut tunicam, magis concinnam, quàm longam* probant *Socrates & Apuleius*. Deus bone! quàm pauci sunt, qui facilem hanc & fœlicem mediocritatem animadvertunt, & orant: *Tribue tantùm victui meo necessaria?* Quibus autem placet τὸ λιτὸν καὶ τὸ διαιτῆσαι, καὶ πόρρω τῆς πλεονακίης διαγωνῆς, (quod à Matre suâ accepit *Marcus Antoninus*, L. I. N. 3.) placet & hæc oratio: illis verò planè displicet, qui sese volunt περιστάσιν πλεονεξίας ὑποδείκνυσθαι; quod, *Thomâ Gataker* interprete, est, cum eo apparatu, eoque ostentationis studio aliquid moliri atque edere, ut in stuporem & admirationem summam spectantes audientésve conjicias. Quibus mediocria haud sufficiunt, cogitent quòd ubi multæ sunt opes, multi & qui comedunt eas. Et quid prodest possessori, nisi quòd cernit divitias oculis suis, Ecclef. C. 5. V. 10. Et advertant quòd idem vocabulum apud *Hebræos*, nempè ריחם tam fremitum, strepitum, sonitum, rixam, seditionem & tumultum, quàm opum copiam significat.

APHORISMUS Quintus.

*Sua cuique debet esse vocatio, eique
sedulò inferviendum est.*

VOcatio alia generalis est, quæ *vocatio*
ad fœdus; alia particularis, quæ *vo-*
catio ad munus nuncupatur : non autem de
illâ, sed de hâc sermonem instituimus. *U-*
nusquisque ἑστὸν χάρις *proprium donum habet*
ex Deo : alius quidem sic, alius verò sic. I
Corinth. C. 7. V. 7. Talenta five plura
five pauciora, five majora five minora, à
Deo acceperunt omnes : non ut in terrâ
reconderentur, aut in sudario reponerentur.
Negotiamini dum venio, Matth. C. 25. Luc.
C. 19. Hæc talenta vires sunt seu. facul-
tates, quibus non ad otia, sed ad ope-
randum Deus homines instruxit. *In sudore*
vultus tui vesceris pane, Gen. C. 3. V. 19.
De quo loco Reverendissimus in Christo
Pater *Robertus Sandersonus* Episcopus Lin-
colniensis, Serm. 4. ad Populum, in I. Corin.
C. 7. V. 24. inter alia dicit : *Est Maledictio,*
Pro-

Promissio, Præceptum. Maledictio è quòd *terram citra sudorem nostrum panem suppeditare non permittit Deus : promissio, quoniam de pane ut sudoris præmio nos certos reddit : præceptum etiam, quia panem modo consequi velimus, ut pro eo sudaremus, præcipit. Quod confirmatur ab Apostolo, 2. Thessal. C. 3. V. 10. Si quis non vult operari, nec manducet. Imò, ipsa innocentia à labore non fuit aliena, sed ipsi dicata fuisse videtur. Nam, Tullit Deus hominem [nondùm lapsum] & posuit eum in paradiso voluptatis, ut operaretur & custodiret illum, Gen. C. 2. V. 15.*

Operationum verò genera sunt multa, earumque complexus varii ; quorum alii ad hunc finem alii ad illum collinant, & quorum aliis alii sunt addicti ; & illud vitæ genus, quod aliquo determinato operationum complexu ad certum finem respiciente gaudet, *vocatio* dicitur, idque quoniam vel electio propria, vel aliorum voluntas, vel dotes, quæ ad omnes actiones obeundas, haud aptæ sunt ex æquo & idoneæ, ad illud suscipiendum nos invitant & quasi *vocant*. Sua verò cuique debet esse *vocatio*, (ut Abel fuit pastor ovium, & Cain agricola, Gen. C. 4. V. 2.) quoniam omni *vocationi* nemo sufficit,

sufficit, alicujus capax est omnis, & qui pro
 capacitate vocationem non amplectitur, suis
 abutitur viribus, utpotè quæ ad operandum
 quàm optimè sunt institutæ. Nam cùm
 vires ad certum vitæ genus determinantur
 & quasi restringuntur, operationes ad illud
 spectantes sunt accuratissimæ, earumque suc-
 cessus fœlicissimus : cùm verò vocationis
 alicujus limitibus non circumscribuntur,
 plures quidem, sed exactæ non sunt, & e-
 ventus plerumque infauftus. ο πάντα θλ (ut,
Photio referente, *Bibliothec. Cod. 259. do-*
cent Pythagorei) πάντα ἔχοντες τὰς δυνάμεις, ἐν ἑκάστῃ ἡπλοῖ
 ἐστὶ τὸ ἐν πᾶσι τοῖς αἰσθητοῖς ὅς ἀλλομετά, hoc est, *Quin-*
quertio, omnes habens virtutes, in singulis ta-
men minor est eo, qui unum tantum certaminis
genus exercet. Est *Hebræorum Proverbi-*
um, Non vicit me quisquam unquam, nisi
Dominus artis unius. Finitæ nostræ facul-
 tates pluribus sunt impares, iisque distra-
 huntur, sed certo alicui actionum generi
 totæ vacantes, illas præstant & eximias &
 fortunatas. Nonnullorum quidem, (quam-
 vis pauci sint) vires egregias pluribus voca-
 tionibus sufficere haud negârim : sed, quot
 vocationes sunt, quibus obeundis pares sunt
 vires, illæ omnes pro unâ censendæ sunt.

Suæ verò vocationi cuique sedulò incumbendum est. *Unusquisque in quâ vocatione vocatus est, in eâ permaneat*, 1. Corin. C. 7. V. 20. In vocatione permanere, est illius actionibus diligentem navare operam, non extra limites illius temerè vagari, aut otiosi, quod *multam malitiam docuit*, Eccles. C. 33. fuit iniquitas *Sodome*, Ezech. C. 16. fastidium parit, infinita penè desideria suggerit, eaque vana, inutilia, noxia. *Sicut per rimam sentinæ* (inquit Bernardus, Serm. de S. Andrea) *aqua latenter intrat, & excrescit, donec navis per nautarum incuriam demergitur* : ita ex otio atque ignaviâ cogitationes prave, & concupiscentiæ multiplicantur, donec navis cordis iis, succumbens in peccato periclitatur. Semper (inquit Hieronymus) *boni aliquid operis facito, ut Diabolus te semper inveniat occupatum*. Incumbendum est autem vocationi, ut opes acquirantur, & acquisitæ commodè administrantur, conserventur, aut etiam augeantur. Non divitiæ quidem, (ut alibi demonstravimus) sed vocationis opera, quibus illæ parantur, administrantur, conservantur vel augentur, amare licet. *Superat opus materiam*. Quamvis autem vocationi sedulam operam dare oportet.

oporteat ; ludi tamen non sunt omittendi. *Ludere* Sacris in Literis nunc est idola colere, nunc coire, nunc interficere ; interdum imponere, nonnunquam jocari, aliquandò lætari sive licitè sive illicitè, deniquè exerceri. Quas omnes significationes fufiusculè recenſet & explicat *Alphonſus Mendoza* Q. 8. Expofitiv. Nobis ludus eſt, quicquid præter ſeria vocationis opera, ad mentem honeſtè relaxandam & exhilarandam modo quovis aptum eſt, eumque omnibus tranquillitatis ſuæ ſtudioſis, ut perutilem & neceſſariam commendamus. Etenim, quoniam limitatæ ſunt vires noſtræ & laſſitudini obnoxia ; & quoniam obortâ laſſitudine, animus non tam ad hilaritatem quàm ad mœſtitiâ proclivis eſt ; quamprimum nobis occupatis in ſeriis propriæ vocationis operibus laſſitudinem obrepere ſentimus, iis ſuperſedendum eſt, & confugiendum ad ludos, quibus vires reſarciamus & mentem quaſi reſciamus. Terminus operum vocationis eſt laſſitudinis initium, tum quia quicquid intra propriam vocationem ſeriò fit viribus jam labefactatis, imperfectum eſt, non accuratum : tum quia ſeria mentis applicatio ad operandum cum vires labalcunt,

ipsi creat molestiam quàm facillimè. Atque
 idem lassitudinis initium, est ludendi exor-
 dium, tum quippè reparari vires incipit
 esse necessarium. Viribus autem reparatis
 & ludendo restitutis, ad consuetum voca-
 tionis laborem redeundum est. *Quod caret
 alternâ requie durabile non est.* Ad luden-
 dum quidem haud nati sumus, sed ad la-
 borandum; *ἡ γὰρ φύσις, πάλαι ἀπὸ τῆς φύσεως, ποιεῖ, ut*
docet Menander; verùm, ludendum est, ut
 laboremus. Qui laboribus suis modum po-
 nere nesciunt, vires corporis labefactant,
 morbos accersunt, quicquid jam defatigati
 moliantur, idipsum mancum reddunt, &
 viribus tandem prostratis, propria sua munia
 obire nequeunt, serenitati deniquè mentis
 malè consulunt. Cùm verò labor & ludus
 alternatim sese excipiunt, robur integrum
 conservatur, & tam inter laborandum quàm
 inter ludendum vegeti sumus, alacres &
 hilares. *Quia ei, (inquit Plato, 8. de Re-
 publ. C. 3.) qui laborat, necessaria est re-
 quies, & ludus requietis causâ comparatus est,
 negotiâque cum labore & contentione animi
 conjuncta sunt: ob eam causam jocus adhi-
 bendus est, observatâ usus ejus occasione, ut
 tanquam medicine loco adhibeatur.* Rursus,
C. 5.

C. 5. *Ludus relaxationis causa comparatus est, & relaxatio voluptate afficitur: quippe quæ molestis iis, quæ ex laboribus capiuntur, medicinam afferat.*

APHORISMUS Sextus.

Bona aliorum de nobis opinio non est negligenda.

FAmam esse servandam, est inter Regulas Canonicas Damasi Vet. J. Ecclesiastici & Canonici D. Nonagesima prima: ubi dicit: *Si possibile sit alicui conservare famam suam, & non servat, crudelis est.* Nescio (inquit Rabanus in hæc verba Matthæi, Gaudete & exultate) quis nostrum possit implere, ut lace- retur opprobriis fama nostra, & exultemus in Domino. Eleganter enim in quodam volumine legimus, quod si non queras gloriam, tamen dolebis, cum inglorius fueris. Et Damaso & Rabano sapientior: *Melius est nomen bonum, quàm divitiæ multæ: super argentum & aurum gratia bona,* Proverb. C. 22. V. 1. In quem locum ita commentatur Mercerus: *Non sat*

est homini virtus & virtutis studium, sed famâ etiam opus est rectè facta approbante. Quid ita? Extra nos est aliorum de nobis opinio. Quisque suâ ipsius opinione beatus est vel miser : verum, judicium alienum ut nos nec bonos vel malos : ita nec beatos reddit vel miseros. Virtus est amplum sui præmium, & ad benè beatèque vivendum satis. Quid alii itaque de nobis & actionibus nostris sentiunt, non est magnoperè curandum. Non est quidem quòd *Eremitæ* & *Anachoretæ*, utpotè ab hominum commercio divulsi, magno æstiment alienas opiniones : qui verò in societate degunt, & in ipsâ certum vitæ genus susceperunt, iis perutilis est bona aliorum de se opinio, ut foelicius vocatio suum sortiatur effectum. E. g. Si Medicus habeatur iniquus, ignavus, aut imperitus, à nemine consulitur : si probus, sedulus & peritus, ad illum catervatim confluunt ægroti : illius vocatio sine suo frustratur; hujus, cum fructu exercetur. Atque ita, quâvis in arte, quos bonos esse, diligentes & gnaros opinantur, ad eos se recipiunt homines, ad alios non accedunt. Imperiti, quia periti, rerum omnium copiâ circumfluunt : periti, quia impe-

imperiti habentur, pane destituuntur. Verum est istud *Marci Antonini* πολυδρύναντων : τὸ πᾶν ὑπερβαίνει. Ut itaque nostra vocatio non sit otiosa, sed & nobis & aliis utilis, quantum in nobis est, ut de nobis alii benè sentiant, curandum est; undè & aliud, idque non contemnendum, exurgit commodum : Alii nimirum non tam ad injuriam nobis inferendam, quàm ad benefaciendum sunt propensi. *Qui famam suam spernit, vel sceleratus est, vel inhumanus*, inquit *Didac. Stella de contempt. vanit. Mund. p. 1. C. 12.* θεῶν πλοῦτος ἐστὶν ἰσχυάτων, *Sirach. 41. 5. Tres sunt coronæ* (inquit *R. Simeon in Pirke Avoth, C. 4.*) scilicet *corona legis, sacerdotii, & imperii* : verum *corona bonæ famæ illustrior longè & pretiosior his omnibus est.* Quod optimum quidem videtur, id esse debet ὁ νόμος ἀπαράβατος, *Lex inviolabilis*, (ut sanctissimè monet *Epiætetus*, *Ench. C. 75.*) & *foelicitatem admodum incerto aliorum judicio nitentem* (si fas sit, quod ab eo pendet, *foelicitatem appellare*) ut valdè precariam, inconstantem & tremulam non probamus. Aliorum opinio nec est actionum *regula*, nec *basis foelicitatis* : quò solùm *Epiætetum* respicere putamus, cùm dicit *C. 74. Quicquid de te dictum fuerit, id nè cu-*
rate.

rato. Unumquemque verò, quoad commodè & licitè fieri potest, prudenter ita se gerere, résque suas administrare oportet, ut bonam de se aliorum opinionem mereatur & lucretur, effugiat malam, nè vel ipsum alii incommodis afficiant, vel ipse nec sibi nec aliis prodesse queat, quantum freto bonà opinione facillè liceret. Quòd si bonum amplexemur, illudque amplexando beatè vivamus, quamvis alii de nobis malè sentiant & loquantur, (ut sæpè fit) officio defungimur, (quod *murus abenens esto*) nostras ipsorum liberamus animas, & aliorum errores nec probitatis amorem superare, nec foelicitatem expugnare demonstramus.

Ut autem bona aliorum de nobis opinio, contrariæ : ita corporis pulchritudo, & lautiora cùm vestimenta, tum domus & suppellex, quatenùs aliis placent, adversis, quatenùs displicent, sunt anteferenda.

Deformitas ingrata est, displicet ; pulchritudo placet & delectat, sive sit opinionis filia, sive parentes agnoscat alios :

*Gratior est pulchro veniens è corpore
virtus.*

Quo-

Quocircà, corrigenda est deformitas, aut prudenter occultanda, aut morum honestate supplenda. Eàdem ratione, si fieri potest, vestitus ornatior sordidiori, & concinna domus & supellex, oppositis sunt præferenda. De homine quidem secundum externam formam judicare, vestimenta, aut domum & supellectilem, stultum est: sed, cum stultis vivimus, quibus, quia incommodare possunt, nè incommodent, quoad per morum integritatem licet, placere prudentis est & suæ tranquillitati consulentis. Atque hic ordinem observari volumus: Aliorum opinio vocationi, opibus vocatio, valetudini opes, animo inservit valetudo. *Primo loco in divisione recenset corpus, quod propter id, its egere capimus, quæ in nostrâ potestate non sunt, inquit Simplicius in I. C. Enchir. Epicteti.*

APHORIS.

APHORISMUS Septimus.

Privata vita publicâ potior.

VIta quidem publica, splendida est; privata, obscura; illa pluribus & maioribus, hæc paucioribus & minoribus, aliis benefaciendi fruitur opportunitatibus: verum, si tranquillitatis habeatur ratio, ad illam conducit vita, publica minus, privata magis. Illud vitæ genus alligatur negotiis magnis, multis, difficilibus; urgetur visitationibus frequentibus, importunis sollicitationibus, molestis interpellationibus; aliorum invidiâ & suo premitur timore; Ipsi adulatio penè necessaria est, graves suspiciones valdè familiares, lites & contentiones comites ferè inseparabiles. Quisquis insuper vitæ publicæ suam navat operam, quodammodò totus extra se fertur; & tot tantisque occupationibus districto, ad se redire, se contemplari, & valetudini suæ consulere non vacat. Deniquè, quamvis vitæ publicæ finis sit admodum laudabilis, nempe bonum Reipublicæ;

licæ; ejus tamen actiones omnes tot invidos habent observatores & scrutatores, qui vel optimas in malam accipiunt partem, ut non infrequenter maximâ ignominiâ, jacturâ rei familiaris, vel etiam capitis damno compensentur. Ex adverso, vitæ privatæ negotia sunt exigua, pauca, facilia; visitationes nec frequentes nec sollicitationes importunæ, nec interpellationes molestæ; procul invidiâ, metu, suspicione, rixis & jurgiis, adulatione non indiget; hominem sese intueri, & corporis salutî prospicere, permittit; illiusq; præmium ac merces, non est aura popularis, quâ nihil inconstantius, sed illâ multò præstantior, secunda quies; non famæ, rei familiaris aut vitæ periculum, sed horum omnium, tacita quidem, verum placida & jucunda fruitio. Certè, amica vitæ privatæ silentia sunt publicæ tumultu, turbâ & strepitu longè potiora; & non pauci, qui huic aliquandò operam dederunt, molestiam experti, illam declinârunt, & ad privatam, ut portum & tutum & amœnum sese receperunt. Vitam publicam utut suspiciant & venerentur mortales; tamen,

*—Invidiâ, seu fulmine summa vaporant,
Plerumq; & quæ sunt altis magis edita
cunque, Ut*

Ut canit *Lucretius*. Ad illam provecti, superbiâ & fiducia intumescant; meminerint tamen quod olim tradidit *Ovidius Naso* :

—*Summa petit livor, summisq; negatum
Stare diu : nimioq; graves sub pondere
lapsus.*

A vulgo foelices habeantur, nihilominus,

Sæpius ventis agitatur ingens

Pinus : & celsæ graviore casu

Decidunt tærres : feriuntq; summos

Fulmina montes.

Poëta concinit *Lactantius* : Plus habent ponderis ad ruinam, quæ cæteris sunt altiora. Ac propterea, ut observavit *Seneca* : Ad summum quicquid venit, ad exitum propè est. Magnates hujus sæculi, propter dolos ponuntur, [alii vertunt, in lubricis] dejiciuntur dum allevarentur, Psalm. 72. V. 18. Qualis porro sit illorum conditio, judicet longè Doctissimus *Verulamius* : Viri (inquit Serm. Fidel. II.) in magistratu collocati, ter servi : servi Principis vel politiæ, servi famæ, & servi negotiorum. Aded ut libertate nentiquam fruuntur,

tur; nec in personis, nec in actionibus, nec in temporibus suis. Rursus: Ascensus ad dignitates arduus est; & per labores pervenitur ad labores majores. Et, paucis interpositis: Sanè, viris in Magistratibus positis, opus est, ut aliorum opiniones mutuentur, quo seipso beatos putent; nam si judicent ex sensu proprio, nihil hujusmodi reperient: verum, quando secum cogitent quid alii de ipsis sentiant, & quàm libenter alii conditiones cum illis permutare vellent, tum demùm beati sunt, rumore tenus: cùm intus fortassè contrarium experiantur. Siquidem dolores suos primi omnium sentiunt, licèt culpas suas omnium novissimi. Certè viri potestatibus sublimes, ipsi sibi ignoti sunt; & dum negotiis distrabuntur, tempore carent, quo sanitati, aut corporis, aut animæ suæ consulant. *Ὁ δὲ ἰδιώτης ἀεὶς ἐστὶν.* Vita privatorum optima, inquit Tiresias apud Lucianum. Sed, surdis fabulam narramus. Mortales periculum diligunt, venenum sectantur, ambiunt & depereunt. Mundus (inquit Cardanus in L. 6. Aphor. 28.) semper est mundus, & homines homines.

APHORISMUS OCTAVUS.

Pauca sunt agenda.

M Arc. Antoninus L. 3. vetat πολυπραγμοσύνην
 ἀντὶ πολυρήμων, ἀντὶ πολυπραγμοσύνης : & ὁλιγοπρα-
 γμοσύνην præcipit Democritus. Proderit nobis
 (inquit Seneca de Irâ) illud Democriti salu-
 tare præceptum, quo monstratur tranquillitas,
 si neque privatim, neque publicè multa, aut ma-
 jora viribus nostris egerimus. Rursus, de
 Tranquillit. C. 12. Hoc secutum puto Demo-
 critum, ita cæpisse; qui tranquillè volet vi-
 vere, nec privatim agat multa, nec publicè.
 Ὁ λίγα πράττει, φησιν, ἔτι μέλλει εὖ διαφέρειν, hoc est, *Pauca*
age, inquit [Democritus] si tibi tranquillitas
animi curæ est. M. Anton. L. 4. Dico autem
 vobis, quoniam omne verbum otiosum quod
 locuti fuerint homines, reddent rationem de
 eo in die judicii, Matth. C. 12. V. 36. Mul-
 tò magis prohibentur occupationes otiosæ,
 quæ scilicet superfluxæ sunt, seu nec ad con-
 servationem hominis nec ad decentiam sta-
 tus necessaria. Quæ verò superfluxæ, sunt
 multæ;

multæ; pauca, quæ necessaria : illas rescindere, his sedulo incumbere oportet. Nam,

Ὁ πλείστα πράσσων, πλεονάζ' ἀμαρτάνει βροτῶν.

Hoc est, vertente *Grotio* : *Peccare quisque plus solet, quò plus agit* : Et, pauca sunt agenda, ut salva sit *εὐδομία*. Negotia non-necessaria, quæ multa sunt, mentem gravant, onerant, distrahunt; &, ut rami inutiles, fucco suo fraudant reliquos : ita superflua occupationes ad se curam attrahunt, quam necessariis impendi oportuit. Undè *Agatho* apud *Athen. Dipsosoph. L. 5.* & *Clemens Strom. L. 5.*

Τὸ μὴν πάρεργον, ἔργον ὡς ποιούμεθα,

τὸ δ' ἔργον ὡς πάρεργον ἐκποιούμεθα. i. e.

Operosè id agimus, agere quod non est opus. At in eo quod opus est, opera perfunctoria est.

(ut reddit *Grotius*) quod tandem in mentis perturbationem definit. *Plutarchus* quidem illud *Democriti* præceptum de paucis agendis, *L. de Tranquillitate*, planè rejicit : Veruntamen rectè *Euripides* :

Res agere multas, tuta vitæ hand est via.

Anima multis occupata negotiis, non bonam rem facit, *Stulto labore consumetur*, (quod *Mosi* universas populi lites cognoscere volenti, à *Jethrone* dictum fuit, *Exod. C. 18.*) saltem, ut *Martha*, turbatur erga plurima, *Luc. C. 10. V. 41.* Prudenter monet *Sirachides*, *C. 11. V. 10.* *Fili, nè in multis sint actus tui.* Vires nostræ unitæ & ad pauca contractæ, fortiores sunt & optatum finem frequentius adsequuntur; in multa verò divisæ, imbecilliores, & ut plurimum spe suâ frustrantur; ut qui duos insectatur lepores, neutrum capit; undè mentem perturbari necesse est. Num verò *ἡμεῖς κακίας*, quam *Apostolus Jacobus*, *C. 1. V. 21.* abjiciendam esse judicat, sit istud vitium, quo, non contenti necessariis, quæ pauca, in supervacaneis, quæ multa sunt, occupamur, *Theologis* dijudicandum relinquimus. Quod tamen dicit *Sirachides*, *C. 38. V. 24.* citra observationem haudquaquam prætereundum est, nimirum, *ὁ ἡλιθίος ὁ ἀπὸ πολλῶν ἀγνοεῖ τὴν σοφίαν*, id est, *Qui minoratur actu, sapientiam percipiet*,

ci- piet, vel, ut vertit Vatablus, Qui negotii sui minus habet, sapientiam parare poterit. Quò facit Hillel: Qui multum negotiatur, non evadet sapiens. Quòd si legamus, & scripsit in q. 1. ut habent Editiones nonnullæ, eodè tamen redibit sensus, quoniam additâ negatione, verba sunt reddenda: Qui suis opprimitur negotiis, non parabit sapientiam.

APHORISMUS Nonus.

Arcana non sunt revelanda.

MUtuaam hominum amicitiam ad eorum pacem & quietem maximoperè conducere; illam verò quæ præcidunt, tranquillitatem turbare & impedire, manifestum est. Inter ea verò, quibus hominum abrumpitur amicitia, arcanorum revelatio locum obtinet haud postremum; est enim amicitiae vulnus prorsus lethale, in eamq; peccatum irremissibile. Ita Sirachid. *Qui denudat arcana amici, fidem perdit, & non inveniet amicum ad animum suum. Dilige proximum, & conjungere fide cum illo. Quòd si denudaveris absconsa illius,*

Scripsit

G

illius,

illius, non persequeris post eum. Sicut enim homo, qui perdit amicum suum, sic & qui perdit amicitiam proximi sui. Et sicut qui dimittit avem de manu suâ, sic dereliquisti proximum tuum, & non eum capies. Non illum sequaris, quoniam longè abest : effugit enim quasi caprea de laqueo : quoniam vulnerata est anima ejus : ultra eum non poteris colligare, C. 27. V. 17, 18, 19, 20, 21, 22, 23.

Arcana retegendo, spes omnis amicitiam redintegrandi funditus evertitur ; & proditor, illi, cui denudavit, redditur exosus. Interdum placet homini proditio, proditori verò confidit nè ille quidem, cui utilis est proditio, quin eum potius magno prosequitur odio : quantò magis illum detestabitur, cui utilitas prodicionem commendare nequit, & eum quantò magis adhuc abominabitur, qui prodicioni suam debet perniciem. Celare secreta proximorum (inquit Cornelius à Lapide in modò citatum caput Sirachidis) est res necessaria ad hoc, ut homines in pace & tranquillitate vivant, utque mutua hominum conservatio tuta servetur. Si enim homines hominum secreta detegerent, maxima indè perturbatio, imò societatis humanæ everso sequeretur. Odium, quòd maxime

ximè meretur & efficit arcanorum proditio, haud exiguum est, sed ingens; non evanidum, sed permanens; ac propterea lites immortales, rixas, jurgia, tumultus & clades progignit, nutrit, & ut in immensum crescant, facit.

APHORISMUS. Decimus.

De nemine mala dicenda.

Nemo vel ad securitatem omnis incommodi incapacem provehitur, vel ad eum deprimitur statum, in quo alteri aliquandò incommodare nequeat. Ac proinde, quisquis suæ serenitatis studiosus est, hanc incommodandi potentiam, quæ omnibus communis est, neutiquam irritabit. Inter ea verò, quibus irritatur, & lingua sibi locum postulat. Est quidem lingua *membrum modicum*, sed *per ardua*, sese effert magnifice, est *malum inquietum & indomitum*, totum corpus maculat, est ignis inflammans rotam civitatis nostræ, veneno mortifero repletur, estque tam *anxia*, quam *adversus*. Univer-

*fitas, Jacob. C. 3. Qui verò custodit os suum,
 & linguam suam, custodit ab angustiis ani-
 mam suam, Prov. C. 21. V. 23. Quis est
 homo qui vult vitam : diligit dies videre bo-
 nos ? Probibe linguam tuam à malo : & labia
 tua nè loquantur dolum, Psalm. 33. Si quis
 in verbo non offendit : hic perfectus est vir.
 Potest enim freno circumducere totum corpus,
 Jacob. C. 3. V. 2. Summatim, Mors & vita
 in manu lingue, Proverb. C. 18. V. 21. Ad
 hanc confert vel bona dicendo, vel mala ta-
 cendo ; ad illam, mala loquendo. Alii
 sunt aut boni, aut mali ; si boni, de ipsis
 cur mala loqueremur ? Si mali, ^{evangelii} qui-
 dem haud merentur, sed de illis tamen quid
 opus est ut mala dicamus ? Mala dicendo, præ-
 ter inimicitiam quid aliud lucratur ? Mali
 sunt ; nobis fortè tales non sunt, nisi non-
 necessariâ sermonis veritate tales ipsos red-
 damus. Verùm, nobis jam sunt mali, hoc
 est, inimici ; de illis ipsis mala loquendo, cra-
 brones irritamus, ipsosque ad inimicitiam
 longè graviolem provocamus, stimulamur
 & exacerbamus. Quot tumultus, clades
 & tragœdias excitavit hæc mala dicendi li-
 centia ? Quot viros egregios, familias illu-
 stres, Regna viribus, divitiis & gloriâ flo-
 rentia,*

rentia, diruit funditus & pessundedit lingua
sui profusa? *Parva verba multoties homici-
dium perpetraverunt, & civitates integras e-
verterunt*, inquit *Joh. Chrysostomus* in Matth.
C. 5. Certè, haud exiguam calamitatum
nostrarum partem, intemperantiæ linguæ
acceptam ferimus; & nos ad ærumnas non
rarò perducunt verba, quæ nos dixisse ipsi
obliviscimur, alii verò recordantur. Cum
tenacitate destituta non sit aliorum memo-
ria, quòd *vox audita perit*, temerè statuimus.
Si pax itaque & quies tibi sint in votis, de
aliis, id modò veritas permittat, bona dicito:

Aut tua Sigalion Ægyptius oscula signet.

Hostes tibi vel è vilissimis homuncionibus,
verbis, quæ cohibere facile est, revocare
impossibile, creare, aut ad odii gradum sæ-
viorum proutare, stultum est, & nusquam
tutum.

—*Nulli tacuisse nocet, nocet esse locutum.*

Lingua hominis est ruina ipsi, Sirach. C. 5.
V. 15. Quocirca, ut monent *Arabes*, *Cave ne
feriat lingua tua collum tuum.*

APHORISMUS Undecimus.

Injuria nemini inferenda.

Injuriam omnem malam esse & à naturâ
vetitam, nullus non agnoscit; de eâ ve-
rò, nec quatenus est mala, nec quatenus ip-
sam prohibet natura, sed ut ad animi per-
turbationem facit, hic loci differimus. A
naturâ, Deo instituyente, ita comparatum est,
ut quo aliis incommodamus, id & nobis ip-
sis incommodet; ut, si non proximi, sui
saltem amor, ab aliis incommodando dissua-
deret. Quomodòdum *Samsou* tam se ipsum
quàm *Philistheos* interemit: ita & injuria
tam ei qui infert, quàm cui infertur, incom-
modet. Etenim, injuria creat inimicos, qui
vindictam nunquam non meditantur, nun-
quam non machinantur; & nullus adeò ab-
jectus est, ut ejus odio & malevolentia non
periclitetur alterius vel fama, vel opes, vel
etiam vita. Inimicos, inquam, creat, quam-
vis uni tantum inferatur; nam, ut dicere
solebat *Florianus Imperator*: *Multis minatur,*
qui

qui uni facit injuriam. Cum odio quempiam habemus, illius famam denigrare, & credulos reperire quàm facile est? Hostis sui divitias vel furto furripere, vel incendio perdere difficile non est : & odium hominis eousquè potest invalescere, ut mortem alterius, vitæ suæ præferat ; & quisquis huic illam anteposit, aliquandò vitæ alienæ Dominus est. Monarchæ vel potentissimi principiorum vilissimorum manibus odio venenatis perierunt. Divitiis affluant mortales, honoribus abundant, vigeant potentiâ ; ab insidiis tamen, quas odium firuere & potest & solet, nihil tutum est, nihil securum. Quod autem nemo adeo pusillus est, ut contemni mereatur, doceat hæc *Æsopi Fabula* : *Scarabæus* aliquandò spretus ab aquila, cepit de vindictâ quoquo pacto sumendâ, cogitare. Pervestigavit ubinam aquila nidum collocasset : arrepsit *scarabæus*, & ova simili dolo dejecit. Aquila, cum sapiens domicilium commutasset, neque quicquam proficeret, Jovem patrone adiit, exponit calamitatem suam : is jubet ut suo in gremio ponat ova, vel isthic in tato salutura. Et hac per vestis latissimas sinûsque precepit pertinax *scarabæus*, baudquaquam sentiente Jove. Deinde ubi videt ova commoveri

*Jupiter, neque satis animadverteret undè, ter-
ritus rei novitate, excusso gremio, in terram
dejecit.* Οὐρανὸν μὲν ἔκτισ, ἀέρος δ' ἐσφύργας, *Qui nullus
hodiè, cras futurus summus est, Aristophan.*
Neminem contemnendum esse, monet *Azai
filius*, quia *Nemo est cui non sit hora sua*, hoc
est, qui per occasionem nocere non possit.
Malefacere qui vult (inquit *Publius*) *nusquam
non causam invenit.* Et, ut docet *Seneca* in
Medeà, *Nullum ad nocendum tempus angustum
est malis.* Nostrà quapropter interest ne-
mini incommodare, nè in eandem, vel simi-
lem, quam aliis paravimus, foveam prolaba-
mur; nè malum, quod molimur, in caput
nostrum aliquandò recidat. ἔστι δ' αὖτις ἀνδρῶν ποτ', ἀδι-
κῶν τινὲν ἢ δότι *Ces*, uti refert *Herodotus* ex veteri
Poëtâ. Talionis legem, humanam fragili-
tatem nemini non obnoxiam, & odii vires &
astutias ob oculos ponamus, & à vel minimâ
injuriâ aliis inferendâ nobismet ipsis abundè
cavebimus. *Amicos*, etiam de *Mammonâ* in-
iquitatis facere oportet, *Luc. C. 16. V. 9.*
Inimicos verò facere, nec ullibi præcipitur,
nec è re nostrâ est. Sanè, fortis suæ obli-
viscitur, & quot modis vires humanæ, eti-
amsi maximæ, eludi possunt, non satis ani-
madvertit, qui, susquè deque habito alio-
rum

rum odio, de cuius inferendâ cogitat injuriâ. Ab iniquitate liberetur injuria; sit fama inviolabilis; opes sunt stabiles, perennes, & furto, rapinæ aut incendio non obnoxia; esto deniquè potentia inexpugnabilis; ac tum demùm aliis injuriam inferre studeamus : Sed, intereà temporis, nostræ salutis, non incommodando alienæ, consulamus.

*Circumretit enim vis atque injuria quemque,
Atque undè exorta est, ad eum plerumque*
(revertit.

Nec facile est placidam ac pacatam degere
(vitam,

*Qui violat factis communia fœdera pacis.
Ac licèt is fallat Divûm genus humanumq;
Perpetuò tamen id fore clam diffidere debet.*
Lucret. L. 5.

*Qui fodit foveam, incidet in eam, Ecclesiast.
C. 10. V. 8. Et qui volvit lapidem, revertetur
ad eum, Prov. C. 26. V. 27. Sunt (inquit
Seneca) Dii immortales lenti quidem, sed
certi vindices generis humani : & magna ex-
empla in caput invenientium regesserunt, ut
justissimâ patiendi vice, quod quisque alieno
exco-*

excogitavit supplicio, sapè excipiat suo.
 Αὐτῶντα τὸν πλάσιον, ὃ πᾶσι δὲ αὐτῶν ἀλλοιῶν τῶν, h.e. *Aliis mo-*
lestus haud facile ipse molestiis carebit, ut
Demophilus observavit.

APHORISMUS Duodecimus.

Ingratitudo fugienda.

INjuriæ sunt vivaces, beneficia verò quàm
 citissimè senescunt & moriuntur : illis
 longævitatē dat pertinax vindictæ cupi-
 ditas ; his senectam celerem & mortem,
 vitium vulgare nimis, sed prorsus inhum-
 anum & barbarum, ingratitude : quæ quo-
 modò tranquillitati humanæ præjudicat,
 verbis *Ciceronis* & *Senecæ* breviter enarra-
 mus. Omnes, (inquit *Cicero* 2. de Offic.)
immemores beneficii oderunt : & *Seneca* de
Benefic. Per se fugienda res est, ingratum esse:
quoniam nil æquè concordiam humani generis
dissociat ac distrabit, quàm hoc vitium. O-
 dio gravi pax nostra periclitatur, idque me-
 rendo & accersendo, ingratitude paci ad-
 versatur.

Qua

Quâ ratione verò arcanorum revelatio-
nem, maledicentiam, injuriam atque ingra-
titudinem devitare oportet; eâdem, obser-
vare debemus quæ passim occurrunt moni-
ta, quibus obtemperando sumus ἀποδομις [1.
Cor. C. 10. V. 32.] seu, *nemini damus ullam
offensam*, [2. Cor. C. 6. V. 3.] qualia
sunt; Seipsum nemo laudet; Ad conciliam
nè accesseris, antequàm voceris; Beneficia
commemorare noli; Ut hospes nullibi diu-
tiùs morare; *Discubitus in panibus* [Sirach.
C. 41. V. 24.] vitandus; Salutantes respo-
lutandi; Rarum facias pedem tuum in do-
mò proximi tui, Prov. C. 25. V. 17. & simi-
lia. *Pauca* recensuimus; propria cujusque
experientia plura suppeditabit.

APHORISMUS Decimus tertius.

Omnibus benefaciendum.

A ^{Ἐργάζεσθαι καὶ εἰς πάντας ἀγαθὰ ποιεῖν} *Ergà dum tempus habemus, operemur
bonum ad omnes, Galat. C. 6. V. 10. Sive bo-
ni sint, sive mali, sive divites, sive pauperes;
sive*

five inimici, five amici. Inter modos, quibus homo seipso melior evadit, ex sententiâ *Pythagoreorum*, (uti refert *Photius*, Biblioth. Cod. 259.) secundus est, *ἡ δὲ τοῦ θεοῦ διὰ τὸ τοῦ θεοῦ, καὶ διὰ τὸ μιμνησθαι, Ἠὸς ἐνὶ τοῦ θεοῦ ἰδιόμορφος ἐστίν.* Hoc enim Dei proprium est, & in eo Deum imitatur. Sed, & nostra ipsorum tranquillitas postulat, ut omnibus beneficiamus. Nullum unquam hominem contemnas (uti jubent *Hebræi*, *Avoth*. C. 4.) nec ullam rem unquam abjicias : cuilibet enim homini sua est hora, & cuilibet rei suus locus & usus. Qui alterum nullo pacto aliquandò juvare nequit, non est. Musculus Leonem laqueis astrictum, illis corrosis periculo liberat. Et, nulli sunt, quibus prodesse, nostrâ non interest. Ut enim omnibus prodesse possimus : ita nobis omnes incommodare possunt : ac proindè nostrâ refert pro virili singulos juvare, & juvando, amoris vinculo nobis devincire. A quovis, haberi odio, periculosum est, ab omnibus amari tutum. Optimum est securitatis nostræ præsidium, illorum, qui nobis incommodare possunt, amor, quem ipsis benefaciendo, prout possumus, nobis conciliamus. Metuat aliquos necesse est, qui omnes amore non prosequitur. Ut ab omnibus amaris, esto amabilis omnibus,

bus, hoc est, cunctos diligit, seu illis benefacere studet. *Si esurierit inimicus tuus, ciba illum : si sitit, potum da illi. Hoc enim faciens, carbones ignis congeres super caput ipsius. Noli vinci à malo, sed vince in bono malum, Roman. C. 12. V. 20, 21. Nihil (inquit Erasmus in versum priorem) videtur accommodatius doctrinæ Christianæ, si intelligamus benefactis obruendum inimicum, quò tandem risipiscat, & meritis bonitatèque nostrâ victus, ex hoste fiat amicus. Ut igne corpora duriora : ita beneficiâ, inimicorum emollitur animus. Quòd si beneficiâ, inimicorum odium in amorem transmutetur, quantò magis benevolentiam aliorum procreabit ? Amor autem magnum satellitium, inquit Saloninus Valerianus ; & Cicero I. de Finib. Laus & charitas sunt vitæ sine metu degendæ præsidia firmissima. Ciceroni suffragatur Claudianus :*

*Non sic excubiæ, non circumstantia tela,
Quàm tutatur amor.——*

Ut verò cunctis beneficiamus, necessarium est τὸ ὅτι πάντας ἀγαπᾷν, h. e. *Mores omnibus accommodati, ut loquitur Marcus Antonius,*
L. I.

L. I. N. 9. Hæc autem *ἡ τέχνη ἐναγγορία* est
 (Gatakero definiente) ars quædam, nec con-
 temnenda, nec obvia passim, eoque laude dig-
 nior, quò plerumque rarior, comparet, accom-
 modandi sese gnauiter citra decori leges im-
 minutas quibuscunque, ad ipsorum, quibus id
 datur, emolumentum procurandum, offensio-
 nemve declinandam. In hæc arte egregiè
 versatus fuit Apostolus Paulus. Nam cùm liber
 essem ex omnibus, omnium me seruum feci, ut
 plures lucrifacerem. Et factus sum Judæis
 tanquam Judæus, ut Judæos lucrarer. Iis qui
 sub lege sunt, quasi sub lege essem (cùm ipse
 sub lege non essem) ut eos, qui sub lege erant,
 lucrifacerem. Iis qui sine lege erant, tanquam
 sine lege essem (cùm sine lege Dei non essem: sed
 in lege essem Christi) ut lucrifacerem eos, qui
 sine lege erant. Factus sum infirmis infirmus,
 ut infirmos lucrifacerem. Omnibus omnia fa-
 ctus sum, ut omnes facerem saluos, 1. Corin.
 C. 9. V. 19, 20, 21, 22, 23. Rursus: Sine
 offensione estote Judæis, & Gentibus, & Ec-
 clesiæ Dei: sicut & ego per omnia omnibus
 placeo, non quarens quod mihi utile est, sed
 quod multis, ut salui fiant. Ib. C. 10. V. 32.

Quamvis autem omnibus benefacere o-
 porteat, beneficia tamen dextrè sunt accipi-
 enda.

enda. Ἡ χάρις (inquit *Plutar. de Socrat. Gen.*)

ἢ χ' ἢ πον δεμένη τῷ λαμβάνοντι ἢ τῷ δίδοντι, ἢ ἀμοιβὴν πη-
 ῖται πρὸς τὸ χάριν. ὃ ὅ μὴ δ' ἔσθ' ἴσθ' ὅ, ἢ πρὸς ἑαυτὸν ἢ πρὸς ἄλλον,
 κατὰ τὸν αὐτὸν πῶς ἴσθ'.

*Seneca placet hæc simili-
 tudo : Volo* (inquit de *Benef. L. 2. C. 17.*)

*Chrysippi nostri uti similitudine de pile lusu :
 quam cadere non est dubium aut mittentis vi-
 tio, aut accipientis: tunc cursum suum servat,
 ubi inter manus utriusque aptè ab utroque &
 jactata & excepta versatur. Inprimis verò
 cavendum, nè accipiendo vilescamus.*

καὶ τὸ
 μαρτυρῶν (inquit *Marcus Antoninus, L. 1. N. 8.*)

πῶς δὲ λαμβάνειν τὰς δοκῶσας χάριτας παρὰ φίλων, μὴτε ἔ-
 κληρυττονεῖν διὰ ταῦτα, μὴτε αἰσχροδιδασκαλίας παρὰ φίλων, hoc est,

*Prætereà modum [ab Apollonio didici] bene-
 ficia (ut iis videntur) ab amicis accipiendi,
 nè vel accepta ea nos viliores redderent, vel
 stupidè negligerentur atque prætermitteren-
 tur.*

APHORIS.

APHORISMUS Decimus quartus.

Cui pecuniam mutuemus, cavendum.

UT ad tranquillitatem conducunt opes & amicitia : ita ad perturbationem facit illorum jactura ; cujus periculum incautè pecuniam mutuando creatur. Etenim, sæpè cum nummos, tum amicum perdimus ; & ab inimico non nisi convitia, aliàsque injurias expectare oportet. *Omnis mutui dationis principium est amicitia, finis contentio*, inquiunt Hebræi ; & Plantus : *Si quis mutuum dederit, fit pro proprio perditum*. Nam ego talentum, mutuo quod dederam, talento inimicum mihi emi, amicum vendidi. Periculum egregiè describit Sirachides, C. 29. *Multi (inquit) quasi inventionem aestimaverunt fœnus, & præstiterunt molestiam his qui se adjuverunt. Donec accipiant, osculantur manus dantis, & in promissionibus humiliant vocem suam : & in tempore redditionis postulabit tempus, & loquetur verba tædii & murmurationum, & tempus causabitur : si autem potuerit*

tuerit reddere, aduersabitur, solidi vix red-
det dimidium, & computabit illud quasi in-
ventionem; sin autem, fraudabit illum pecu-
niâ suâ, & possidebit illum inimicum gratis;
& convitia & maledicta reddet illi, & pro
honore & beneficio reddet illi contumeliam.
Quapropter multi non causa nequitiae non fe-
nerati sunt, sed fraudari gratis timuerunt.
Ubi inventio pro re inventâ, (quam vulgus
in jus invenientis cadere existimat) & fœnus
pro mutuo ponitur, ac fœnerari est mutuum
dare. Quæ narrat hic Sirachides, accidunt
ut plurimum, aut quoniam illi, qui mutuum
accipit, indigentiam suam alteri patere, mo-
lestum est; aut quia onus restituendi, quod
ipsi incumbit, grave putat; aut quia gratias
beneficio majores, ab eo, qui mutuum dat,
expectari credit; aut quoniam ad agendas
gratias obligatio beneficium duratione su-
perat, (hoc quippe finem agnoscit, illa ne-
scit) quod agrè ferre solet indoles, cui li-
bertas in votis est. Nam, esse perpetuò ob-
noxium alteri, libertati nonnihil præjudi-
care videtur. Aut denique, quoniam plane
improbus est, qui accipit. Mutuabitur pes-
cator, & non solvet, Psalm. 26. V. 21. Sol-
vere non vult, ac propterea illum, qui ad
solven-

solvendum, ipsum coacturus est, metuit, odioque prosequitur. Quapropter, ut prudenter monet *Ben Syra* : *Si necesse est ut contrahas, accipiendo & dando, esto sors tua cum bono viro.*

APHORISMUS Decimus quintus.

Sua cuique dogmata permittenda.

U*Nicunque, Apostoli vel jussu vel per-*
missu, in sensu suo abundare licet, Ro-
man. C. 14. V. 5. idque suadent cum mag-
na opinionum nostrarum incertitudo & in-
constantia, tum quòd sententiæ nostris di-
versæ, nobis, nisi noxias ipsi faciamus, in-
noxia sunt ; maximè verò animi tranquillitas,
quâ nihil pretiosius. Erat olim terra
labii unius, & sermonum eorundem, Genes.
C. 11. V. 1. Verùm, ex quo fuerunt homi-
nes uno plures, eorum non una fuit opinio.
Anima quidem hominum, identitate speciei
gaudet ; quot capita tamen, tot sententiæ :
non quasi de certâ re aliquâ plures idem
non sentiant, sed quoniam ex omnibus cu-
jusvis

jusvis singularis hominis opinionibus aliquæ,
 ab aliquibus cujusvis alterius hominis opi-
 nionibus discrepant. De annis *Mathusala*
 hæcquaquàm desperarem, si ad duorum in
 omnibus consensum usque mihi vivere li-
 ceret. An hæc dogmatum varietas à tem-
 peramenti diversitate, vel aliundè proveniat,
 jam non disputamus : hoc certum est, sen-
 tentiarum dissidium esse nobis prorsus ine-
 vitabile. Quod probat quòd propter pug-
 nam sententiarum alii alios execrari non de-
 bemus; aut quivis est, vel esse debet, *Is-*
mael, ferox homo, cujus manus contra omnes,
& manus omnium contra eum, Genes. C. 16.
 V. 12. quia quilibet à quolibet alio, & ab
 ipso dissentiant omnes alii. Quemvis au-
 tem omnibus aliis, omnesque alios illi bel-
 lum indicere, tranquillitati valdè præju-
 dicat. Inter illos enim, quibuscum vivere
 oportet, ubi mutua viget inimicitia, damna,
 metus, suspiciones, lites ac jurgia, animi
 quietem proscribunt, & pacem eliminant.
 Ex adverso, permittà cuique opinionibus
 suis placidè fruendi libertate, utut cere-
 brum cerebro sit diversum, pace tamen u-
 niuntur corda. Hanc libertatem cuiuspiam
 invidendo non tantùm mentis serenitati of-
 ficimus,

ficimus, verum etiam ipsius naturæ legem
 violamus. *Omnia quaecunque vultis ut vobis
 faciant homines, & vos facite illis. Hæc e-
 nim lex, & Propheta, [Matth. C. 7. V. 12.]*
Et, Quod tibi fieri non vis, alteri nè faceris.
 Quemadmodum itaque, ut nobis alii nostras
 permittant opiniones, volumus & unicè de-
 sideramus : ita & nos aliis suas permittere
 oportet. Et, ut non vis ut quisquam pro-
 pter dogmata tua tibi sit inimicus : ita ob
 opiniones suas neminem odio prosequaris.
Ramus (inquit *Marcus Antoninus, L. 11.*
N. 6.) à proximo amputari ramo non potest,
quin & à totâ arbore resecetur : sic homo eti-
am ab uno avulsus homine, non potest non eti-
am à toto excidisse cœtu. Itaque ramum qui-
dem alius aliquis, homo seipsum à proximo se-
parat, cum eum odit aut averfatur: ignoratur
verò etiam à totâ civili societate si eadem ra-
tione abrumpitur. Verum hoc habemus munere
Jovis, qui hanc societatem constituit, ut rur-
sum ad crescere proximo, & explere totum
possimus : & tamen si hæc avulsio sapiens ad-
mittatur, efficit, ut uniri iterum atque coa-
lescere haud facile possit id quod erat avulsu-
tum verò quod fatentur plantatores, non eadem
est ratio rami qui ab initio floruit cum arbore,
mansitq;

mansitq; in eâ, & ejus qui amputatus, rursus
 deinde est insitus. Oportet igitur ^{ὁμογενεῖν αὐτῇ,}
^{καὶ ὁμοῦ κατεῖν αὐτῇ,} hoc est, in eâdem arbore esse,
 etsi non idem cum omnibus sentias. Apud He-
 bræos idem vocabulum, nempe חַוָּה cogita-
 tionem & ramum significat, quod Mercerus
 in Job. C. 4. V. 13. & Cap. 20. V. 2. obser-
 vavit. In locum priorem dicit : *Sunt cogi-*
tationes, quæ in animâ & intellectu sunt, ut
rami in arbore, dum aliæ atque aliæ animo
obversantur, ut in arbore rami & frondes va-
riæ huc illuc disperguntur. In posteriorem :
Cogitationes, in quibus animus variè distrahitur,
cordi. sunt quod rami arbore hæc illuc diffusi.
Mexicus Casaubonus Antonini verba reddit:
Ex eodem senticeto, non eadem tamen sentire ;
& in Notis inquit : Malui autem ex eodem
senticeto, quàm aut arbusco, aut arbore dicere,
quod allusio Plantina, τὸ sentire ex senticeto
(non enim es in senticeto, eò non sentis :
Capt. Act. 4.) derivans, utut festivior quàm
verior, ad rei tamen ipsius explicationem non
intempestiva videretur. Magna enim in re si-
mililitudo, cogitationibus hinc inde variis ac
consertis hæc secus in animo, quàm ramis in
arbore, aut surculis in arbusco pullulantibus.
Hinc apud Hebræos (quorum lingua proprie-

*tates rerum maximè consecratur) eadem radix
 רָמַד & ramum significat & cogitationem.*

APHORISMUS Decimus sextus.

*Quod ipse præstare potes, id ab alio
 fieri nè desideres.*

A Deo viribus instruimur, ut ipsas ex-
 ramus; viribus instruuntur & alii, ut
 illas etiam exerant; non ut vel nostræ alie-
 nas, vel alienæ nostras reddant otiosas. Cum
 opus est auxilio, & nos aliis & alios nobis
 opitulari, æquissimum est: verum, cum eo
 haud opus est, seu cum penes nos est, quod
 alios præstare volumus, turpi laboramus i-
 gnaviâ, quâ dotes nostræ, adversus ipsarum
 institutum, torpescunt; alios citra necessi-
 tatem, quod amorì repugnat, quo omnes
 prosequi debemus, oneramus; &, quod
 naturalì adversatur, & hoc in loco
 præcipuè consideramus, felicitàti repugnat.
 Etenim, quamvis quid nos ipsi facturi sumus,
 modò possimus & velimus, certum sit, ta-
 men quid alii facturi sunt, omninò dubium
 est.

est. Ac propterea, desiderando ab aliis fieri, quod ipsi facere possumus, in periculum frustrationis prolabimur. Unde miseria necessario exurgit. Elegantissimam *Æsopi* de *Cassitâ* Fabulam ex *Gellii* L. 2. C. 29. quoniam ad præsens institutum maximè facit, huc transferre libet: *Avicula* (inquit) est parva, nomen est *Cassita*, habitat nidulaturque in segetibus, id ferme temporis, ut appetat messis, pullis jamjam plumantibus: ea *Cassita* in sementes forte concesserat tempestiviores, propterea frumentis flavescentibus, pulli etiam tunc involucres erant. Cum igitur ipsa iret cibum pullis quæsitum, monet eos, ut si quid ibi rei novæ fieret dicereturve, animadverterent, idque uti sibi, ubi redisset, nuntiarent. Dominus postea segetum illarum filium adolescentem vocat, & Vidēsne, inquit, hæc ematuruisse, & manus jam postulare? iccirco die crastino, ubi primum diluculabit, fac amicos adeas, & roges veniant operamque mutuam dent, & messem hanc nobis adjuvent. Hæc ille ubi dixit, discessit: atque ubi rediit *Cassita*, pulli trepiduli circumstrepere, orarèque matrem, ut statim jam properet, atque alium in locum sese asportet, nam Dominus, inquiunt, misit, qui amicos rogaret, uti luce oriente veniant

niant & metant. Mater iubet eos à metu o-
 ctosos esse: Si enim dominus, inquit, messem
 ad amicos rejicit, crastino seges non metetur,
 neque necesse est hodie uti vos auferam. Die
 igitur postero mater in pabulam volat, dominus
 quos rogauerat operitur: sol ferevit, & fit ni-
 hil, & amici nulli erant. Tum ille rursum ad
 filium, Amici isti, inquit, magnam in partem
 cessatores sunt, quin potius inius, & cognatos,
 affines, vicinasque nostros oramus, ut adsint
 cras tempori ad metendam: Itidem hoc pulli
 pavefacti matri nunciant. Mater hortatur
 ut tum quoque sine metu ac sine cura sint: cog-
 natos affinesque nullos ferme tam esse obsequi-
 biles ait, ut ad laborem capeffendum nihil can-
 dentur, & statim dicto obediant. Vos modo,
 inquit, advertite, si modo quid denno dicetur.
 Alia luce orta, avis in pastum profecta est:
 cognati & affines operam, quam dare rogati
 sunt, supersedent. Ad postremum igitur domi-
 nus filio. Valeant, inquit, amici cum propin-
 quis: afferes prima luce falces duas, nam
 egomet mihi, & tu tibi capies alteram, & fru-
 mentum nosmet ipsi manibus nostris cras me-
 temus. Id ubi ex pullis dixisse dominum mater
 audivit. Tempus, inquit, est cedendi & abe-
 undi, fiet nunc dubio precul quod futurum di-
 xit:

xit : in ipso enim vertitur, cuja est res, non alio, unde petitur. Atque ita Cassita nidum migravit, & seges à domino demessa est. Hunc Æsopi Apologum (inquit Gellius) Q. Ennius in Satyris, scitè admodum & venustè versibus quadratis composuit : quorum duo postremi isti sunt, quos habere cordi & memoriae operæ pretium esse hercle puto :

Hoc erit tibi argumentum semper in promptu situm,

Nè quid expectes amicos, quod tute agere possis.

Sed, omne frustrationis periculum auferatur, tamen, ut Epictetus apud Arrianum, L. I. C. 9. sapienter observavit, *τὸ ἐπὶ ὁ ἑαυτοῦ τίς ἔχει, θεῶν δὲ καὶ μάλιστα παρ' ἄλλοις λαμβάνων*, hoc est, Qui id quod a sese habet, ab alio sumit, is omnino vanus est atque ineptus. Ejus quippe vires otio disfluunt & segnitie, ab eoque, quamvis nulla urgeat necessitas, gravantur alii.

APHORISMUS Decimus septimus.

Consilium ex seipso capiendum.

UT rectè vita instituat, consilium apprimè necessarium est; quoniam ad actionis bonitatem plura exiguntur, quorum si vel unum defuerit, erit actio non bona, sed mala. *Ex integrâ causâ bonum; malum ex quolibet defectu*: ut bonum fiat, haud satis est, verùm ut benè quoque, necesse est. Ut autem quod bonum est, benè fiat, persona, locus, tempus, aliæque circumstantiæ concurrant oportet. Si actio personæ non conveniat, aut tempus non sit congruum, aut locus non opportunus, aut finis pravus; quantumvis bona sit actio, præcisè, simpliciter & in se spectata, quatenus ab eâ causâ proficiscitur, aut ad talem scopum dirigitur, aut debitis temporis & loci circumstantiis destituitur, vitiosa est. Quocircà, ad agendum priusquàm nosmet ipsos applicemus, plura sunt sedulò perpendenda; num scilicet in se bona sit actio, saltem non-mala, num

num congrua nobis, an tempus & locus ipsam dissuadeant necne, an deniquè finis sit legitimus. Citra præviam deliberationem in his facilè peccatur. Actionis intrinseca bonitas aut non-malitia, illius cum personâ congruentia, loci & temporis cum illâ convenientia, & respectus ad finem debitum, non temerè aut fortuitò, sed adhibito maturo coeunt consilio. Ἀρχὴ πάντων ἐργῶν λόγος, καὶ πρὸ πάντων πράξεων βουλὴ, h. e. *Principium omnis operis ratio, & ante omnem actum, consilium*, Sirachid. C. 37. V. 20.

Consiliorum verò aliud est aliorum, aliud nostrum; illud haudquaquàm omittendum esse censemus, quia plus vident oculi quàm oculus, & propriis in rebus cæcutire haud rarò contingit, quod aliorum scientiâ & observatione emendari & suppleri potest: verùm, quoniam multi fingunt amicitiam, & non nostræ, sed suæ ipsorum salutis reipsâ consulunt; & quoniam frequenter necessitates nostras alii non tam diligenter, quàm ipsi, intelligunt aut animadvertunt, ac propterea non tam apta remedia proponunt: idcirco tutius est ab aliorum consilio non pendere, sed & proprium adjungi oportet, quo si concludatur, ea, quæ alii suggerunt,
nobis

nobis esse salutaria, ipsi innitendum est. *Omnis consiliarius prodit consilium, sed est consiliarius in semet ipso*, Sirachid. C. 37. V. 8. Hoc est, omnis extollit & laudat consilium suum, sed sunt *consiliarii in semet ipsis*, id est, sibi consulentes, non ei, qui petit consilium. Quocirca à consiliario *serva animam tuam*: prius scito quæ sit illius necessitas: & ipse enim animo suo cogitabit, V. 9. Hoc est, Considerandum est, num qui consilium dat, aliquâ necessitate prematur, quâ non tam tuæ quàm suæ utilitati consulere cogatur: & ipse animo suo cogitabit, seu sibi ipsi consulat, seu cogitabit quomodo suis desideriis satisfaciat. Idcirco *Cor boni consilii statue tecum*, non est enim tibi aliud phœris illo, V. 17. Est hypallage, *Cor boni consilii*, (inquit Cornelius à Lapide in hunc locum) id est, bonum consilium cordis tui assume, illique innitere. Hoc enim tibi fidelissimum est: & paucis interjectis: *Cor inprimis tibi ipsi fidelius dabit consilium, quàm quivis alius*. Deinde *cor consilium tuæ indoli & affectui* (hunc enim nemo melius cognoscit & sentit, quàm cor tuum) maximè congruum dabit, vel minùs congruum attemperabit: Denique cor tuum pro te summe sollicitum, multa adinveniet sibi conve-

convenientia, quæ alii nunquam invenerint. Verum, quid hæc ad animi tranquillitatem? Permultum. Cum enim tranquillitas animi sit finis, ad quem præcipuè inter agendum respicere debemus; & cum quæ ad ipsam vel conservandam vel labefactandam magis apta sunt & idonea, nemo seipso cognoscat melius, suum cujusque consilium, aliorum, qui vel non ita probè callent quibus rebus nostra tranquillitas aut promoveri aut periclitari solet, vel eas si calleant, aut non omnino, aut minus curant, consilio præferendum est. *Sexaginta consilarii si tibi fuerint, tamen consilium animæ tuæ non deseras*, inquit Ben Syra : *Fili, sine consilio nihil facias*, Sirachid. C. 32. V. 24. Sed, *ἐὰν πάντι ἐγγὺν πέντοι τῇ ψυχῇ σὺ, καὶ γὰρ τὸ ἐστὶ πάρεστις ἐπιλαΐῃ*, C. 32. V. 23.

APHORIS:

APHORISMUS Decimus octavus.

Ab illorum consortio, qui nobis sunt superiores, cavendum.

Societas utilis est, naturalis, necessaria. Societatis & communicationis (inquit Mercerus in V. 9. C. 4. Eccles.) & in studiorum ratione & negotiatione & in totâ vitâ, omni deniquè vitæ genere magna vis est & commoditas. Est homo animal ad societatem natum, *ἄνθρωπος πολιτικόν*, ut docet Aristoteles. Melius est ergò duos esse simul, quàm unum: habent enim emolumentum societatis suæ: si unus ceciderit, ab altero fulcietur. Væ soli: quia cùm ceciderit, non habet sublevantem se. Et si dormierint duo, fovebuntur mutuo: & si quispiam prævaluerit contra unum, duo resistunt ei: Funiculus triplex difficilè rumpitur. Eccles. C. 4. V. 9, 10, 11, 12. Tritum est illud Hebræorum Proverbium: *ant societas, ant mors*. Delectus verò sociorum, (etsi cunctos amore prosequi debeamus) magnam curam & multam cautelam meretur & exposcit.

poscit. Valdè noxia est cum improbis societas [nam, qui tetigerit picem, inquinabitur ab eâ : & qui communicaverit superbo, induet superbiam, Sirachid. C. 13. V. 1.] & cum inæqualibus admodùm periculosa. Similitudo, amoris mater est & nutrix. *Omne animal diligit simile sibi* ; quod idem Sirachides observavit, ubi suprâ, V. 19. Et Aquinas demonstravit, 1. 2. q. 27. Art. 3. *Ex hoc enim (inquit) quòd aliqui duo sunt similes, quasi habentes unam formam, sunt quodammodo unum in formâ illâ ; sicut duo homines sunt unum in specie humanitatis, & duo albi in albedine, & idè affectus unius tendit in alterum, sicut unum sibi, & vult ei bonum sicut & sibi.* Hinc,

*Seni senilis lingua jucundissima est,
Pueròq; puer, & mulier apta fœmina.
Ægrotus itidem ægroto, & in malis situs,
Exercito malis, placet atq; congruit.*

Similitudo verò alia generalis est, qualis est omnium hominum, eò quòd conditi sunt ad unam eandemque imaginem & similitudinem Dei ; eaque ad generalem amorem omnium satis est : alia specialis, quæ ad amorem,

morem, non laxum & diffusum, sed arctum & restrictum, qualis ad societatem contrahendam opus est, progignendum conducit. *Dixerunt sapientes nostri* (est adagium *Hebræorum*) *felicitis memoria: omnis avis prope genus suum habitat, & amnis homo prope similem sibi.* Omnis caro (inquit *Sirachides* ubi supra, V. 20.) *ad similem sibi conjungitur, & omnis homo simili sui sociabitur.* Ut autem parium societas firmissima est ac tutissima; ita imparium infirma plenâque periculo.

*Dulcis in expertis cultura potentis amici:
Expertus metuet.* ——— Horat.

Etenim superiores inferioribus societate conjuncti & cum illis collati, ut plurimum superbiâ intumescunt; illos veluti mancipia ad ipsis serviendum nata, despiciunt ac contemnunt; ad injurias illis inferendas prompti sunt & parati; facile excandescunt, aut nullâ, vel levissimâ de causâ stomachantur & sæviunt; vindictæ sunt avidissimi; ut deniquè cum illis societas facta tecta conservetur, inferiores ipsis operam & multam & assiduam pavent necesse est, & sumptus majores,

jores, quàm quos inferiorum res familiaris
ferre queat, expectantur & exiguntur.
Quòd si vel illam ut sibi noxiam, detrectent
inferiores, vel hos persolvere reculent, de
societate actum est, & consortium in gravem
commutatur inimicitiam, quâ illi, ut imbe-
cilliores penitus opprimuntur. *Sirachides,*
C. 13. cum æqualibus conversandum esse
monet, & opulentorum ac magnatum com-
mercia vetat. *Pondus* (inquit) *super se tol-*
lit, qui honestiori (id est, *ditiori*, ut explicat
Cornelius à Lapide) *se communicat. Et ditio-*
ri ts nè socius fueris. Ad verbum verò *Tex-*
tus Græci: Pondus super te nè tollas, & for-
tiori te, ac ditiori nè communica. *Quid*
communicabit cacabus ad ollam? quando e-
nim se colliserint, confringetur. Dives in-
justè egit, & fremet: pauper autem latus ta-
cebit. Si largitus fueris, assumet te: & si
non habueris, derelinquet te. Si habes, con-
vivet tecum, & evacuabit te, & ipse non dole-
bit super te. Si necessarius illi fueris, sup-
plantabit te, & subridens spem dabit, narrans
tibi bona, & dicet: Quid opus est tibi? Et
confundet te in cibis suis, donec te exinaniat
bis, & ter: & in novissimo deridebit te: &
postea videns derelinquet te, & caput suum
I movebit

*movebit ad te. Rursus : Quæ pars [juxta
 Textum Græcum, pax] diviti ad pauperem ?
 Venatio leonis, Onager in eremo : sic & pas-
 cua divitum sunt pauperes. Et sicut abomi-
 natio est superbo humilitas : sic & execratio
 Divitis pauper. Ante Sirachidem, apologo
 cacabi & ollæ concinnavit Æsopus. Fabula
 autem ita se habet : Ollæ duæ, quarum al-
 tera fuit ænea, altera fictilis, vi fluminis ra-
 piebantur ; Fictili metuenti dixit ænea :
 Nè metuas ; curabo enim ego nè tu allidaris
 aut collidaris ; Cui Fictilis : Sive me tecum,
 sive te mecum fluvius colliserit, utrumq; sine
 tuo, utrumq; cum meo fiet periculo : quare de-
 cretum mihi est à te disjungi. Ollæ fictiles,
 sunt inferiores, æneæ, superiores ; quarum
 illæ periclitantur consortio. Quod qui
 diffitetur, haud multum in mundo versatus
 est, & mores hominum nondum animadver-
 tit. Familiaritatem ditiorum alii, poten-
 tiorum commercium alii, magnatum socie-
 tatem alii sectentur, ambiant, depereant ;
 tamen procùl à Jove, procùl à fulmine ; pares
 amici, (quos, inter ea, quæ vitam faciunt bea-
 tiorem, refert *Martialis*) citra necessitatem
 adulatione fastum aliorum fovendi, citra
 metum indignationis temerariæ, vindictæ
 &*

& injuriarum, citra periculum opes exhauriendi, juvant & delectant. Δι' ὁμοιοτήτων
 (inquit Hierocles in Aurea Pythag. Carmina)
 πάντες φίλοι πρὸς ἀλλήλους συνάμειβονται. τῇ δ' ἀνομοιοτητί τὸ ἐγγύς
 ὅντα τοῖς τοποῖς χωρίζεται, id est : *Solent similitu-*
dine cuncta inter se conjungi : dissimilitudine
autem, etiam quæ vicina sunt loco moveri atq;
separari. אל תתוידע לרשות h. e. *Nè fami-*
liaris sis principatui, Pirke Avoth, C. 1.
Quid igitur ? An omninò fugiemus à supe-
rioribus ? Nequaquàm. Advocatus à po-
tentiore discede : (uti præcipit Sirachides
 ubi suprà) *Ex hoc enim magis te advocabit.*
Nè improbus [h. e. importunus] sis, nè impin-
garis : Et nè longe sis ab eo, nè eas in oblivio-
nem. Nè retineas ex aquo loqui cum illo : nec
credas multis verbis illius. Ex multâ enim
loquelâ tentabit te, & subridens interrogabit
te de absconditis tuis. Immitis animus illius
conservabit verba tua : & non parcat de ma-
litiâ & de vinculis. Cave tibi, & attende di-
ligenter auditui tuo : quoniam cum subversio-
ne tuâ ambulas. Fuga extrema potentum
 (inquit Drusius Proverb. Class. 1. C. 4.) *di-*
gnitatis expers est. Alexander, de hâc re inter-
togatus, respondisse fertur, Ad potentes acce-
dendum quemadmodum ad ignem accedimus :

*hoc est, neq; nimium propè, nè comburamur :
neq; nimium procùl, nè non caleſamus.*

APHORISMUS Decimus nonus.

Ab inimico reconciliato cavendum.

AQuæ beneficia, marmori inscribuntur
injuriae; amor citius, odium tardiùs
langueſcit, & ſæpiùs occultatur quàm era-
dicatur. Quamvis itaque omnes, etiam a-
pertos inimicos amare, ipſiſque benefacere
debeamus, ab ipſis tamen vel reconciliatis
cavere prudentis eſt. Odium quippe a-
moris ſpecie velatum, ut fieri ſolet, plùs
nobis obeſſe poteſt, quàm manifeſta inimi-
citia; eò quòd lædendi plures & majores
nanciſcitur occaſiones & opportunitates.
Fucatus amicus eſt πολέμιος ἀπ' αὐτοῦ, & εὖναις
φρακτής, *benevolus ſicarius*; illius δῶρα ſunt δῶρα.

*Quicquid id eſt, timeo Danaos, & dona
ferentes.*

*Nulla peſtis efficacior, quàm familiaris ini-
micus,*

micus, inquit *Damasus*, Regul. Canonic. 63. de quâ dicit : *Vera est, nec fallit.* Nam non est deterior hostis, quàm familiaris inimicus : & nihil erit, neque est asperius, quàm simulatus amor, quia hostis incognitus, si est familiaris, non potest caveri : à manifesto hoste facilius cavetur. Non credas inimico tuo in æternum : sicut enim aramentum, aruginat nequitia illius : & si humiliatus vadat curvus, adjice animum ad dextram tuam, nè fortè conversus in locum tuum, inquirat cubedram tuam : & in novissimo agnoscas verba mea, & in sermonibus meis stimuleris, *Sirachid. C. 12. V. 10, 11, 12.* Monet (inquit *Cornelius à Lapide* in Versum 10.) inimico, etiamsi reconciliatus videatur, & amicitiam simulet, non facile esse credendum, nec fidendum ; quia sicut aramentum, id est, vas ex ære factum (aramenta enim sunt opera ex ære facta, sicut ferramenta ex ferro) Græcè *αἰνός*, id est, *æs* vel *vas æneum*, licet politum sit & splendeat, facile tamen rursus aruginem, id est, virides sordes contrahit, si videlicet aliquo humore imbuatur : ita inimicus licet videatur reconciliatus, & splendenti amicitia fulgidus, facile tamen ad odia & requiritus suos redit : residet enim in animo ejus radix

I 3

malitiæ,

malitiæ, viror & virus malevolentiae (quia manet altâ mente repostum maleficium, quod sibi à te putat illatum) quæ naturaliter in maledicentiam & maleficentiam solitam datâ occasione solet erumpere, & instar absinthii progerminare. Hæc cautela & prudens fuci suspicio, quia nec amorem nec beneficentiam vetat, haud obest inimico, tibi verò prodest; & neglectus hujus officii cladibus & damnis sæpius multatur. *Absalon*, à fictâ reconciliatione, Patri plurimam creavit molestiam, ipsûmque ferè & regno & vitâ penitus orbavit. *Triphon* post amicitiam specie redintegratam *Jonathan* interemit, 1. Maccab. C. 13. Reconciliationem aliquandò veram esse, & odium in amorem sincerum nonnunquam commutari, haud negârim: contrarium tamen sæpius evenit, quod ad perpetuam cautelam satis est.

Λόγον παρ' ἐχθρῶ μὴ ποτ' ἡγάCη φίλον.

*ἐχθρῶν ἀπιστῶν ἔπειτ' εἰς πάντας ἐλαβὲν.

Ab hoste dicta nunquam amica duxeris :
Diffusus hosti, nil feres unquam mali.

Ita *Menander*. Amore ficto frequentius nihil; & dolo, astutiâ ac insidiis, quàm vi aperta

pertâ lædimur & sapiùs & graviùs. Quapropter *nunquam* (ut monet *Seneca*) *fidelem credes eum, quem ex inimico amicum habueris. Inimicum* (ut docet *Idem*) *quamvis humilem docti est metuere. Quando submiserit vocem suam, nè credideris ei, quia septem nequitia sunt in corde illius, Prov. C. 26. V. 25.*

APHORISMUS Vigefimus.

Infaniâ alienâ fruendum.

✠✠✠ *κατὰ σκοπὸν τοῦ ἀποτυχεῖν ἔστιν αἰτία. ὅπως ἂν κακὸν εὖ σκε*
 ✠✠✠ *ὁ καὶ σκοπὸς γινέται, hoc est, Quemadmodum aberrandi causa meta non ponitur: sic nec mali natura in mundo existit. Epiſt. Enc. C. 34.*
 Deus Optimus alios malos esse, nisi ut alii essent vel boni vel meliores, haudquaquàm permitteret. Ut autem Optimus aliorum malitiam permittit, ut alii vel boni vel meliores evaderent: ita Sapientissimus, ut alii aut sapientes aut sapientiores fierent, quorundam non impedit infaniam. Alienâ verò malitiâ, cùm ejus intuitu boni sumus, & infaniâ, cùm eâ conspectâ sapimus, fruimur. Peccati turpitu-

pitudinem in aliis citius quàm in nobismet
 ipsis animadvertimus. Quorsum? Ut in
 aliis peccati turpitudinem observando, in
 nobis peccatum locum non habeat, sed pro-
 scribatur, exulet. Videmus ebrium inde-
 corè & more belluino sese gerentem; so-
 briè vivere discamus: alios in pericula &
 magna & multa, suâ temeritate prolapsos;
 ab eâ caveamus.

Felix quem faciunt aliena pericula cantum.

Optimus usus alieni vitii, suum emendare;
 & *feliciter sapit, qui alieno periculo sapit,*
 inquit *Plautus*. Erudiat nos aliena pravitas,
 & instruat vesania. Ex istis, pessimis licèt
 magistris, bonum elicere & possumus & de-
 bemus. Quod si præstemus, *omnia coope-*
rantur in bonum, Roman. 8. V. 28.

———— *Felix quicumq; dolore*
Alterius discit posse carere suo. Tibull.

Mali & stulti sibi quidem sunt prorsus inu-
 tiles, aliis tamen profunt. Quapropter non
 est quòd causetur providentiam tales per-
 mittentem. *Bellum est* (inquit *Cicero*) *ex*
aliorum

aliorum erratis suam vitam in melius instituere. Quod si negligamus, plurimas nostram cum bonitatem tum sapientiam promovendi occasiones amittimus, & in pericula multa quidem & magna, verum haud necessaria, quæque facilius, prorsus devitare, quam citra periculum subire licet, temerè nosmet ipsos præcipitamus. Alienâ frui vel malitiâ vel insaniâ, tutum est, utile, bellum, &, quod nemini meritò displicere queat, nobis parvo constat. Atque ita, malis sumus boni, & stultis sapientes.

APHORISMUS Vigésimus primus.

Multitudini cedendum.

Multitudo robusta est, sed mente destituta, uti docet *Menander* :

Ἰσχυρὴ ὄχλος ἐστίν, καὶ ἔχει ὃ ῥῆν.

Robusta res est turba, mente sed caret.

Judicio non movetur, sed torrentis instar, rapitur impetu. *Non consilium est in vulgo,*

non

non ratio, non discrimen, non diligentia, ut Cicero pro Planc. & experientia abundè testantur. Est insuper Multitudo instabilis ut aqua, & veluti mare, procellis obnoxia est, & variis fluctibus agitur.

πολύς ὁ πόνος ἐστὶν ἱμαλῶν.

Hanc belluam multorum capitum, nec ut ducem sequi, nec cum eâ certare debemus. **Ei** cedere, quàm pugnare tutius est. Si lucta sit, obruet nos potentia ; si cedamus, ut omnia violenta, paulatim impetus consumitur & exolefcit. Deniquè, magnis illius viribus conjungitur inconstantia ; quamobrèm præstat mutationem præstolari, quam pollicetur instabilitas, quàm certamen inire, in quo vinci necesse est.

Dum furor in cursu est, currenti cede furori.

APHORISMUS Vigessimus secundus.

Tempori serviendum.

Tempora alia aliis conveniunt actionibus; non iisdem dicantur omnia, sed diversa diversis destinantur. *Omnia tempus habent, & suis spatiis transeunt universa sub cælo*, [seu, ut rectè vertit *Mercerus*] *Omni rei est tempus determinatum, & tempus est omni voluntati sub cælo, hoc est, cuilibet operi & instituto.*] *Tempus nascendi, & tempus moriendi. Tempus plantandi, & tempus evellendi quod plantatum est. Tempus &c.* Ecclesiast. C. 3. V. 3. ad octavum usquè. Tempora, ut herbæ, suas habent *signaturas*, quibus indicatur qualibus accommodata sunt operibus. Legit illas sapiens & intelligit, &, prout illæ suadent, nunc has, nunc illas deligit actiones, seu facit *opus diei in die suo*, [1. Esdræ, C. 3. V. 4.] quod est *tempori servire*; éstque jucundum, quia tempestivum, ut πᾶν ἀμείβον λυπηρὸν καὶ σπαραγμὸν; idque præcipit *Apostolus*, ad Roman. C. 12. V. 11. τὰ

καὶ ὁ δὲ λαλῶντες, ut habetur in *Novo Testamento*, à *Roberto Stephano*, *Lutetiæ* edito, An. Dom. 1568. ex *Bibliothecâ Regiâ*. Beatus *Ambrosius* (inquit *Zegerus* in hunc locum) hoc argumento adseverat, potius legendum, Tempori servientes, quòd omnia quæ hic enumerat *Apostolus*, nihil aliud quàm *Dei servitium* sint. Hanc *Lectiõnem* sequitur *Anglicana Liturgia*, & probat *Erasmus*. Mihi (inquit) magis arridet Tempori servientes. Sed eâ sententiâ, quoniam *Ethnici Philosophi* nomine vulgò circumferebatur, & vafritiem quandam præcipere videbatur, offensus aliquis mutavit in Domino servientes; non satis animadvertens, Domino servientes cum toto sermonis hujus contextu non perindè congruere. Quanquam autem in vocibus Latinis Tempori & Domino nulla est affinitas, tamen in Græcis est nonnulla, καὶ ὁ & κυρίως, maximè cùm *Scribæ* solent in pingendo decurtare syllabas. Dies adest, in quo te ad incontinentiam sollicitat formosus aut formosa; hujus diei opus est ἐγκράτεια. Advenit dies honori tuo inimicus; ἐπὶ ἐργασίᾳ munus est. Dies laboris instat; te monet κατὰ πείρας. Necessitatis dies est; sapientis esse & rerum Divinarum conscii, ipsi probè sese accommodare, cogita. Nullum
tempus

tempus munere suo destituitur, hora nulla
 suo vacat officio; quo si fungamur, scenæ
 servimus, utimur foro, *εἰργμὴν τοῖς παῖσιν*, (ut ju-
 bet *Isocrates*) hilares sumus & tranquillī:
 si negligamus verò, operam intempestivè
 collocamus, opportunitatibus abutimur,
 Deum simul & homines temerè causamur,
 & contra stimulum miseri calcitramus. Cùm
 plantandi tempus est, non evellendum; cùm
 tacendi, loquendum non est. Opus in
 tempore non suo, est *μηκὴν ἐν πίνθη* & *ἄχαιον*
διόγησις, *Sirachid. C. 22. V. 6.* *τὸ καὶ οὐκ ἐκέρχον*,
 (inquit *Nazianzen. contra Eunomianos*)
ἵσταται μὴ ἐκέρχον γίνεσθαι. ὡς περ ἄνθρωπος ἐν χειμῶνι πασιπλάτος ἄνεσθαι, καὶ
χειμῶνι καὶ ὥρῃ ἀνδρῶν, καὶ χειμῶνι καὶ ὥρῃ ἀνδρῶν, καὶ πίνθη χειμῶ-
ντος, καὶ πότῃ δ' ἀκέρχον: *Ubi Geometriam pro Mu-*
ficâ, quæ omnes disciplinas complectitur,
Nazianzenum posuisse affirmat *S. Maximus*.
Sapiens est, tanquam lignum, quod planta-
tum est secus decursus aquarum, quod fructum
suum dabit in tempore suo. Quid indè? Fo-
linum ejus non defluet: & omnia quaecunque
faciet prosperabuntur, Psal. 1. V. 3. Ab
Epicteto, Enchir. C. 12. navigationi vita
 comparatur. Quemadmodum itaque nauta
 eundem semper cursum non tenet, sed tem-
 pestati obsequendo subindè mutat: ita
 prudens,

prudens, vitam suam, veluti navigium, pro
re natâ moderatur. Rectè præcipit *Pho-*
cylides :

Καὶ γὰρ λατρεῖεν, μὴτ' ἀντιπνέεν ἀίμοισιν,

Temporibus servire, nec Euro velle resistere.

APHORISMUS Vigessimus tertius.

*De Adversitate, ut futurâ, sæpius
cogitandum.*

SALOMONI *nihil sub sole novum*, Eccles. C.
I. V. 10. Sapiientis est *letis non credere,*
omnem fortune licentiam in oculis habere;
tanquam quicquid potest facere, factura sit, ut
loquitur *Seneca*. Nihil admiratur, ei nihil
improvisum, omnia sunt præcogitata.

——— *non ulla laborum,*

O Virgo, nova mî facies inopinâve surgit:

*Omnia præcepi, atque animo mecum antè
peregi.*

Dogma Stoicorum est, (*Stobæo* referente)

Μὴδὲ παρὰ τὸν ὅρῳ, μὴδὲ παρὰ τὸν ὁμίῳ, μὴδὲ παρὰ τὸν ὁμι-
 βελῶν γίγνεται τί πρὸς τὸν σωφρονισμὸν. διὰ τὸ μὴ ὑποχαιρῆσαι
 πάντα πρὸς τὰ τῶν αὐτοῦ, καὶ μὴδὲν αὐτῷ ἡσυχασθῆναι ἀποβλεπόν-
 τας αἰτίαν, hoc est, *Nil præter voluntatem, ap-
 petitum, consilium evenire sapienti. Quia
 cum exceptione omnia talia facit aut conatur,
 & nihil eorum quæ adversari possunt non est
 ei præmeditatum & præsumptum.* Fortuna
 semper levis est & inconstans, quod prudens
 sæpè cogitat, ac propterea illi non confidit,
 nec de illius fide quicquam sibi promittit.
Non mutat (inquit Seneca de Benefic.) *sapi-
 ens consilium, cum his manentibus, quæ
 erant, cum sumeret. Idèò nunquam illum pæ-
 nitentia subit : quia nihil melius illo tempore
 fieri potuit, quàm quod factum est ; nihil con-
 stitui, quàm quod constitutum est. Cæterùm
 ad omnia cum exceptione veniet, si nihil inci-
 derit quod impediat. Idèò omnia illi succe-
 dere diximus & nihil contra opinionem acci-
 dere : quia præsumit animo, posse aliquid in-
 tervenire, quod destinata probibeat. Impru-
 dentium ista fiducia est, fortunam sibi spon-
 dere. Hæc de rebus adversis, ut aliquandò
 futuris frequens meditatio, vera est, facilis,
 tuta, utilis. Vera, quoniam omnes, utut vi-
 ribus ac prudentiâ muniantur, adversæ for-
 tuns*

tunæ sunt obnoxii, & in eam quandoquæ
 prolabuntur. *Facilis*, cogitatio quippè nec
 multam operam, nec strenuum exigit cona-
 tum. *Tuta*, eò quòd calamitatem, quam
 fore putamus, nec accersit nec accelerat.
Utilis deniquè, idque primùm, quia nobis
 haud infrequenter *media* suggerit, quibus
 ærumnas vel prorsus amoliamur, vel diffe-
 ramus, vel temperemus. *Καὶ ἅπας* (inquit
Socrates apud *Stobæum*, Serm. 3.) *ὁ ἐν εὐδαι-
 monίᾳ, καὶ τὰ πρὸς τὴν χειμῶνα ἔχουσιν ἔπειρα. ὅπως οἱ ἐν αὐτῷ
 χεῖρ ὀργάνηται, καὶ τὰ πρὸς τὴν ἀτυχίαν ἡπιμαχαπ ἐμβήματα-*
 id est, *Et sicut ii qui secundante cælo & vento*
navigant, etiam quæ contra tempestates usui
sunt, parata habent : sic qui in prosperâ for-
tunâ sapiunt, etiam remedia adversæ illius ex-
pediunt. Secundò, si cautelâ nostrâ & in-
 dustriâ, fortunæ inconstantiam eludamus,
 cogitationem de adversitate ut futurâ falli,
 quàm dulce est? Quemadmodùm in malum,
 de quo nè cogitavimus quidèm, incidere,
 luctum improvise malo peculiarem excitat:
 ita malum, quod effugere non speravimus,
 devitare, singulari nos afficit lætitiâ. Tertiò,
 in *ἡ δὲ ἐν ἀπαγωγῇ*, [Sirach. C. 5. 10.] seu, In ca-
 lamitatis adventum nos præparat, & ad eam
 æquanimiter ferendam reddit promptos,
 ἀπὸ τοῦ

aptos, & idoneos. Etenim, ea, quibus assuescimus, sunt magis tolerabilia. Non res quidem, sed nos mutat consuetudo, quod perindè est, ac si res ipsæ mutarentur. Paries nunc albus, alteri jam nigro fieri potest similis, sive ille nigredinem, sive hic albedinem acquirat : ad eundem modum, sive objecta reipsâ alterentur, sive ita mutemur ipsi, ut quod olim ingratum, evadat jam gratum, aut contrâ, perindè est. Ita verò consuetudine mutamur, ut jucunda sint, quæ prius injucunda, & juvent, quæ olim noxia fuerunt : &, de adversis frequenter meditando, ipsa nobis fiunt perquàm familiaria, seu nos ipsis assuescimus. Quocircâ, ut egregiè monet *Seneca*, Epist. 76. *Assuescamus futuris malis, & quæ alii diù patiendo levia faciunt, nos diù cogitando.* Istud, res est ôperosa & haud expers periculi, hoc & nullo negotio & citra periculum præstare licet. Γερὸς ἡ εὐχὴν
(inquit *Simplicius* in *Epiçt. Enchir. C. 28.*)

καὶ θάνατον, καὶ τὰ δεινότατα ἧς τοιούτων, ἀλλὰ πρὸς τούτοις, ὅτι μὴ ἀπογινώσκουσιν ἧς τοιούτων, ἀλλὰ συνήκως ἐλπίσαν ὡς αἰετὶ ἐπὶ μέλαινα. ἔάν γὰρ ὁ μὲν λόγος ἀποδεχθῇ, μήτι ἀγαθὰ μὴ κακά τὰ ἐκτὸς ἡμῶν, ὁ δὲ διὰ τὴν εἰσπρασίαν συνιστάμενος εὐπρεπὲς πῶς ἡμᾶς ἔπειτα πρὸς αὐτὰ ἔχον ὡς πρὸς συνήθειαν, ἔτι ἀπὸ ἧς θνήσκον δοκέω τινι τασφύμεθα, ἔτι ἧς ἡδὲ δόκουν λίαν ἐξεργόμεθα,

hoc est, *Adversus exilium autem & mortem, & id genus alia graviora, aliud remedium excogitavit, [Epictetus] nè illa putemus nunquam ad nos perventura : sed continenter expectemus. Nam si ratio demonstrârit, res externas neque bonas esse, neque malas, & consuetudo nobis eam quasi naturam attulerit, ut adversus ea ut usitata & quotidiana affecti simus : nec iis quæ molesta habentur, deprimemur : nec suavium rerum imagine ultra modum alliciemur. Quæ familiaria sunt æqui bonique consulere facile est ; & quid impedit, quò minùs ea, quæ vulgò terribilia putantur, frequenter meditando, familiaritate dignemur ? De tristibus crebrò cogitandum, ut nobis tristitia non sint ; ob oculos sæpè lugubria ponantur, ut ipsa hilares amplexe-mur ; cerebrum frequentent gravia, ut cordi sint levia. Quòd si nobile artificium, quo aciem mali, quantumvis magni, obtundamus, & vim omnem fortunæ sævientis elidamus, præmeditationem scilicet socordes negligamus, nos mala, novitate armata impræparatos stupore percellunt, & oscitantes opprimunt & pessundant.*

E P I L O G U S.

* * * * * Βαλδύφου (inquit *Simplicius*, Proœm.
 * * * * * in *Epid.* Enchirid.) ἀνδράων ἐπιμελεῖσθαι, τ'
 * * * * * ψυχῆς ἐπιμελεῖσθαι τ' λογικῆς, καὶ περὶ τὰ οἰκία αὐτῆς
 ἀγαθὰ διατελεῖν : Cætera tamen sunt haudqua-
 quam negligenda. Animum quidem, ut
 peculium longè pretiosissimum, inprimis
 curare oportet; sed, quò minùs ea, quæ ad
 corpus spectant & fortunam, prudenter ad-
 ministrantur, non vetat, quin potiùs ut ita
 tractentur, ut illius inserviant fœlicitati,
 eam saltem non impediant aut remorentur,
 postulat hæc cura. Beatitate suâ potiatur
 animus, & esto, si fieri potest, cùm fortunæ
 tum corporis ad illam tutandam & munien-
 dam *συνδεσµὸς*. In vitâ quippè, incuriâ nostrâ
 sæpiùs accidunt *ἐπιπνοαὶ* (ut loquitur *Hierocles*
 in *Aur. Carm. Pythag.*) καὶ τραχύτεραι ἢ αἰν τῶν ἰσθμῶν
 τῷ εἶναι παρεκκινεῖσθαι, χαλεπαὶ καὶ δυσδιάθετα καὶ τὸν βίον,
 (qualia sunt, ægritudo, egestas, infamia) quæ
 modicâ curâ devitari potuissent. Nostra
 ἀτυχήματα maximâ ex parte sunt αὐθαίρετα, &
 ὁππῶσά τε καὶ, quæ diligentîâ prorsus effugere,
 quàm fœlicitatem dubio certamine pericli-
 K 2 tari,

tari, fatius est. Fœlicitati valetudinem prosperam, divitias moderatas & famam bonam adungere, quàm, num fœlicitas, morbis, paupertate & ignomniâ nos occupantibus, facta tecta conservabitur, experiri præstat. Mallem non omninò ægrotare, quàm convalescere; nullam adesse pugnandi necessitatem, quàm pugnando vincere, præsertim cùm admodum incerta sit victoria. Nostram quidem beatitatem ab externis rebus pendere nolumus, quia ἡμετέραν ἐστὶ κίνημα; verùm, ἡμετέραν μὲν ἔχειν εἶσι, ut docet *Simplicius* in C. 1. Enchir. Epict. Res adversæ sunt hæc ad miserè vivendum ἐπιδήματα; quæ paucis *Aphorismis*, non accersenda esse, sed abigenda, & quomodò, demonstravimus. Quòd si πέματα, invitâ quasi nostrâ diligentia, ingruant, ut fit aliquandò, sunt tolerabilia tamen, nam πάσας τὰς μεταβολὰς (ut docet *Hierocles* in Aur. Carm. *Pythagor.*) τὴ θνητῆς φύσεως, καὶ τὴ ἐπομένῃ ταύτῃ τύχῃ, σοφῶς καὶ ἀνεκλήκτως ἢ φρόνως ὑπομένειν δύνανται, hoc est, *Potest prudentia mortalis vitæ hujus mutationes omnes, & fortune quæ ipsam sequitur, prudenter atque intrepidè sustinere*: Imò, ferenda sunt fortiter, quia devitari non possunt; [Prudentia, ut inquit suprâ citatus *Hierocles*, αὖτε τὸ ἀνάγκη ἐν ἀχαιίνεται] in

in iis acquiescendum ex animo, non quia sunt infortunia, sed quia ^{διὰ τὰ τοιαῦτα συνεχομένη} nobis ipsi placere debemus, cō quodd ad nos ista ipsi non attraximus; Denique, tempus instare cogitemus, in quo certandum est, & ostendendum quanta sit nostræ foelicitatis præstantia, vis atque robur, & quàm vera sint, quæ docent *Ambrosius* & *Nemesius*; quorum ille 2. de Offic. C. 3. *Nihil bonum* (inquit) *Scriptura, nisi quod honestum, asserit: virtutemque in omni rerum statu beatam judicat: quæ neque augeatur corporis bonis, vel externis, neque minuatur adversis*; Hic, L. de naturâ hominis, C. 44. *Virtutes cum solæ, tum cum aliis conjunctæ, hominem beatum reddunt. Cum aliis, in latitudine: per se, in circumscriptione. Nam eorum quæ sunt, partim circumscriptè intelliguntur, ut bicutum: partim in latitudine, ut acervus. Nam de acervo duos modios si demas, quod relinquitur acervus est: item beatitudini in latitudine intellectæ, si detraxeris corporis & externa bona, solasque virtutes reliqueris, nihilominus beatitudo manet.* Tempus, inquam, instare, & cum *Comico* agnoscendi, quod

*Virtus omnia in se habet, omnia adsunt bona
Quem penes est virtus:*

Et cum *Lyræo*, generosè virtutem exerendi:


*Lando manentem, [fortunam] si celeres
Pennas, resigno quæ dedit, & meâ (quatit
Virtute me involvo, probamque
Pauperiem sine dote quero.*

Animus serenus, cum tempora sunt nubila,
& pacatus ac compositus, cum turbida, res
est verè grandis, sublimis, gloriosa; trium-
phus magnus, nobilis, splendidus; dignum
homine, Angelis, Deoq; spectaculum. *Tâ µὴν
ἀπὸ τῆς αὐτοῦ, ἐνδεδυκὸς δυνάμεως. τὰ δ' ἀνὰ πρὸς τὸν αἰθέρα
ἀπὸ τῆς εἰς, hoc est, Ea quæ seipsis contenta sunt,
robusta & firma sunt: quæ verò alienam o-
pem desiderant, imbecilla & egena. Simpl. in
Epiet. Enchir. C. 2. Sed ubinam virtutem
collocabimus? Est fortis, inexpugnabilis,
ἀνίκητος. Illam quidem præ se ferunt pluri-
mi, & illius imaginem ostentant, ac umbrâ
gloriantur; atque hi, quoniam verâ virtute
destituti, alia tanquam ad foelicitatem com-
parandam omninò necessaria, summo cum
impetu sectantur, virtutem ad beatè viven-
dum haudquaquàm sufficere statuunt: Ve-
rùm, qui non solo nomine insigniti sunt, sed
re ipsâ imbuti, virtutis vires beatrices, eaf-
que*

que fortunæ novercanti minimè obnoxias
 experiuntur. *Nescis insane* (inquit Cicero)
quantas vires habeat virtus, nomen tantum
virtutis usurpas, quid ipsa valeat ignoras.
 Ut autem ignorare desinas, erit operæ pre-
 tium consulere *Isidorum Pelusiotam*, L. I. E-
 pist. 86. dicentem : *Virtus in prudentiâ, ju-*
stitiâ, fortitudine, ac temperantiâ sita est.
Quisquis igitur hæc complexus fuerit, & pul-
cherrimus, & conspicuus est, *καὶ ὁμοῦ ἀρετὴν ἐκζητῶν*
καὶ πόρρωθεν, *atque ejusmodi ut nihil ipsi desit, quod*
ad benè beatèque vivendum pertineat.

SECT.

de
un
p
la
ve
de
O
al
Fa
qu
ne
un



SECT. III.

Præfatio.

EXterna, five bona five mala censentur & nuncupentur, tanquàm elementa mixtione nondum confusa & alterata, sigillatim consideravimus, & quomodo singula ita tractentur & administrentur, ut, quoad fieri potest, foelicitatem juvent & promoveant, miseriæ verò aut omninò nullas, aut quàm minimas præbeant occasiones vel irritamenta, enarravimus : Nunc eadem, sed ut mixta & conflata intuebimur. Optimi parentes, Deus & Natura, singulis aliquot, nullis omnia sua largiuntur dona. Favoris & beneficentiæ tantorum parentum quisque particeps est ; totus autem favor nemini conceditur, & ad nullum extenditur universa beneficentia. Sua cuique dos est,
ne

nè quis parentes suos ipsum negligere conqueratur ; omnia verò beneficia, quæ immensa Dei *εισαδωμια* & vastissima naturæ pietas diffundunt in mortales, quæque sunt amplissima & penè innumerabilia, ad unum aliquem derivari, vetat angusta naturæ cuiusque capacitas. Alii divitiis affluunt & honoribus, sed valetudine prosperâ destituntur ; aliis salus est integra, ipsis verò opes haud suppetunt, & desunt honores. Interdùm gloria premitur egestate ; interdùm abundantia vel ignominia vel iniquâ valetudine castigatur. Nihil est undiquaque absolutum, seu, quod eodè recidit,

— *Nihil est ab omni parte beatum.*

Dividuntur dona, distribuuntur beneficia. Bona verò, mala, & mala, bona ita temperant & moderantur, ut singulorum vires prorsus aliæ videantur, quàm cùm seorsim existunt & spectantur. Quæ solitaria, tolerabilia, aliis conjuncta, sæpè videntur intolerabilia ; & frequenter,

— *quæ non prosunt singula, juncta juvant.*

Eorum, ex quibus mista constant, virtutem compescit mistio, frangit & immutat. Ut igitur externa, etiam coëuntia quomodo-
cunque, beatitudini inserviant, edisserere, est unicum hujus Sectionis institutum. Quod ut breviter absolvamus, externorum, sive bona sint, sive mala, sive plura, sive pauciora, & qualiscunque sit alterutrorum portio, conjunctionem seu complicationem, hominis *statum* appellare libuit.

APHORISMUS PRIMUS.

Ad acquiescendum in statu suo, vel ad eum agrè ferendum, suâ ipsius opinione movetur homo.

STatum, in quo alii placidè acquiescunt, alii detestantur. Quid ità? Objectum est idem, eadem & voluntatis natura. Undè igitur tanta affectuum varietas? Undè tanta contrarietas? Naturam voluntatis frustra incusamus, & res, circa quas versatur, temerè causamur. Opiniones sunt diversæ,
ad-

adversæ; hinc quæ alii depereunt, abominantur alii; iisdemque quæ olim admodum jucunda fuerunt, nunc molesta sunt & ingrata, quia non est idem de iisdem judicium, sed mutatur.

περὶ τὸς ἀνθρώπους, ὃ τὰ παρὰ φύσιν, ἀλλὰ τὰ περὶ ὧν παρὰ φύσιν δόγματα, hoc est, Homi-

nes perturbantur non rebus, sed iis quas de rebus habent opinionibus. Ita docet *Epicætetus*

Enchir. C. 10. eique ratio apertè suffragatur. Nam, quod naturâ suâ voluntatem, id

omnem perturbat voluntatem, ut quod corpus naturâ suâ, id corpus omne calefacit:

Verùm, res omnem voluntatem perturbare, liquidò falsum est, quoniam quæ displicent aliis, aliis placent.

Undè eas naturâ suâ illos non perturbare manifestum est. Dein,

quamvis objectum sit malum, si tamen ut malum non apprehendatur, voluntas omni

perturbatione vacat; quod vim perturbatricem non objecto, sed opinioni inhærere testatur.

Et, si objectum re verâ bonum, ut malum apprehendatur, (ut sæpè fit) non

minor est voluntatis perturbatio, quàm si objectum foret re ipsâ malum. Quod, ip-

simum objectum voluntatem non perturbare luculenter demonstrat, nisi quod re ipsâ bonum est, voluntatem naturaliter perturbare

statua-

statuamus. Ut autem non res, sed opinio-
 nes de ipsis homines perturbant : ita non
 res, sed de iis opiniones oblectant. Etenim,
 si vis oblectandi sit rebus ipsis naturaliter in-
 sita, cur non eadem omnes oblectant, & un-
 dè est quòd haud minùs oblectatur voluntas,
 cùm objectum re ipsà malum, ut bonum ap-
 prehenditur, quàm si foret re ipsà bonum?
 Cùm lætamur, objectis gratiæ non sunt a-
 gendæ, & cùm inœremus, rebus ægritu-
 dines non sunt imputandæ. Objecta sunt
 veluti *materia*, cujus est, non agere, sed pati;
 opiniones verò tanquam *forma*, cui actio ad-
 scribenda est, motus & efficacia. *Omnia ex
 opinione suspensa sunt*, inquit *Seneca*, Ep. 78.

Τὸν ἀποληπτικὸν δύναμις Cicer. (inquit *Marcus Anto-
 ninus*, L. 2.) ἐν ταύτῃ τὸ πᾶν, hoc est, ut vertit
Gatakerus, *Facultatem opinatricem venerare*,
in hæc enim sita sunt omnia. Qui, sive verè
 sive falsò, statum suum bonum putat, eo fa-
 cile contentus est; qui malum, ut ægrè ferat
 eum, necesse est. Ἀνάγκη πάνθ' ὁππότε ἕως ἐκείνου γινώσκῃ,
 ὅς αὖ πᾶσι ἐν τῇ ἀπολήσει, id est, *Necesse est quemlibet
 ita singulis rebus uti, ut de iis existimârit*, ut
 observavit *Epicl.* apud *Arrian*. L. I. C. 3. Lon-
 gè latèq; dominatur opinio; illius imperium
 amplissimum est; cunctos regit & moderatur.

APHORISMUS Secundus.

Hominem opinari statum suum bonum esse, vel malum, liberum est.

INter ea, quæ potestati alienæ obnoxia non sunt, locum habet sua cujusque de statu suo opinio. Prosperâ valetudine, divitiis, honore, reliquisque bonis externis orbari possumus inviti; sed illis orbatum, ad statum malum se redactum esse, non est quod cogat opinari, nec est quod vetat quò minùs statum suum bonum esse judicet. Ex adverso, affluentem bonis cùm fortunæ tum corporis, statum suum bonum esse arbitrari facile est; & de eo conqueri quid magis usitatum? Eundem statum alii bonum putant, alii malum; quod omnem hominem, quemvis statum vel bonum esse, vel malum, opinari posse demonstrat. Quod enim de quovis statu sentiunt aliqui, id ipsum de eo sentire possunt & omnes alii. Nam, illi aliqui rectè opinantur, vel secùs; si rectè, reliqui veritatis haud minùs sunt capaces: sin
falso,

falso, & alii omnes errare possunt. A statu nostro, opiniones de ipso haudquaquàm mutamur, aliàs de eodem haud diversæ forent & adversæ; sed illas pro nostro ipsorum arbitrio formamus & effingimus; undè varietas profluit opinionum, & contrarietas. Non rebus, sed nobis opinionem debemus τὸ δόγμα ἡμῶν ἐστίν, *Opinio nostra est*, ut loquitur *Simplicius* in *Epiet.* Enchir. C. 22. Cùm quidem objecta sunt *per se nota*, (ut loquuntur) qualia sunt: Duo & tria sunt quinque, Totum est suâ parte majus; ipsa objectorum evidentia intellectum efficaciter determinat, & quia evidentia una est & eadem, summa est judiciorum concordia: verùm cùm non sunt *per se nota*, determinatrix evidentia non adest, & illius locum supplet voluntas; quæ quia varia est & inconstans, opiniones de istis objectis illius jussu & imperio efformatæ, diversæ sunt, & non rarò contrariæ. In classe verò objectorum, quæ non sunt *per se nota*, collocanda sunt hæc: *Status meus est bonus; status meus est malus.* Nam si essent objecta *per se nota*, me & quemvis alium ad idem semper de statu meo sentiendum determinaret evidentia; quod non fieri tam notum est, quàm quod notissimum.

mum. Intellectus igitur hominis de istis pro voluntatis arbitrio judicat. Judiciorum inconstantia & pugna, voluntatis imperium testantur, & intellectum nec à naturâ suâ, nec ab objecti evidentiâ, ad ipsa determinari demonstrant. Quamobrèm, rectissimè inter ea, quæ sunt in nostrâ potestate, opinionem recenset *Epictetus*, Enchir. C. I. eique *Simplicius* adstipulatur : τὰ αὐτοκίνητα (inquit) ἢ ἐαυτοῦ κινήσας ἢ ἐνεργίας αἰτια ὄντα, ἢ τὸ ἀγαθὸν ἐαυτοῦ, καὶ τὸ κακὸν ἐν ταύταις ἔχουσιν. ἐνεργεῖαι δὲ αὐτοῦ κυρίως, καὶ μὴ τὸ γινώσκον αἰ οὗς ὄντων ὑπολήψεις, hoc est, *Quæ intrinsecùs moventur, cùm sui motus & actionis sint causæ : bonum quoque suum & malum in iis habent, eorúmque propriae actiones sunt, in cognitione opiniones de rebus, &c.* Et, paucis interpositis : ὑπολαμβάνειν καὶ αἰγείσθαι, ἡμῶς αὐτοῦ εἶναι ἴδια ἔργα, ἐν τῇ ὁρεσίᾳ τῇ ἡμετέρᾳ κείμενα, id est, *Opinari & persequi, nostra propria sunt opera, & in potestate nostrâ sita.*

APHORISMUS Tertius.

Hominis opinio de statu suo, ut bono, vera est.

MAXIMA pars mortalium pravâ, de sorte suâ, opinione laborat & torquetur. Suspiriis & gemitibus nihil frequentius, & aures nostras penè semper & ubiquè feriunt querelæ; idque quoniam fors sua cuique mala videtur: nihilominus, si providentiam Divinam cuncta moderari statuamus, (ut par est) statum cujusque hominis re ipsâ bonum esse, nullo negotio demonstrabimus. Nam primùm, cùm status, in quo sumus, sit à Deo nobis designatus, in eoque, ab ipso collocemur; cùmque Deus sit optimus, & ab optimo non nisi quod bonum est proficisci queat, quis nisi malus statum suum malum, aut non-bonum, esse cogitabit? A malo malum profluere satis probabile est; à non-bono non-bonum promanare est plus quàm verisimile; sed ab optimo vel malum vel non-bonum oriri posse, fidem omnem superat. Secundò,

Deus est scientissimus, potentissimus, & hominis amantissimus; ac proinde status cuiusque bonus est. Sequela probatur, quia Deus quâ re indigemus, & quid nobis bonum sit, quàm nosmet ipsi melius cognoscit; ejus scientia est infinita, cuncta oculis illius distinctissimè nuda sunt & patentia. Sed quid juvat hæc omniscientia, quâ quid cuique bonum est, ipsi innotescit, si voluntas aut vires desint, quibus conferatur? Verùm, immensa Dei scientia armatur omnipotentia, & omnipotentia amore generis humani longe maximo in actum deducitur. Cognoscit quid nobis bonum est, illudque producere potis est, quia est omnipotens, & vult, eò quòd amore planè ineffabili homines prosequitur. *Quædam sunt* (inquit Seneca de Irâ, 2. C. 27.) *quæ nocere non possunt, nullamque vim nisi beneficam & salutare habent: ut Dii immortales, qui nec volunt obesse, nec possunt. Natura enim illis mitis & placida est, tam longè remota ab alienâ injuriâ, quàm à suâ.* Et Epist. 95. *Quæ causa est Diis benefaciendi? Natura. Errat, si quis illos putat nocere velle: non possunt. Nec injuriam accipere queunt, nec facere. Deus bonos amat, quia ipsi sunt similes; & malos,* (licet

(licèt non quatenùs tales) quoniam bonus est, illiùsque bonitas, horum pravitate vel maximâ longè major est. *Solem suum oriri facit super bonos & malos, & pluit super justos & injustos*, Matth. C. 5. V. 45. *Ecce scele-
ratis sol oritur, & piratis patent maria*, *Seneca*, 4. de Benefic. C. 26. Quocircà, non est quòd de bonitate status nostri dubitemus, nisi judicium de ipso juxta ingeniolum nostrum, quod in plurimis cæcutit, & erroribus obnoxium est, potius quàm secundum immensam Dei *Φιλοσοφίας* omniscientiâ instructam & omnipotentia conjunctam, instituire velimus. Tertiò, statum tuum bonum esse judicat Deus, aliàs illius Author non fecit; quamobrèm aut erras tu judicando statum tuum malum esse, aut Deus in errore versatur, quod vel cogitare absurdum est & planè impium. Ut nostra voluntas Divinæ conformis, bona est, quia Divina est optima: ita judicium nostrum Divino conforme, verum est, quia Divinum verissimum est. De statu, boni sit, necne, dubitatur: an hominem potius, qui *ignorat quid conducat sibi in vitâ suâ*, [Eccles. C. 7. V. 1.] quàm Deum, qui *judicat omnem terram*, Gen. C. 28. & quem nihil omninò latere potest, arbitrum constituemus

tuemus? Et quidem, si indo'es cujusque hominis, educatio, locus, tempus, necessarii, & reliqua omnia ad ipsum quoquo modo spectantia, & ad statum ipsius efformandum concurrentia, considerentur, non sigillatim & seorsim, sed cum mutuo omnium respectu, status ille, in quo collocatur quispiam, ipsi maximè congruus est & consentaneus. Verùm, homines ad pauca aliquot oculos convertunt, & de toto statu pro illorum paucorum ratione ferunt sententiam. Atque ita, malè audit status, malè audit Providentia; de quibus aliàs honorificè sentirent mortales, si cuncta sedulò perpenderent & inter se conferrent. Suam cuique sortem aptat Deus & accommodat, ut Medicus prudens ac peritus diætam præscribit & medicamenta: quo sensu verè dixit *Hieronymus Cardanus* de Præpar. L. 1. *Deus conditionem non solum mortalium, sed etiam cunctarum rerum, quæ sub cælo sunt, equavit.* Alia aliis conveniunt diætâ & pharmaca, sed quæ cuique conveniunt, est penes Medicum judicare: ita status alii aliis expediunt, sed quis cuique expedit, novit ille, qui cuncta regit & moderatur, & prout expedire judicat, suum cuique distribuit.

APHORISMUS Quartus.

Hominis opinio de statu suo, ut bono, utilis est ad fœlicitatem adipiscendam.

I Mpetu naturæ cuncta animalia quod ipsis bonum videtur, appetunt, quod malum, averfantur; & in illo acquisito, & hujus devitatione acquiescunt. Quocircà, si statum hominis sibi placere, jucundum esse & gratum, sit fœlicitas, (ut re verâ est) cum opinio de ipso, ut bono, eo conducat, ad fœlicitatem comparandam utilis, jure meritòque censerì debet. Imò, quamvis esset falsa, nihilominus egregiâ utilitate haud destitueretur, quia ad tranquillè vivendum maximoperè conferret, adeò ut, etiamsi statum suum bonum esse putare, foret error, foret tamen error amabilis, jucundus, optabilis. Undè *Epictetus* apud *Arrianum*, L. I. C. 4. ἐγὼ μὲν ὕδατι (inquit) τὴν ἀπόβην ταύτην, ὥς ἢ ἡμῶν ἰσχυρὸς καὶ ἀπαράχως βιάσεται, hoc est, Equidem talem deceptionem optârim, quâ fieret ut fœliciter

Et animo tranquillo viverem. Hanc opinionem, quâ scilicet statum nostrum bonum esse judicamus, eò quòd in ipso collocamur à Deo, qui est optimus, sapientissimus, potentissimus, & nostri amantissimus, quique ipsum bonum esse judicat, etiamsi falsitate laboraret, nec Deum ad irascendum provocare, nec odium, aut poenam vel minimam mereri probabile est, quoniam ita arbitrandò, licèt falsò, nostram cum Deo concordiam testari, ipsique obsequium præstare videmur. *Ipsis beatis,* (inquit *Hieronymus Cardanus* de fine bonorum) *si placet insanire, Et quod alienum est suum existimare, quod brevi casurum perpetuum, non trāscor.* Tibi, quicunque es qui te fœlicem existimas, non aliud eveniet quàm *Mycillo illi, qui gallo suo irascebatur, quòd eum somniantem Midæ thesauros, Et Gygis fœlicitatem è somno exturbasset, mallebātque grandem illam beatitatis imaginem, quàm lucellum quod ex futurâ veteris calcei facturus erat.* Itaque multi sunt qui malunt errore esse beati, quàm res suas, suamque conditionem verè agnoscere. Et paulò post : *Somnia quis dubitat falsa esse, nec eas imagines quicquam esse? Quis tamen nolit magis somnia jucunda, quàm tristia videre?* Verùm, Deum, qui est pri-
ma

ma veritas, sequendo, non est quòd errorem metuamus. Dux ille magnus novit veritate nos ad fœlicitatem perducere : Veritate, (inquam) quam in nostro posuit arbitrio, quia statum suum bonum esse arbitrandi, quod verum esse paulò antea demonstravimus, potestatem nemini negavit.

APHORISMUS Quintus.

Cùm homo de statu suo cogitat, illius opinio de eo, ut bono, est ad fœlicitatem adipiscendam necessaria.

Q Uamvis ad essentiam beatitudinis pertineat nec status, nec de statu cogitatio; cùm de ipso tamen cogitamus, nili hâc de re benè sentiamus, de fœlicitate planè desperandum est. Etenim, ut illo statu contentus sit homo, seu ut in illo acquiescat, quem non-bonum esse putat, prorsus impossibile est. Quod tantum non-malum videtur, fortè non displicet; sed præter id, quod videtur bonum, nihil est quod placet, nihil quod satiat, nihil quod replet. Fœlicitas

gaudium est, (ut nos alibi demonstravimus) saltem citra gaudium nunquam subsistit, ut nullus non arbitratur : Ut verò statu suo gaudeat quispiam, quem bonum esse haud existimat, fieri non potest. Opinionem de bono tam exigit lætitia seu gaudium, quàm opinionem de malo postulat tristitia. *Εγὼ ἔμαθον* (inquit *Apostolus Paulus*, ad Philip. C. 4. V. II.) *ἐν τοῖς ἡμέτεροις αὐταίρεσι* hoc est, *Ego didici, in quibus sum, iis ipsis contentus esse.* Exemplar tantum haud fas est imitari, nisi status noster nobis bonus videatur. Præcipit idem *Apostolus*, ad Hebr. C. 13. V. 5. *ἀρκούντες τοῖς παρῶν.* Quod mandatum si non observetur, de foelicitate actum est; & observari non potest, nisi sortem nostram bonam esse judicemus.

APHORIS.

APHORISMUS Sextus.

Hominis opinio de statu suo, ut bono, quantum ex parte intellectus requiritur, cum de ipso cogitat, ad felicitatem adipiscendam satis est.

Foelix est quicumque certò & habet quæ vult, & devitat quæ devitare studet, (uti in Primâ Sectione demonstratum est) seu cujus voluntati satisfacit; quod ut fiat, ut intellectus hominis statum suum, cum de ipso cogitat, tanquam bonum probet, necesse est; idque si præstet, suo munere defungitur, & nihil reliquum est, quàm ut in eo, quod intellectus, ut bonum probat, acquiescat voluntas.

APHORISMUS Septimus.

*Hominis opinio de statu suo, ut malo,
falsa est.*

CUM enim opinio de statu, ut bono, sit vera; opinio de eo, ut malo, falsa est. Et quidem de statu malè sentiendo, malum Deo Optimo, tanquam Authori, impu-
tamus, ejus potentiam, scientiam vel amo-
rem in dubium vocamus, & Divinum de sta-
tu judicium, erroris insimulamus; nisi De-
um, ejusve providentiam prorsus inficie-
mur; quod impium est.

APHORISMUS Octavus.

*Hominis opinio de statu suo, ut malo,
perniciosa est.*

Q UOD hominem reddit miserum & æ-
rumnosum, id procul omni dubio pla-
nè

nè perniciosum est : Atquæ hominis opinio de statu suo, ut malo, ipsi miseriam creat quàm certissimè. Ut enim homo statu, quem malum putat, contentus sit, impossibile ; ut ipsum ægrè ferat, necesse est. Ab hac pravâ de statu opinione, miseria suam trahit originem. Quia nimirum sortem suam malam esse credunt mortales, eam detestantur ; ac propterea torquentur & cruciantur. De conditione suâ verò nemo male sentiat ; subito exiccantur lachrymæ, facile mœror in lætitiâ commutatur, & omnes exulant querelæ.

APHORISMUS NONUS.

Homo statum suum bonum esse, non malum, opinari debet.

CUM enim in potestate nostrâ sit opinio, & quæ est de statu nostro, ut bono, sit vera, ad fœlicitatem acquirendam utilis ac necessaria, quodocunque de ipso cogitat homo, & ad ipsam obtinendam, quantum ex parte intellectus requiritur, satis ;

satis; quæ verò de statu, ut malo, falsa ac pernicioſa, illam amplexari oportet, hanc prorsus eliminare debemus. Ast (inquies) fieri non potest, ut egestate pressus, ignominia onustus, aut morbis gravatus, de statu suo bene sentiat. העשק יהלל חכם ויאבד מתנה Eccles. C. 7. V. 8. *Calumnia conturbat sapientem, & perdet robur cordis illius*, Vulg. *Oppressio insanire faciet sapientem*: & perdet cor donum, Pagnin. *Violentia decipiet sapientem quò non ambulet in via sua, & perdet per eloquia mala sapientiam cordis sapientis, quæ data fuerit ei dono cælitus*, Targum. Res igitur adversæ hominem de statu suo rectè judicare non permittunt. Verùm, de statu suo hominem rectè vel secus judicare, liberum esse, suprà demonstravimus, & nec prosperæ fortunæ sapientiam, nec adversæ debemus insaniam: illam studio comparamus, in hanc nonnunquam sponte prolabimur. Adversitas sapientiam, & stultitiam patiuntur opes. Nonnulli quidem, obortâ calamitate, insaniunt, sed non viribus & efficaciam calamitatis, quasi ipsos illa ad insaniam adigeret, quoniam calamitates nos potius erudire & instruere, quàm ad insaniam impellere, *Sacræ Literæ* passim testantur

[Tan-

[*Tantummodo sola vexatio dabit intellectum auditui*, Isa. C. 28. V. 19. *Virga autem & correctio tribuit sapientiam*, Proverb. C. 3. V. 15.] & quomodo, nos plenius demonstravimus, *Anim. Medel. L. 3. C. 4.* Sed, quemadmodum pueri, cum ab ipsis quidpiam eripitur, quod reliquum est abjiciunt indignabundi: ita & homines rerum mundanarum amore capti, illis ablatis, stomachantur, & haud raro intellectum suum temerè prodigunt & abdicant sapientiam, ac si in rebus secundis tantum, illis foret opus. Quod autem ad modò citata *Salomonis* verba attinet: *משו* tam res oppressione vel fraude acquisitas, quàm ipsam oppressionem vel fraudem significat, & res fraude partas vel oppressione, hìc intelligi, & sensus ac connexio cum versibus præcedentibus postulant, & docet *Mercerus* in hunc locum: *Oppressionis* (inquit) seu *calumniæ nomine intellige opes vi, calumniâ, oppressione & circumventionem partas, quæsum deniquè qui sit per fas & nefas.* Quia ergò de *Stultis* dixerat, vitandas eorum blanditias, & quantumvis amœnum ac suave vivendi genus, quod sæpè cum aliorum oppressione conjunctum est: proptereà subdit, *Idcirco te à toto vitæ genere stultorum revocatum velim,*

*velim, nè ullo modo illis consentias, aut eorum
 vitæ institutum ullâ in re probes : quia si illos
 secteris, iniquus quæstus quem illi consecran-
 tur, ut placidiùs & suaviùs vivant, etiam sa-
 pientem non stultum tantùm, sed ex stulto in-
 sanum efficit. & corruptela, id est, donum, ut
 dicit, cor, id est, intellectum & mentem vel
 sapientissimi perdit, atque à recto avertit :
 Quamobrèm, non quòd adversitas hominem
 suo privat intellectu, orbátve sapientiâ; quin
 potiùs, quod contrarium est, divitias nempè
 injustè comparatas mentem occæcare, *Salom-
 onem* hìc loci statuere constat. Deus sta-
 tum subindè mutat, non de bono in malum,
 sed de bono in bonum, quia non nisi quod
 bonum est, ipsi placere potest : Ac proindè,
 nec, ut mundi reculis quibusdam mutatione
 præscriptis, bona de statu opinio ostracif-
 mum patiatur, nec, quamvis status sint op-
 positi, ut de altero benè, de altero malè,
 necesse est; sed ut de utroque benè sentia-
 mus, æquissimum est. Audiamus *Epicetum*
 docentem quid fieri debeat, & quomodò :
 μή γάρ τις δουλεύει, μήτε κακός οὐδεχεται τὰ γινόμενα.
 (inquit ille apud *Arrian. L. 4. C. 4.*) hoc est
*Nequè sis morosus, neque fastidiosus erga ea
 quæ fiunt.* Et paucis interjectis : καί τις τῶν*

παύσι, καὶ ἀγόρευε ταῦτα, ὅτι κρείσσον ἐστίν, id est, *Delectare*
iis quæ adsunt, & in iis acquiesce, quæ tempus
fert. Sed, hæc quomodò præstare queam?

Ἀλλ' ἄλλοι (inquit idem, Cap. 7.). ἐκεῖνο θέλω, τὸ
 καίριον. κρείσσον γὰρ ἡγῆμαι ὁ ὁ θεὸς θέλει, ἢ ἐγώ, &c.
Semper illud potius volo quod fit. Melius enim
id judico quod Deus vult, quàm quod ego. O
 piam, generosam, & verè beatricem hanc
 nostri judicii de statu nobis à Deo designa-
 to, & nostræ voluntatis illud sequentis &
 imitantis, cum judicio Divino & voluntate
 conformitatem! Sed, illas opiniones, quibus
 fœlices evadamus, miseri repudiamus; qui-
 bus verò miseri, amplexamur ærumnosi, &
 veluti fascinati, quod nobis est lethale, eli-
 gimus. Δόγματα δὲ ὅσους, *opiniones sunt serpentes,*
 modò Seni venerando apud *Arrian. L. 2. C.*
 22. fidem adhibere non vereamur. Beati-
 tudinem vultis mortales? Eccè, in potestate
 vestrà situm est de statu vestro benè recteq;
 sentire; quod si præstetis, ut vestrà pluri-
 mùm interest, ἀναμεισθήσεσθε eritis fœlices. An
 miseriam effugere studetis? Malam omnem
 de sorte vestrà opinionem, ut æquum est,
 proscribite, hanc *κακοδοξίαν* exuite; Statum
 vestrum causari desinite: malus non est, ni-
 si malè judicando, cum vobis malum faciatis;
 sed,

sed, bonus est, quia Deus illius Author est, & vobis bonus, si de illo rectè arbitrari velitis. Cur Divinam providentiam inculcatis? *Attingit illa à fine usq; ad finem fortiter, & disponit omnia suaviter*, Sapient. C. 8. 1. Illius quidem opera nativâ quâdam dulcedine imbuta sunt, eâmq; rectum judicium reteggit & ostendit: verùm, si nobis amara sint, adscititia est amaritudo, eâmq; tantùm judicio malè sano debemus. *Aquæ in dulcedinem versæ sunt*, ligno ipsis à *Mose* injecto, Exod. C. 15. ita probâ opinione de statu nostro, veluti ligno *Mosis*, nobis status dulcescit. Quòd si pravis opinionibus valedicere recusamus, & in arbitrando sortem nostram malam esse simus obstinati, contra stimulos calcitramus, Deum impiè, fortunam stultè inculcamus, & turbati more febricantium huc illuc miserè agitamur. De statu nostro rectè sentiendo, id est, arbitrando, ut æquum est, non temerè nos in eum prolapsos esse, sed jussu Patris optimi, Regis potentissimi, & omnium rerum Moderatoris prudentissimi & justissimi, in eo nos collocari, cum *Epiçeto* apud *Arrianum*, L. 4. C. 10. verè & ex animo dicere possumus: *Quas facultates à Te* [Deo scilicet] *accepi ad intelligendum gubernationem*

nem tuam, etque obtemperandum, eas non neglexi : non dedecori tibi fui, quantum in vie fuit. Ecce quomodo usus sum sensibus? quomodo anticipationibus? Num te unquam incusavi? Num quid eorum quæ evenerunt agrè tuli, aut aliter fieri volui? Num affectiones violavi? Quia me genuisti, gratiam tibi habeo : iis rebus quas dedisti mihi, usus sum quoad voluisti. Hoc mihi satis est : recipe eas, & ubicunque volueris collocato. Tua enim fuerunt omnia, Tu mihi ea dedisti. Ita affecto quis generosior, prudentior, honestior, fœlicior? παρ ὃ ἵαυ ἰπαχῆ σὺν, δὶ καὶ, hoc est, ut vertit Drusius, quicquid tibi illatum fuerit, acceptum habe, [Sirach. C. 2. V. 2.] πολλοὶ δὲ ἰπλάκτοι ἢ ὑπὸ βανδῶν αὐτοῦ ματαῖα, Multos enim seduxit opinio ipsorum vana, Ibidem, C. 3. V. 23. Et, Sorte suâ contentus abi.

Ad opinandum verò sortem bonam esse, haud parùm conducit, ad illos, quorum status nostro vilior est, respicere, ab iis verò quorum fors nostrâ præstantior habetur; culos avertere. Cum enim ob oculos versatur status nostro sublimior, comparatione vilescit nostra conditio, & ad ipsam ægrè ferendam sumus admodum proclives.

Est nemo miser nisi comparatus:

M

Cum

Cum iis scilicet, quorum fors nostrâ potior est. Nostrâ tranquillitatis igitur plurimum interest ab eâ comparatione prorsus abstinere. Si verò nos ipsos cum aliis, quorum conditio nostrâ deterior est, conferamus, & constanter de hâc comparativâ excellentiâ cogitemus, nobis res nostræ non fordesunt; sed placent; quod ni fiat, de quiete mentis planè desperandum est. Calamitate quidem alienâ gaudere barbarum est & inhumanum; verum, oculos convertendo ad eos, quorum fortunam nostra superat, in nostrâ acquiescere, licitum est, honestum & laudabile.

*Suave mari magno turbantibus æquora ventis,
E terrâ magnum alterius spectare laborem;
Non quia vexari quenkquam st jucunda voluptas:
Sed quibus ipse malis careas, quia cernere
- - - - - suave st.*

Ita canit *Lucretius*, L. 2. Nonnullis aliorum foelicitas creat miseriam; quidni itaquè ex alienâ miseriâ foelicitatem eliciamus? Certè, tam esse miseriâ beatum, quàm beatitate miserum, rationi congruum est & consentaneum. Alii intuitu prosperitatis alienæ sunt calamiti-

calamitosi; nos foelicitati nostræ, eam ex aliorum miseriâ, ut remedium è veneno; eruhendo consulamus. Nemini nocet, nobis valdè prodest egregium hoc artificium, eoque uti nulli non licet. Quemvis enim statum, etsi vilissimus & malis refertissimus videatur, ita temperavit Deus O. M. ut in eo certum aliquid reperiatur, ratione cuius alteri alicui præferri queat. *Si omnia omnium mala (inquit Herodotus) unum in acervum congererentur, ut equalibus partibus factis, quisque unam secum auferret, arbitrari se futurum neminem, qui non sua referre secum, quàm alterius capere mallet.* Cum alienâ verò conditione, quæ nostrâ melior est, nostram non conferre, perindè est ac si illam alienam penitus ignoremus; quod ad foelicitatem quantoperè conducat, hæc porro nos edoceat *Historiola*: Fœmina ad gurgustium condemnata, ibidem filium peperit; qui eo in loco jam grandior factus, aliquandò matrem de conditione suâ conquerentem audiuit: Cur adeò querula es, Mater charissima, (inquit filius) adest victus, non deest vestitus, nec desideratur quidpiam, quod desiderare queas. Mi fili, (respondit Mater) libertate careo, Christianorum societate

destituta sum, humine, aliisque pluribus indigeo, quæ te hoc in loco & natum & educatum ignorare necesse est. Nocuit Matri cognitio, filio profuit status suo melioris ignorantia :

ἡ ἀγνοία τοῦ ἀνθρώπου ἀγαθὸν εἰς τὸν ἀνθρώπου, h.e. Ignorantia sæpè ad bonum datur hominibus,

Respons. Græc. ad q. 1. apud *Justinum Martyrem*. Si non rescivisses, (inquit

Hieron. Cardanus de filio supposito) quod ad felicitatem attinet, æquè fælix esses, ac si tuus fuisset. Nam fælicitas est voluptas animæ ex ratione cognoscente possessionem jucundi.

Conditio nostrâ melior fœliciter ignoratur, & nostra haud minùs fœliciter cum ipsâ non comparatur. Ut autem statum nostrum cum præstantiore, ad inquietudinem & perturbationem : ita cum dete-

riore eundem conferre, ad quietem facit & tranquillitatem : de illo non cogitare, & de hoc crebrò meditari, tam facilè est,

quàm ab objectis oculos, quæ visa nocent, avertere, & ad ea, quæ conspecta juvant, convertere. *Pepigit Job fœdus cum oculis suis,*

ut nè cogitaret quidem de virgine, C. 31. V. 1. Quid vetat igitur quò minùs cum oculis fœdus pangamus, ut de statu, qui nostro melior est, nè cogitemus quidem? Mentem sanè à

cogi-

cogitationibus de virgine, quàm à cogitationibus de conditione, quæ nostrâ sublimior est, abstrahere, est longè difficilius; eò quòd illæ sunt naturales & penè necessariæ, hæ verò nec naturam, nec ullam præ se ferunt necessitatem; sunt omninò superflue, ea umq; fructus unicus est, Animus sorte suâ non contentus. *Ad te ipso inferiores converte* (inquit Cardan. Præf. in L. de utilitate ex advers. capiendâ) *& letus vires. Inspice triremium calamitates, carceris duritiem, Xenodochiorum fæditatem, stabulorum inopiam, in quibus stipula & finis pro vestibus hominum sunt.* Et aliis infortuniis recentitis: *Hæc cum tu considerabis, in summâ tranquillitate vires.* Hanc autem status nostri cum deteriore collationem, omnibus, non ut simpliciter necessariam, sed ut valdè utilem commendamus. Ut beati simus, ut alii sint ærumnosi non opus est, nec ut cuique status suus bonus videatur, ut de pejore cogitet, necesse est. Deum cuique sortem suam distribuere serio credamus, atque hoc ad ad opinandum illam bonam esse satis est, & abundè ad ita sentiendum obligat: nostræ tamen sortis cum viliori comparatio, ad opinandum prout exigit Providentia, movet, excitat & instigat.

EPILOGVS.

DElirio perquàm manifesto laborat mundus. Etenim, foelicitatem impensè desiderat, illi verò quæ uersantur è diametro, auidissimè sectantur. Suam cuique sortem dedit Deus, quæ bona est, quia dedit ille; sed, Deo quasi invito, illam, malè cogitando, nobis malam facimus, seu ita cogitando nos miseros reddimus, & ærumncosos. Conditionem quidem eligere, Dei prærogativa est, sed de illâ benè sentire, illamque æqui bonique consulere, nostrum. Vita nostra dramati similis est: quapropter uti rectè monet *Epictetus*, *Enchirid. C. 23. Actorem esse fabulae talis, qualis Magistro probata fuerit, te memento: si brevis, brevis, si longa, longa. Si mendicum agere te voluerit, fac eam quoque personam ingeniosè representes. Ita si claudum, si principem, si plebeium. Hoc enim tuum est, datam personam benè effingere: eam autem eligere, alterius. Quis es Homuncio, qui i lud malum esse temerè arbitrari audeas, quod Deus tuus bonum*

num esse judicat? Num quod ille fert ægrè ferendo, Te illius potestatem irresistibilem agnoscere, sapientiam immensam venerari, amorem ineffabilem colere, illiye obsequium humile præstare existimas? Et, quid ex hac turpi rebellionè lucraris? Miseriam. Deus te viribus donavit, quibus statum illum, in quo te collocavit, bonum esse, quod verum est, opinari, & ita opinando, beari queas; Veritatem igitur cur refugis? Fœlicitati tuæ quare valedicis? Quamobrèm ultrò miseriam accersis ipse tibi? Tandem aliquandò scias *distantiam boni & mali*, [Ecclesiast. C. 6. V. 5.] seu, quod status tuus *malus à bono* solà distat *opinione*, & resipiscas, tuæque beatitudini serio prospicias. Prudentem necessitati sese accommodare cogita: sapientem probare, quod sanxit sapientissimus, arbitrare; æquo animo gratum accipere, quicquid ab amantissimo proficiscitur, animadvertito; totam deniquè voluntatem tuam Divinæ, & universum intellectum judicio Divino conformare, esse obedientiam, quæ creaturam rationis participem maximè deceat, perpendito. Probus hæc diligenter observat, & ἀπαύρει ὅς ἐστιν ἡ ψυχὴ τὰ συμβαίνοντα ὡς ποτερόμενα πάντα. Μὴ πολλὰς δὲ, μὴ δὲ πολλὰς καὶ κατὰ
εἰλῶ:

οὐδὲ ἀρχὴς καταζήτησι, τί ποτε ἄλλος λόγος, ἢ πρῶτος, ἢ
 διαδοῖται: μὲν γὰρ τὰ ἐαυτοῦ περὶ αἰσθητῶν ἔχει, καὶ τὰ
 ἐαυτοῦ ἐκ τῆς ὅλης συγκληθῆναι διηγεῖται ἀνοήτως. καὶ τα
 μὲν καλὰ παύεται. ταῦτα δὲ ἀγαθὰ ἢ σίπεται. ἢ γὰρ
 ἐξ ἑαυτοῦ νομοῖται μοῖται συνιστάται πρὸς τὴν συνιστάται,

hoc est, ut *Gatakero* interprete, præclarè do-
 cet *M. Antoninus*, L. 3. N. 4. *Ex animo prorsus*
amplexatur quæcunque ex lege Divinâ illi
attributa contigerint. Rarò admodum, nec
 citra magnam aliquam atque in commune uti-
 lem occasionem advertat, quid aliis quispiam
 dicat, faciat, cogitet. Suis enim duntaxat a-
 gendis intentus est; sibi que ab universo desti-
 nata cogitat assidue. Et illa quidem honesta
 præstat, ista optima esse persuasum habet. Sors
 enim unicuique assignata, & conducit ei, &
 in eum finem est eidem collata. Quod maxi-
 mè congruum est, desideras? ἂν οὐκ εἴη το

ἐαυτοῦ συνιστάται καὶ συγκληθῆναι. τί γὰρ ἀνοήτως;
 Id solum diligas, quod obvenit, & à fato de-
 stinatum est tibi. Ecquid enim magis est con-
 gruum? ita præcipit *Antoninus* modò citatus,
 L. 7. N. 57. Quod optimum est, deperis?

ἂν οὐκ εἴη το, ἢ τὸ ἀμεινόν; ἂν οὐκ εἴη το, ἢ τὸ πρὶν εἶναι ὅτι
 Numquid aliud mavis, quàm id quod melius est?
 quid autem melius est, quàm quod Deo visum
 est? *Epicet.* apud *Arrian.* L. 2. C. 7. De
 eo,

eo, quod Deo placet, aliter sentire, est & ab omni ratione prorsus alienum, & *מלחמה* *malum dolorificum*, [Ecclesiast. C. 5. V. 12, 15.] seu, ut reddit Interpres Vulg. *infirmetas pessima*, & *infirmetas prorsus miserabilis*. De statu tuo, quacumque fuerit, dicito: *Digitus Dei est hic*, [Exod. C. 8. V. 19.] Et, ut monet *Ausonius*, *Fortunam reuerenter habe*. Deum ita loqui cogitemus: Ego, *Mortales*, cui nihil occultum, nihil difficile, *cujus arbitrio cuncta administrantur*, vobis *sum pater*, non terrenus, sed *cælestis*, vos ut *progeniem* depereo, è vobis *reminem* perire *desidero*, vos omnes *saluari* volo: quod ut fiat, certo *benefaciendi consilio*, non temerè aut fortuitò, cuius *statum*, ipsi qui *congruus est*, *destinavi*, omnesque viribus *instruxi*, quibus *sum sibi statum* *convenire* quisque *judicare* queat. *Status* *omnis*, qualiscumque *habeatur*, *meum opus est*, & à vestro hâc de re *judicio recto* *fælicitatem*, & illud *judicium* ab *arbitrio vestro* *pendere* volui. *Ionam* itaque de *paterna* *meâ providentiâ*, curâ & *solicitudine* *opinionem* *amplexamini*, & *vivite*. *Filii hominum*, usquequò *gravi corde?* ut quid *diligitis vanitatem*, & *quaritis mendacium?* *Non quod impossibile est, falsum, difficile, an*
alie-

*alienae voluntati obnoxium, sed ut quisque sortem suam sibi expedire arbitretur, quod possibile est, verum, facile, & in vestra potestate summo, mandato meo, quoniam è re vestra est, sancire placuit. Obtemperate mihi, estote beati. Proditis quidem felicitas hand obtrudetur. Sed, ecce, posui coram vobis viam vitæ, & viam mortis, opinionem bonam, opinionem malam, hanc respicite, illam eligite, estote libere felices. Non perire quàm facile est? à difficultate salus abest immane quantum? Felicitatem tamen, ideo quia libera est & facilis, parvoque constat, negligere nolite. Quare moriemini? Quod si de sorte vestra, quamvis à me vobis ex amore designatâ, malè sentiatis, vestra est culpa, vestra quoque perditio. Quid regerent Prudentes? De rei bonitate, quæ, Pater optime, tibi placet, vel hesitare, impudentia est. Non nostrum est, summe rerum Moderator, vel statum eligere, vel de eo à Te jam electo, bonus sit, necne, disputare; sed citra cunctationem, quicquid tibi visum fuerit, probare. Immensum tuum amorem lubentes agnoscimus, ab eo, in statu, in quo sumus, nos collocari, nulli dubitamus, & in hoc propterea grati acquiescimus. Denique, Deo Optimo Maximo gratias longè maximas vel
 hoc*

hoc nomine debemus : quod felicitatem
 conditione longè facillimâ, bonâ scilicet de
 statu opinione, parabilem, & miseriam baud
 minus facili, nempe, malâ opinionis exilia,
 fecerit devitabilem. Constatre felicitatem
 (inquit Hieron. Gardanus, Præfat. in laude
 utilitate ex adversis capiendâ) magis opinio-
 ne quàm re iudicio est, quod si quis in malâ
 susceperit fidem, aut unum habeat tantum, non
 dolet, nec tristatur : idem cum quatuor susce-
 perit, perieritque unus, dolet ac lamentatur.
 Rursus, si quis non cogitet in malâ, etiam
 luctu constitutus, nihil mali sentit, perinde
 afficitur ac si nihil incommodi passus esset,
 nequè doleret, nunquam se nunquam cogitaret.
 hec est, Omnia in opinione sita
 sunt : & hæc ipsa in te. Quandocumque erga
 volueris, opinionem [de statu malam] tolles
 & sicut promontorium prætervectio tranquillitas,
 sic stabilia tibi futura sunt omnia, & si-
 nus æstu immunis. M. Antonin. L. 12. Qui
 in uno peccaverit, multa bona perdet, Eccles.
 C. 9. V. 18. Istud unum est de statu opinio-
 mala ; hæc multa sunt reverentia pia, quâ
 Dei longè sapientissimum de nostrâ fite
 judicium

iudicium suspicere ; *obsequium humile*, quod
 Divinae voluntati præstare debemus ; *Gra-*
titudo, quæ nostro Creatori, conservatori,
 Regi & Patri amantissimo nos devinci tam
 æquum est, quàm quod æquissimum ; *Pru-*
dentia, quæ necessitati bellum indicere ve-
 tat ; *Animi tranquillitas*, quæ potissimum in
 votis est ; & reliqua bona omnia, quæ illam
 reverentiam, obsequium, gratitudinem, pru-
 dentiam & tranquillitatem aut comitantur
 aut sequuntur : Hæc (inquam) bona, quæ
 sunt & multa & verè magna, unicâ de statu
 à Deo nobis designato cogitatione pravâ,
 utut quibusdam res levicula videri queat,
 stulti negligimus, vesani contemnimus, mi-
 seri perdimus. Ut omnes alii statum tuum
 causentur, ut iis, de illo, benè op'ando,
 stultus videaris : quid tuâ tamen refert al-
 terutrum, ipse modò bonum esse cogites,
 & ita cogitando, fœlicitate potiaris ? Sed,
 esto stultitia, beat n'hilominus, & de eâ ve-
 rum est, quod dicit *Salomon*, Eccles. C. 10.
 V. 1. *Fretiosior est prudentiâ & gloriâ, parva*
& ad tempus stultitia, seu, juxta *Versionem Sy-*
riacam : *Preponderat sapientiæ & gloria*
multæ modica stultitia. Si stultitia sit, est
 certè *stultitia Dei, quæ est sapientior quàm*
 ha-

homines, [1. Corinth. C. I. V. 5.] eâ quip-
pè mentem nostram ad Divinam confor-
mamus.



SECT. IV.

Præfatio.

EX quo Sectionem præcedentem
exaravimus, quâ nostram hanc
opellam absolvere primùm sta-
tuimus, occurrit nobis Viri verè
egregii & multifariàm docti,
Hieronymi Cardani Mediolanensis Medici,
de Tædio multiplici Dissertatio, quam, ut
alia tanti Heröis opera, avidè relegimus, in
eâque quicquid ad foelicitatis spectat indi-
cium, diligenter observavimus. Quâ de re
hæc illius verba sunt : *Nec est quod multitu-
dinem*

~~disce~~ adversorum acenses, aut illorum duriti-
 tatem. Eadem est ratio unius & mille. Fateor
 diutius implicitum te retinent ac magis vexant,
 sed tamen eâ patientiâ, quâ unum fers, feres
 & mille. Gravia, periculosa, atrocia difficile
 est ferre, multa augent molestiam non dolorem
 aut cruciatum. Sentire hujusmodi titillatio-
 nem ~~levis~~ molestiarum vacui animi est indi-
 cium. Qui semel magno pondere calamitatis
 pressus est ut luctus aut servitutis aut carceris,
 nihili facit hæc exigua impedimenta. Hoc so-
 lum me graviter afflictum cognosco, quod pauca
 me moveant, à paucis afficiar molestiâ. Beatus
 est quamvis non deprehendat hoc, qui à mini-
 mis torquetur. Quod quasi satyrâ illâ: Ibam
 fortè viâ sacrâ, Horatius insinuat. Ex tam levi
 enim re tantum molestiarum sensit. Si callum
 manus obduxerit, non solum filum trahendo
 non sentit, sed vix ignes. Latere quantum
 minima ferre non potes. Certius es adhuc igno-
 rare te calamitatis nomen. Nullum ergò feli-
 citatis certius signum quàm sæpius & à qua-
 cunque causâ, molestiâ affici. De certissimo
 felicitatis indicio ita philosophatur Vir exi-
 mus. Quod nos ad pauculos alios Aphorif-
 mos, qui tamen à beatitate non sunt alieni,
 conscribendos excitavit; & ex illis hanc

strenuam Sectionem, non ullo contentione
desiderio irritati, sed veritatis porro illu-
strandæ studio impulsî concinnavimus.

In hac Sectione verò, malorum nomine
quævis intelligimus adversa, & cum istis ho-
minem commoveri, hoc est, affligi, molestia
affici, perturbari, seu torqueri, dicimus, sen-
sus non est, vel quod adversa sunt verè mala,
vel quod vis hæc, quæ perturbatrix istis in-
hæreat; sed, cum vulgo loquimur, à quo
adversa, & mala censentur, & naturâ suâ ho-
minem commovere creduntur, quoniam
inter hæc duo, nempe, *cum adversa eveniunt,*
perturbatur homo, &, *adversa, cum eveni-*
unt, hominem perturbant, distinguere penitus
ignorat. Quæ Lectorem semel monuisse
sufficiat.

APHORISMUS Primus.

Aliquandò malis minoribus magis, ma-
joribus minùs homines commoventur.

Malis haud respondet perturbatio; hæc
quandoquè magna est, cum ista sunt
exigua,

exigua, quandoque levis, cum gravia. Sunt
 qui lusu suam amittunt pecuniolam, ejusque
 jacturâ quàm amici fidelis obitu vehemen-
 tiùs perturbantur. Interdum levi sarcasmo
 plùs quàm insigni damno rei familiaris affli-
 gimur. Nonnunquam *excolamus calicem,*
camelum autem glutimus, Matth. C. 23. V. 24.
 An ut saxum faciliùs quàm humam propel-
 limus aut festucam : in mala grandiora
 quàm minora à corde nostro longiùs abigi-
 mus? An ut quorundam ventriculus cibus,
 qui concoctu sunt difficiles, quàm qui faci-
 les, domat fœlicius & in succum convertit
 meliorem : ita magnæ calamitates quàm par-
 væ minùs iniquo feruntur animo? An de-
 niquè ut literæ minutiores quàm majuscula
 visui magis officiunt : ita malis ingentibus
 quàm exquis magis afficimur? Res ipsæ na-
 turâ suâ non sunt animorum perturbatrices,
 quod & suprâ probavimus, & hîc loci quo-
 què denuò facîle probatur, quoniam aliàs,
 magis quæ majora sunt mala, minùs quæ
 minora hominem torquerent; quod expe-
 rientiam haud rarò inficiari videmus. Hæc
 itaque molestiarum inæqualitas undè pro-
 ficiscitur, cum nec à malis perturbatio, nec
 ab istorum gradibus, gradus perturbationis
 suam

suam trahant originem? Quia nobis, quæ
 majora sunt, minora, & quæ minora, majora
 videntur, istis idcirco magis, his minus affli-
 gimur. Sed causam investigamus, à quâ
 tantam representationis diversitatem deri-
 vare queamus. Eam aliquamdiu investiga-
 vimus, & tandem duplicem invenimus, præ-
 meditationem scilicet, ac non-præmeditatio-
 nem. Etenim, quæ re verâ magna sunt,
 præmeditatione, quæ exigua, non tam præ-
 meditatione quàm neglectu dignamur; at-
 que ea est vis præmeditationis, ut mala,
 quamvis magna, reddat vel omnino nulla
 vel minora; & mala, etsi parva, ipsâ non-
 expectatione magna videntur. Considera-
 tionem ad se trahunt magna, quoniam ip-
 sam mereri putantur; eaque minuuntur:
 parva verò præmeditatione profus indigna
 judicantur, illiusque defectu, nobis, ut ma-
 jora representantur. Mala præcogitando
 extenuantur, non-præcogitando crescunt &
 augentur. Parvis igitur, ut magnis, quia
 improvisa sunt, magis; & magnis, ut parvis,
 quia prævidentur, torquemur minus: ista
 nos oscitantes adoriuntur & expugnant: hæc
 præparati excipimus & muniti.

Et prævisa minus tela nocere solent.

Magna parvis æquat præmeditatio; magnis parva, non-præmeditatio. Incogitantia aggravamus levia, & tempestivè cogitando elevamus gravia; sed absque lucro nisi plura levia, gravia, quàm gravia, quæ pauca sunt, fieri levia, lucrum habeatur: alias, si mala gravia & levia non discreparent numero, quod ad miseriam spectat, perinde foret, si ve gravia & levia, ut sunt, permanerent; si ve ista fierent levia, & hæc in gravia transirent.

APHORISMUS Secundus.

Malis minoribus sæpius, majoribus rariùs commoventur homines.

ETenim, majora mala pauca sunt, rariùs quæ accidunt; minora verò adeò multa sunt, ut numerum ferè aspernentur, nosque nunquam non obsideant. Ab exiguis malis immunitatem nec status seu conditio quævis, nec personæ, nec loca, nec tempora sibi vindicare queunt. Conditio vel optima, personæ quamvis illustrissimæ, loca,

eti

etſi tutiſſima, tempora, etiam cū maxime ſerena : hæc omnia (inquam) minutis infortuniis ſunt obnoxia, eaque quotidie patiuntur. Si omnia (inquit Cardanus ubi ſuprà) animadvertas, ſinem nullum huiusmodi miſeriis invenies adeò numeroſæ ſunt : noctu cimices, pulices, culices, ranæ ſtrepentes, canis vicini ejulans, cubiculum æſtuans, aves inſauſtæ, omnia luctuoſa, vigiliæ ipſæ, ſomnia horrida, curæ. Die verò clientes aſſidui, frequentes interpellatores, amicorum officia, præcepta magiſtratum, rixæ leves, importunus vicinus, fama non bona, negotia non intermittentia, contentio cum plebeiis ſordidiſque hominibus, muſcæ. In domo, equus ferus, contumax ſervus, ſuſpecta familiaris ac domeſtica perſona, ſordidus putens, puer fugax aut deceptor, in itinere pluvia aſſidua, ocreæ diſſutæ, latronum metus, equus claudus, via cœnoſa, circa rem, vaſa fracta, cadi ſtillantes, vinum corruptum, papiliones frumentum exedentes, murium damna, grando, pruina, tectum aquam remittens, picturæ, tapeta, argenteæque vaſa mutuò data nec reddita. Fortuito quoque amicus adveniens imparato, bellorum rumores, vinum adveſtum non paratis cadis, merx in ripâ ſine vectoribus & gerulis, calor urens, frigus aſperum,

rum, nives præalta, domus ruinosæ, nebulosus
 ær, fulgura frequentia, ebrii domestici, alii
 ægri, Inspeciones variæ, consanguinei qui te
 excedunt. Hic calamitatum non magnarum
 elenchus in infinitum augeri potest, aliâsque,
 quibus crescat, cujusque observatio facile
 suppeditabit.

APHORISMUS Tertius.

*Malis majoribus assuetus, minoribus
 haud facile movetur.*

REs magnæ reliquas minuunt & quodam-
 modo annihilant. Fortuna bona,
 si sit infima, si mediocris, illis, qui opti-
 mæ quandoque usi sunt, ingrata est, & ne
 bona quidem videtur. Et contra, mala,
 si media sint, si minima, iis, qui sæpius
 & diutius maxima sunt perpeSSI, tolerabilia
 sunt, & vix ut mala representantur. Sum-
 mæ prosperitate orbato quævis aliâ insipida
 est & injucunda, (quo sensu vulgò dicitur:
Miserum est fuisse felicem) & ab extremis
 calamitatibus liberato, aliæ, nobis calamita-

res non sunt, sed dulcescunt, à nobis saltem
minùs iniquo feruntur animo.

*Hoc quoq; Naso feres, quoniam majora tulisti,
Jam tibi sentiri sarcina nulla potest.*

A magno lumine, minus penè non videtur;
ab intensissimo frigore, de remissiore non
conquerimur; qui propter Nilum incolunt
Catadupum, sonos minores iis, quos Nilus
præcipitatus à montibus altissimis excitat,
non percipiunt; & a majoribus malis, qui-
bus assuevimus, minora ferè non sentimus;
acsi majora atrociam, à minoribus immuni-
tate lenire & quasi compensare studerent.

APHORISMUS Quartus.

Malis majoribus assuevisse, utile est.

MAlis quippè majoribus assuevisse, est
veluti antidotus, quâ adversus per-
turbationem & gravem & multiplicem, quæ,
malis minoribus ingruentibus, nos solet in-
festare, roboramur, & in animâ callum pro-
gignit,

gignit, quo ita munitur, ut minora sine molestiâ, aliquandò & sine sensu tolerare queat. *Bonum est viro, cùm portaverit jugum ab adolescentiâ suâ, Lamentat. C. 3. V. 27. Jugum* (inquam) tam *gravis afflictionis*, quàm *præceptorum*, quoniam illam meminisse juvat, & ætatem reliquàm reddit suaviorem.

APHORISMUS Quintus.

Hoc ipso, quòd assuevimus malis majoribus, lætari debemus.

QUòd nunquam dolere, sed semper & ubiquè lætari debemus, alibi probavimus; nunc idem, quod ad externa mala spectat, sed *inductione* demonstrabimus. Sic igitur disputamus: Malis majoribus assuevisse, re ipsâ utile est; ac proindè, hoc ipso, quòd ipsis assuevimus, gaudere debemus. Res quævis nobis verè utilis, lætitiâ nostram postulat & meretur. Secundò,

APHORISMUS Sextus.

*Hoc ipso, quòd patimur mala majora,
lætari debemus.*

SI enim lætandum sit, eò quòd malis majoribus affuevimus, hoc est, ipsa olim & diutiùs passi fuimus, lætandum est etiam hoc ipso quòd ea patimur, quoniam *τὸ passum fuisse, & τὸ jam pati*, tantùm tempore differunt. Quemadmodùm itaque legitima est hæc sequela : *Malum est olim peccasse, ergò & malum est jam peccare, vel hæc : Deum coluisse bonum est, ac proinde & nunc temporis Deum colere bonum est* : ita, si utile sit majora mala fuisse passum, nunc eadem pati est etiam utile, eoque propterea gaudere debemus. Tertiò,

APHORISMUS Septimus.

*Cum mala sunt minora, gaudere
debemus.*

Cum mala sunt majora, gaudendum est, ut modò demonstravimus, quamobrem multò magis, cum minora sunt, lætari oportet. Animam magnorum malorum victimam exiguis succumbere, est misera vesania, & stultitia planè ridicula. Et quidem, cum exigua mala sint penè infinita, (uti modò dictum fuit) si æquum sit, ut moriamur, quotiescunque contigerint; quid aliud erit hæc nostra vita, quàm luctus constans & perpetuus? Quartò,

APHORISMUS OCTAVUS.

*Cum eveniunt malis opposita,
gaudere debemus.*

Cum res sunt adversæ, lætandum est; quocirca & cum prosperæ sunt & secundæ, lætandum. Si ægri, pauperes & contempti, hilares esse debeamus, certè æquum est ut sani, opulenti & honorati gaudium amplexemur. Sanitas quidem ægritudini, egestati divitiæ & honor ignominia adversantur; verum, ut albedinem, & nigredinem, quæ ipsi repugnat, unus & idem oculus videt citra molestiam, & cum delectatione percipit: ita & animus prudentiâ imbutus, absque mœstitiâ, imò cum lætitiâ, quæcunque in hac vitâ contingunt, utut contraria sint, intuetur & exiepit. Quocirca,

APHORISMUS Nonus.

*Quaecunque nobis eveniunt, letâ
mente sunt excipienda.*

ETenim, mala five majora five minora, & illis opposita, (quorum singula hilari animo ferenda esse, modo demonstratum est,) externa omnia complectuntur.

APHORISMUS Decimus.

*Torqueri malis minoribus, non est
signum felicitatis.*

RE quâvis torqueri miserum est, & quàm magna aut parva sit illa, quâ angimur, ut an ense vel pugione interimamur, parùm referre putamus. Quamobrèm malis minoribus torqueri, foelicitatem haud magis, quàm aut vitium probitatem aut morbus sanitatem indicare potest; quoniam ut probitatem

bitati vitium morboque sanitas, ita miseria
 foelicitas aduersatur. Minoribus quidem
 hominem torqueri, cum maioribus non
 assuevisse probat, & mentis, ut quæ levibus
 opprimitur, imbecillitatem denotat; beati-
 tudinem verò haudquaquam demonstrat,
 nisi tenebræ lucis, aut quodvis contrarium,
 contrarii index habeatur. Cum itaque di-
 cit *Cardanus*: *Nullum certius foelicitatis si-*
gnum, quàm sæpius & à quavis causâ molestiâ
affici, à malis maioribus immunitas, est foeli-
citas, ad quam solam ipsum respicere credi-
mus; sed non est quòd illam immunitatem
augusto foelicitatis nomine insigniret. Non
 ideo minùs ærumnosi sumus, quia minora
 sunt, quibus affligimur, nec foeliciores, quia
 maioribus non vexamur. Tam miser esse
 potest quisquis torquetur exiguis, quàm qui
 magnis urgetur. Miseria eò major aut mi-
 nor est, quò magis aut minùs torquemur,
 non quò maiora sunt mala aut minora, qui-
 bus affligimur. Cum minus est malum, mi-
 seria major, cum majus, minor esse potest.
 Objectorum æqualitati vel inæqualitati, pa-
 ritatem miseriæ vel imparitatem non debe-
 mus; & quid iuvat exiguis calamitatibus
 graviter afflictum in maiores non incidisse?

Negativa

Negativa foelicitas est nullo perturbari malo, vel grandi vel pusillo : *Positiva*, quæcunque occurrunt æqui bonique consulere. *Beatus est presentibus* (inquit Seneca) *qualiacunque sunt, contentus, amicisq; rebus suis* : Beatus autem non est, qui se beatum esse non cognoscit, ut nec miser, qui se miserum esse non existimat ; ita ut signis, quibus sibi patefiat sua cuiusque vel beatitudo vel miseria, haud opus esse videatur. Nullum verò, quo alteri demonstretur beatitas, *παρηγορι* agnoscimus. Ut bonitatem, ita foelicitatem simulare, & simulando, cunctos alios possumus decipere. Est foelicitas sicut *novum nomen in calculo scriptum, quod nemo scit nisi qui accipit*, Apocalyps. C. 2. V. 17. Sed, si de aliorum foelicitate libeat conjecturam facere, (quod nostrâ tamen parùm interest, modò nos ipsos beatos esse cognoscamus) à linguâ signum mutuemur. Vides hominem, qui nec Deum accusat, nec de iis, quæ Dei jussu eveniunt, conqueritur ? Illum inter *Beatos* collocare nē verearis. Sorte suâ contentum esse, qui nihil agrè fert, & illum nihil agrè ferre, cujus omnis sermo à *querimoniâ* alienus est, merito præsumitur. *Ex abundantia cordis os loquitur*, Matth. C. 13.

V. 34. Os laudibus repletur, quibus quæcunque accidunt, commendamus, si cor sit pacatum, tranquillum & compositum; querelis verò, quibus ea, quæ eveniunt, causamur, si luctuosum, miserum & perturbatum.

EPILOGVS.

Qui opinione suâ beati sunt, se nec Aphorismis nec aliis adminiculis indigere existimant; qui se verò miseros esse putant, remedia contemnunt ut inefficacia. Aphorismis igitur quid opus est? Ad beatos quod attinet; illis, ut foelices evaserunt, scire, gratum, & quo pacto foelicitatem sartam tectam conservare queant, & utile & jucundum fore nulli dubitamus. Sed beati, ipsis etsi suppetias haud feramus, tranquillitate suâ fruantur in æternum. Ad miseros accedimus, eosq; moneamus, quòd sponte suâ sunt miseri, non durâ & ferreâ necessitate; dein, ut abdicent miseriam & adipiscantur foelicitatem, ostendimus; quâ ratione deniquè, postquàm se-
mel

mel effugerint miseriam, ita se gerant, ut in
illam non relabantur, enarramus. Quod si
ex hisce lucubrationibus utilitatem perci-
pere neglexerint & recusaverint, peccasse
poena sit. Illis supplicium, quia miseriam,
contemptus salubrium pharmacorum a-
bundè multatur, imprecari nolumus. Utut se
res habeant, nobis certè & volupe est eum
beatos oblectare & confirmare, tum miseris
prodesse voluisse, & satis, tempus succisivum
in eo studio collocasse, quod utrosque ju-
vare possit & debeat.



F I N I S.

n
i
e
e
t
e
m
is
m
a-